

國學基本叢書簡編
唐詩別裁

下



上海图书馆藏书




A541 212 0006 2205B

沈德潛選註

國學基本
叢書簡編

唐詩別裁下

商務印書館發行



~~1650020~~

唐詩別裁

卷九

五言律詩

玄宗皇帝姓李諱隆基睿宗子靖內難即位開元中任姚崇宋璟韓休張九齡諸人治稱太平天

武明年遷京居西內崩唐祚自此不復再振○太宗高宗中宗皆有詩然承陳隋之後古律俱未諧故以玄宗爲始冠於唐初諸臣之上尊君也

經魯祭孔子而歎之

夫子何爲者，棲棲一代中。地猶鄆氏邑，宅卽魯王宮。歎鳳嗟身否，傷麟怨道窮。今看兩楹奠，當與夢時同。

孔子之道從何處贊歎故只就不過立言此卽運意高處

送賀知章

遺榮期入道，辭老竟抽簪。豈不惜賢達，其如高尚心。寰中得祕要，方外散幽襟。獨有青門餞，羣僚悵別深。

朱子云越州有石刻唐朝臣送賀知章詩只

幸蜀西至劍門至劍門而未解

劍閣橫雲峻，鑾輿出狩回。翠屏千仞合，丹嶂五丁開。灌木縈旗轉，仙雲拂馬來。乘時方在德，嗟爾勒銘賢。

載有劍才雄健有力開盛
關銘所唐一代先聲

王績

野望

東臯薄暮望徙倚欲何依。樹樹皆秋色。山山唯落暉。牧童驅犢返。獵馬帶禽歸。相顧無相識。長歌懷采薇。

五言律前此失殿者多。應以此章為首。○通章只無相識處。懷采薇偶然興寄古人也。說詩家謂感隋之將亡。毋乃穿鑿。

王勃

別薛華

送送多窮路。遑遑獨問津。悲涼千里道。悽斷百年身。心事同漂泊。生涯共苦辛。無論去與住。俱是夢中人。

杜少府之任蜀州

城闕已處輔三秦。風煙望五津。蜀地少與君離別意。同是宦遊人。海內存知己。天涯若比鄰。無為在歧路。

兒女共霑巾。

楊炯

華陰人。舉神童。為弘文館學士。則天初。左遷梓州參軍。終盈川令。炯與王勃。盧照鄰。駱賓王。以文詞齊名。稱王楊盧駱。炯曰。我愧在盧前。恥居王後。蓋不滿于子安也。

從軍行

烽火照玉京。心中自不平。牙璋辭鳳闕。鐵騎繞龍城。雪暗凋旗畫。風多雜鼓聲。寧為百夫長。勝作一書生。

此泛言用武効力勝於一經自守。唐汝詢爲朝廷尊寵武臣而益川抱才不遇。故爾心中不平。亦近於鑿。

盧照鄰

春晚山莊率題

田家無四鄰。獨坐一園春。鶯啼非選樹。魚戲不驚綸。山水彈琴盡。風花酌酒頻。年華已可樂。高興復留人。

清穩詩自開
後人風氣

駱賓王

在獄詠蟬

西陸蟬聲唱。南冠客思侵。那堪玄鬢影。來對白頭吟。露重飛難進。風多響易沉。無人信高潔。誰爲表予心。

賈王兵敗後。史稱被誅。或云亡命。無下獄之說。意未從敬業之前。曾見繫也。原序平反已奏。等語。見非討武后之故。甚明。

蘇味道 樂城人。未弱冠成進士。延載中。歷官鳳閣侍郎。證聖初。拜天官侍郎。聖歷初。同鳳閣鸞臺。三品。前後居相位數載。事持兩端。中無斷決。人號蘇摸稜。至賀三月。雪爲瑞。雪蓋詔。佞人也。後坐張易之。黨貶死媚州。

正月十五夜

火樹銀花合。星橋鐵鎖開。暗塵隨馬去。明月逐人來。遊妓皆穠李。行歌盡落梅。金吾不禁夜。玉漏莫相催。

章承慶 字延休。陽武人。以孝聞。舉進士。補雍王府參軍。長壽中。累遷鳳閣舍人。後三掌天官。知政事。後貶嶺表。入爲祕書少監。封扶揚縣子。遷黃門侍郎卒。

凌朝浮江旅思一作馬周詩

天晴上初日。春水送孤舟。山遠疑無樹。潮平似不流。岸花開且落。江鳥沒還浮。羈望傷千里。長歌遣四愁。

三四眼前真景可悟畫理。

劉希夷

晚春

佳人眠洞房。回首見垂楊。寒盡鴛鴦被。春生玳瑁牀。庭陰幕青靄。簾影散紅芳。寄語同心伴。迎春且薄粧。

六朝風致。一語百媚。

陳子昂

晚次樂鄉縣

故鄉杳無際。日暮且孤征。川原迷舊國。道路入邊城。野戍荒煙斷。深山古木平。如何此時恨。嗷嗷夜猿鳴。

前此風格初成。精華未備。子昂崛起。堅光奧響。遂開少陵之先。方虛谷云。不但感遇爲古調之祖。其律詩亦近體之祖也。

春日登九華觀

白玉仙臺古。丹邱別望遙。山川亂雲日。樓榭入煙霄。鶴舞千年樹。虹飛百尺橋。還逢赤松子。天路坐相邀。

度荆門望楚

遙遙去巫峽，望望下章臺。巴國山川盡，荆門煙霧開。城分蒼野外，樹斷白雲隈。今日狂歌客，誰知入楚來。

序自蜀入楚道，路結言楚有狂歌之士，今反狂歌入楚也。

春夜別友人

銀燭吐青煙，金樽對綺筵。離堂思琴瑟，別路繞山川。明月隱高樹，長河沒曉天。悠悠洛陽去，此會在何年。

送魏大從軍

匈奴猶未滅，魏絳復從戎。悵別三河道，言追六郡雄。雁山橫代北，狐塞接雲中。勿使燕然上，惟留漢將功。

絳本和戎，今日從戎，此活用之法，一結雄渾。

送別崔著作東征

金天方肅殺，白露始專征。王師非樂戰，之子慎佳兵。海氣侵南部，邊風掃北平。莫賣盧龍塞，歸邀麟閣名。

魏志：田疇入徐無山中躬耕，百姓歸之。太祖北征烏丸，不得進，疇曰：可回軍，從盧龍口，越白檀之險，路近而便。太祖引軍出盧龍，大斬獲，論功行封，疇不受。曰：豈可賣盧龍塞以易賞哉。○詩意以慎佳兵爲主。

杜審言

蓬萊三殿侍宴奉敕詠終南山

北斗挂城邊，南山倚殿前。雲標金闕迴，樹杪玉堂懸。半嶺通佳氣，中峯繞瑞煙。小臣持獻壽，長此戴堯天。

初唐五言律不用雕鏤然後人雕鏤者正不能到故曰大巧若拙陳杜沈宋足以當之○詩詠終南而通說蓬萊此應制體也

秋夜宴臨津鄭明府宅

行止皆無地。招尋獨有君。酒中堪累月。身外即浮雲。霜白宵鐘徹。風清曉漏聞。坐攜餘興往。還似未離羣。

累月浮雲妙用活對月與雲皆活用也故下有霜風字而不嫌其複

夏月過鄭七山齋

共有尊中好。言尋谷口來。薜蘿山逕入。荷芰水亭開。日氣含殘雨。雲陰送晚雷。洛陽鐘鼓至。車馬繫遲迴。

寫日中之雨雨後之雷有情有景

和晉陵陸丞早春遊望

獨有宦遊人。讐偏驚物候。新雲霞出海曙。梅柳度江春。淑氣催黃鳥。晴光轉綠蘋。忽聞歌古調。歸思欲沾巾。

末二句指陸丞之詩言陸懷歸并動已之歸思也

登襄陽城

旅客三秋至。層城四望開。楚山橫地出。漢水接天回。冠蓋非新里。章華即舊臺。習池風景異。歸路滿塵埃。

冠蓋里章華臺習都池皆在襄陽甲古詩不應空寫即此可悟

送崔融

君王行出將。書記遠從征。祖帳連河闕。軍麾動洛城。旌旆朝朔氣。笳吹夜邊聲。坐覺煙塵埽。秋風古北平。

賦得妾薄命

草綠長門掩。苔青永巷幽。寵移新愛奪。淚落故情留。啼鳥驚殘夢。飛花攪獨愁。自憐春色罷。團扇復迎秋。

漢代后廢每居長門宮人廢每居永巷。六語攪字本經語抵攪我心謂亂也。

沈佺期

銅雀臺

昔年分鼎地。今日望陵臺。一旦雄圖盡。千秋遺令開。綺羅君不見。歌舞妾空來。恩共漳河水。東流無重回。

雲卿近體吞吐含芳安詳合度不必陳之簡老杜之渾厚而位置其間自難軒輊。○嘲笑魏武意於言外見之。○古人輕重之重與重疊之重通用。

被試出塞

十年通大漠。萬里出長平。寒日生戈劍。陰雲拂旆旌。饑烏啼舊壘。疲馬戀空城。辛苦臯蘭北。胡塵損漢兵。

送金城公主適西番應制

金榜扶丹掖。銀河屬紫關。那堪將鳳女。還以嫁烏孫。玉就歌中怨。珠辭掌上恩。西戎非我匹。明主至公存。

極周旋正是極不堪處。

遊少林寺

長歌遊寶地，徙倚對珠林。鴈塔風霜古，龍池歲月深。紺園澄夕霽，碧殿下秋陰。歸路煙霞晚，山蟬處處吟。

夜宿七盤嶺

獨遊千里外，高臥七盤西。山月臨窗近，天河入戶低。芳春平仲綠，清夜子規啼。浮客空留聽，褒城聞曙雞。

平仲木名，見吳都賦。聽與聞複結處，每不用力爲昭容所抑，亦由乎此。

雜詩

聞道黃龍戍，頻年不解兵。可憐閨裏月，長在漢家營。少婦今春意，良人昨夜情。誰能將旗鼓，一爲取龍城。

隴頭水

隴山飛落葉，隴鴈度寒天。愁見三秋水，分爲兩地泉。西流入羌郡，東下向秦川。征客重回首，肝腸空自憐。

宋之問

夏日仙夢亭應制

高嶺逼星河，乘輿此日過。野合時雨潤，山雜夏雲多。容藻光巖穴，宸襟洽薜蘿。悠然小天下，歸路滿笙歌。

扈從登封途中作

帳殿鬱崔嵬，仙遊寶壯哉。晚雲連幕捲，夜火雜星回。谷暗千旗出，山鳴萬乘來。扈從良可賦，終乏掞天才。

沉雄之作，落句不免意盡。

送沙門弘景道俊玄奘還荊州應制

三乘歸淨域。萬騎餞通莊。就日離亭近。以謁彌天別路長。以去荊南旋杖鉢。渭北限津梁。何日紆眞果。還來入帝鄉。弘景道俊未詳。玄奘於貞觀中歷西域。取經歸。翻譯入藏。高宗勅還荊州。羣僚餞之。○彌天猶遠天。此僧家語。

奉和立春日侍宴內出剪綵花應制

金閣妝仙杏。瓊筵弄綺梅。人間都未識。天上忽先開。蝶繞香絲住。蜂憐豔粉迴。今年春色早。應爲剪刀催。
留別之望舍弟

同氣有三人。分飛在此晨。西馳巴嶺徼。東去洛陽濱。強飲離前酒。終傷別後神。誰憐散花萼。獨赴日南春。
途中寒食

馬上逢寒食。愁中屬暮春。可憐江浦望。不見洛陽人。北極懷明主。南溟作逐臣。故園腸斷處。日夜柳條新。

此詩應謫龍州時作。結處故園與四語洛陽相應。

登禪定寺閣

梵宇出三天。登臨望八川。開襟坐霄漢。揮手拂雲煙。函谷青山外。昆池落日邊。東京楊柳陌。少別已經年。
度大庾嶺

度嶺方辭國。停軺一望家。魂隨南翥鳥。淚盡北枝花。山雨初含霽。江雲欲變霞。但令歸有日。不敢怨長沙。

題大庾嶺北驛

陽月南飛鴈。傳聞至此迴。我行殊未已。何日復歸來。江靜潮初落。林昏瘴不開。明朝望鄉處。應見隴頭梅。

隴頭疑是嶺頭

陸渾山庄

歸來物外情。負杖闕巖耕。源水看花入。幽林採藥行。野人相問姓。山鳥自呼名。去去獨吾樂。無能愧此生。

李嶠

長寧公主東莊侍宴

別業臨青甸。鳴鑾降紫霄。長筵鵷鷺集。仙管鳳凰調。樹接南山近。煙含北渚遙。承恩咸已醉。戀賞未還鑣。

結見君恩無已

送金城公主適西番應制

漢帝撫戎臣。絲言命錦輪。還將弄機女。比天孫遠嫁織皮人。曲怨關山月。粧消道路塵。所嗟穠李樹。用王姬事

對小榆春。公主和番極辱國事雖奉詔作亦帶諷諫此立言之體也

宗楚客。字子敖蒲州人擢進士第諂事章后武三思累官中書令陷害忠良并與謀弒逆中宗中毒崩睿宗子平王以兵靖亂誅章后武三思楚客亦伏誅

奉和人日清暉樓宴羣臣遇雪應制

窈窕神仙閣。清暉樓參差雲漢間。九重中禁啓。七日人早春還。太液天爲水。猶云天在水蓬萊雪作山。遇今朝上

林樹頂上作結無處不堪攀。
長孫正隱未詳。

晦日宴高氏林亭同用華字

晦晚屬煙霞。遨遊重歲華。歌鐘雖戚里。林藪是人家。細雨猶開日。深池不漲沙。淹留迷處所。巖岫幾重花。

郭振

塞上

塞上虜塵飛。頻年出武威。死生隨玉劍。辛苦向金微。久戍人將老。長征馬不肥。仍聞酒泉郡。已合數重圍。

蘇頲

奉和登驪山高頂應制

仙蹕御層氛。高高積翠分。巖聲中谷應。天語半空聞。豐樹連黃葉。函關入紫雲。聖圖恢宇縣。歌賦少橫汾。

崔湜

字澄瀾。定州人。少成進士。官左補闕。預修三教珠英。轉考功員外郎。附武三思。遷兵部侍郎。又附上官昭容。轉中書侍郎。平章事。以事左轉。襄陽刺史。章庶人臨朝。復拜中書令。肅

折楊柳

至忠誅湜流嶺外。後知湜本謀。賜死。

二月風光半。三邊戍不還。年華妾自惜。楊柳爲君攀。落絮縈衫袖。垂條拂髻鬢。那堪音信斷。流涕望陽關。

張說

恩敕麗正殿書院宴應制得林字

東壁圖書府。西園翰墨林。誦詩聞國政。講易見天心。位竊和羹重。恩叨醉酒深。載歌春興曲。情竭爲知音。

岳州燕別潭州王熊

縉雲通省閣。溝水遶西東。然諾心猶在。容華歲不同。孤城臨楚塞。遠樹入秦宮。誰念三千里。江潭一老翁。

深渡驛

旅宿青山夜。荒庭白露秋。洞房懸月影。高枕聽江流。猿響寒巖樹。螢飛古驛樓。他鄉對搖落。併覺起離憂。

還至端州驛前與高六別處

舊館分江口。淒然望落暉。相逢傳旅食。臨別換征衣。追敘從前會合及別離事昔記山川是。今傷人代非。往來皆此路。生死不同歸。燕公嘗貶岳州與高遇而旋別及召還而高已辭世念及解衣推食情事悽然今地是人非死生異路不勝悼歎也

岳州贈廣平公宋大夫

亞相本時英。歸來復國楨。朝推長孺直。野慕隱之清。傳節還閩嶂。皇華入漢京。自謂寧思江上老。歲晏獨無成。

和魏僕射還鄉

富貴還鄉國。光華滿舊林。秋風樹不靜。君子歎何深。
用臯魚語謂歸而親沒也。故老空懸劍。用季鄰交日散金。用疏樂

芳搖落盡。獨有歲寒心。

幽州夜飲

涼風吹夜雨。蕭瑟動寒林。正有高堂宴。能忘遲暮心。
此種結後惟老杜有之。遠臣宜作是想。軍中宜劍舞。塞上重笳音。不作邊城將。誰知恩遇深。

南中別蔣五岑向青州

老親依北海。賤子棄南荒。有淚皆成血。無聲不斷腸。此中逢故友。彼地送還鄉。願作楓林葉。隨君度洛陽。

南中贈高六戩

北極辭明代。南溟宅放臣。丹誠由義盡。白髮帶愁新。鳥墜炎洲氣。花飛洛水春。平生歌舞席。誰憶不歸人。

張九齡

望月懷遠

海上生明月。天涯共此時。
情至情人怨遙夜。竟夕起相思。滅燭憐光滿。披衣覺露滋。不堪盈手贈。還寢夢佳期。

旅宿淮陽亭口號

日暮荒亭上，悠悠旅思多。故鄉臨桂水，今夜眇星河。暗草霜華發，空亭鴈影過。興來誰與晤，勞者自爲歌。

故鄉臨韶川之桂水，旅中念及眇若天河，此種活對，度人無限金針。

折楊柳

纖纖折楊柳，持此寄情人。一枝何足貴，憐是故園春。遲景那能久，芳菲不及新。更愁征戍客，容鬢老邊塵。

湖口望廬山瀑布水

萬丈紅泉落，迢迢半紫氛。奔流下雜樹，洒落出重雲。日照虹霓似，天清風雨聞。靈山多秀色，空水共氤氳。

任華愛太白瀑布詩，係海風吹不斷。江月照還空二語，此詩正足相敵。

孫逖

宿雲門寺閣

香閣東山下，煙花象外幽。懸燈千嶂夕，卷幔五湖秋。畫壁餘鴻鴈，紗窗宿斗牛。更疑天路近，夢與白雲遊。

千嶂夕，五湖秋，承象外幽言之。五言寺之古，六言閣之高。

梁獻未詳

王昭君

圖畫失天真。容華坐誤人。君恩不可再。妾命在和親。淚點關山月。衣銷邊塞塵。一聞陽鳥至。思絕漢宮春。
安命語實深于怨。○唐人詠昭君者多纖巧恬俗。此作故為雅音。若少陵羣山萬壑。赴荆門筆如游龍。不可方物矣。

崔顥

贈梁州張都督

聞君爲漢將。虜騎罷南侵。出塞清沙漠。還家拜羽林。風霜臣節苦。歲月主恩深。爲語西河使。知予報國心。
末語予字都督。自謂欲虜地知其忠勇報國之心。不敢犯邊也。此等結法。少陵有之。

送單于裴都護赴西河

征馬去翩翩。城秋月正圓。單于莫近塞。都護欲臨邊。漢驛通煙火。胡沙乏井泉。功成須獻捷。未必去經年。

題潼關樓

客行逢雨霽。歇馬上津樓。山勢雄三輔。關門扼九州。川從陝路去。河繞華陰流。向晚登臨處。風煙萬里愁。

劉昫

寄江滔求孟六遺文

南望襄陽路。思君情轉親。滔偏知漢水廣。應與孟家鄰。在日貪爲善。昨來聞更貧。相如有遺艸。一爲問家人。
不負死友古人交誼。遺草中必無封禪書。

闕題

道由白雲盡。春與青溪長。時有落花至。遠隨流水香。閒門向山路。深柳讀書堂。幽映每白日。清輝照衣裳。

每事過求。則當前妙境忽而不領。解此意。方見其自然之趣。

張子容 子容襄陽人。與孟浩然同隱鹿門山。開元初擢進士。為樂城令。

送孟浩然歸襄陽

東越相逢地。西亭送別津。風潮看解纜。雲海去愁人。鄉在桃林岸。山連楓樹春。因懷故園意。歸與孟家鄰。

貶樂城尉日作

竄謫邊窮海。川原近惡谿。有時聞虎嘯。無夜不猿啼。地暖花長發。巖高日易低。故鄉可憶處。遙指斗牛西。

賀知章 字季真。越州永興人。證聖初擢進士。累遷太常博士。開元初遷禮部侍郎。兼集賢殿學士。天寶初乞為道士。詔賜鏡湖一曲。御製詩送行。并令朝臣賦詩餞送。稱為盛事。

送人之軍中

常經絕脈塞。復見斷腸流。送子成今別。令人起昔愁。隴雲晴半雨。邊艸夏先秋。萬里長城寄。無貽漢國憂。

陶翰

新安江行

江源南去永。野飯暫維梢。古戍懸漁網。空林露鳥巢。雪晴山脊見。沙淺浪痕交。自笑無媒者。逢人作解嘲。

王維也。右丞五言律有二種。一種以清遠勝。如行到水窮處。坐看雲起時。是也。一種以雄渾勝。如天官動將星。漢地柳條青。是也。當分別觀之。

從岐王過楊氏別業應教岐王名範。玄宗弟。

揚子談經處。淮王載酒過。興闌啼鳥換。坐久落花多。逕轉迴銀燭。林開散玉珂。嚴城時未啓。前路擁笙歌。

楊子雲比楊氏。淮王比岐王。三四言賞玩之久也。後言深夜始歸。餘情無盡。

同崔員外秋宵寓直禁中直宿。

建禮門名廬。高秋夜。承明名。候曉過。九門寒漏徹。萬井曙鐘多。月迥藏珠斗。雲消出絳河。更慙衰朽質。南陌共

鳴珂。

酬張少府

晚年惟好靜。萬事不關心。自顧無長策。空知返舊林。松風吹解帶。山月照彈琴。君問窮通理。漁歌入浦深。

結意以不答答之。

輞川閒居贈裴秀才迪

寒山轉蒼翠。秋水日潺湲。倚杖柴門外。臨風聽暮蟬。渡頭餘落日。墟里上孤煙。復值接輿醉。狂歌五柳前。

山居秋暝

空山新雨後。天氣晚來秋。明月松間照。清泉石上流。竹喧歸浣女。蓮動下漁舟。隨意春芳歇。王孫自可留。

言春芳雖歇山
中自可留也

歸嵩山作

清川帶長薄。草木交錯曰薄。車馬去閒閒。流水如有意。暮禽相與還。荒城臨古渡。落日滿秋山。迢遞嵩高下。歸來且閉關。寫人情物性。每在有意無意間。

輞川閒居

一從歸白社。不復到青門。時倚簷前樹。遠看原上村。青菰臨水拔。白鳥向山翻。寂寞於陵子。桔槔方灌園。

三四天然
青白字復

終南山

太乙近天都。連山到海隅。白雲迴望合。青靄入看無。分野中峯變。陰晴衆壑殊。欲投人處宿。隔水問樵夫。近天都言其高。到海隅言其遠。分野二句言其大。四十字中無所不包。手筆不在杜陵下。或謂末二句似與通體不配。今玩其語意。見山遠而人寡也。非尋常寫景可比。

晚春嚴少尹與諸公見過

松菊荒三徑。圖書共五車。烹葵邀上客。看竹到貧家。鵲乳先春草。鶯啼過落花。自憐黃髮暮。一倍惜年華。

過香積寺

不知香積寺。數里入雲峯。古木無人徑。深山何處鐘。泉聲咽危石。日色冷青松。咽與冷見用字之妙。薄暮空潭曲。安

禪制毒龍。

登辨覺寺

竹逕從初地。蓮峯出化城。窗中三楚盡。林外九江平。軟草承趺坐。長松響梵聲。空居法雲外。觀世得無生。

送嚴秀才還蜀

寧親爲令子。似舅卽賢甥。將謁別路經花縣。還鄉入錦城。親也。山臨青塞斷。江向白雲平。獻賦何時至。明

君憶長卿。

送張判官赴河西

單車曾出塞。報國敢邀勳。見逐張征虜。今思霍冠軍。沙平連白雪。蓬卷入黃雲。慷慨倚長劍。高歌一送君。

同崔興宗送瑗公

言從石菌閣。新下穆陵關。獨向池陽去。白雲留故山。綻衣秋日裏。洗鉢古松間。一施傳心法。唯將戒定還。

以紉綻爲綻。猶以澣爲澣。以治爲亂也。

送平淡然判官

不識陽關路。新從定遠侯。黃雲斷春色。畫角起邊愁。瀚海經年到。交河出塞流。須令外國使。知飲月支頭。

匈奴破月支王以其頭爲飲器。今借來活用。

送趙都督赴代州

天官動將星。漢地柳條青。萬里鳴刁斗。三軍出井陘。忘身辭鳳闕。報國取龍庭。豈學書生輩。牕間老一經。

送方城韋明府

遙思葭莢際。寥落楚人行。高鳥長淮水。遠景在目平蕪故郢城。使車聽雉乳。縣鼓應雞鳴。若見州從事。無嫌手板迎。

送梓州李使君

萬壑樹參天。斗絕千山響杜鵑。山中一夜雨。樹杪百重泉。從上蟬聯而下。而本句中復用流水對古入中亦偶見。漢女輸檀布。巴人認芋田。文翁翻教授。不敢倚先賢。結意言時之所急在征戍。而文公治蜀。翻在教授。準之當今。恐不敢倚先賢也。然此亦須活看。

送劉司直至安西

絕域陽關道。胡沙與塞塵。三春時有鴈。萬里少行人。苜蓿隨天馬。葡萄逐漢臣。當令外國懼。不敢覓和親。

一氣渾淪。神勇之技。

送賀遂員外外甥

南國有歸舟。荆門泝上流。蒼茫葭莢外。雲水與昭丘。檣帶城烏去。江連暮雨愁。猿聲不可聽。莫待楚山秋。

送楊長史赴果州

褒斜不容臆。之子去何之。鳥道一千里。猿聲十二時。官橋祭酒客。山木女郎祠。別後同明月。君應聽子規。

子規叫不如歸去。蓋望其歸也。

送邢桂州 唐之合浦。卽

鏡吹喧京口。風波下洞庭。赭圻將赤岸。擊汰復揚舲。日落江湖白。潮來天地青。明珠歸合浦。應逐使臣星。

三四當句對。復用活對。潮來句奇警。未諷以不貪也。古人用意曲折微婉。後漢書。孟嘗字伯周。遷合浦太守。先時宰守貪珠。徒交阻。嘗到官。去珠復還。

送丘爲落第歸江東

憐君不得意。况復柳條春。爲客黃金盡。還家白髮新。五湖三畝宅。萬里一歸人。知禰不能薦。反用孔融。羞

稱獻納臣。末句自咎。言我知君而不能薦之于朝。蓋自比于獻納臣也。玄宗改理。醜使爲獻納使。故有是稱。

漢江臨汎

楚塞三湘接。荆門九派通。江流天地外。山色有無中。郡邑浮前浦。波瀾動遠空。襄陽好風日。留醉與山翁。

被出濟州

微官易得罪。謫去濟川陰。執政方持法。明君無此心。亦周旋。亦感憤。閭閻河潤上。井邑海雲深。縱有歸來日。多愁

年鬢侵。

使至塞上

單車欲問邊。屬國過居延。征蓬出漢塞。歸鴈入胡天。大漠孤煙直。長河落日圓。蕭關逢候吏。都護在燕然。

冬晚對雪憶胡居士家

寒更傳曉箭。清鏡覽衰顏。隔牖風驚竹。開門雪滿山。灑空深巷靜。積素廣庭閒。借問袁安舍。翛然尙閉關。
寫對雪意。不削而合。不繪而工。憶胡居士。只未一見。

終南別業

中歲頗好道。晚家南山陲。興來每獨往。勝事空自知。行到水窮處。坐看雲起時。偶然值林叟。談笑無還期。
行所無事。一片化機。末語無還期。謂不定還期也。無字或作滯字亦可。

登裴迪秀才小臺作

端居不出戶。滿目望雲山。落日烏邊下。秋原人外閒。遙知遠林際。不見此簷間。好客多乘月。應門莫上關。
轉從遠林望小臺。思路曲折。遠林已之家中。故結言應門有待。莫便上關。

秋夜獨坐

獨坐悲雙鬢。空堂欲二更。雨中山果落。燈下草蟲鳴。白髮終難變。黃金不可成。
翻方欲知除老病。惟有學無生。

觀獵

風勁角弓鳴。將軍獵渭城。草枯鷹眼疾。雪盡馬蹄輕。忽過新豐市。還歸細柳營。回看射鵰處。千里暮雲平。

章法。句法。字法。俱臻絕頂。盛唐詩中亦不多見。○起二句若倒轉。便是凡筆。勝人處全在突兀也。結亦有回身射鵰手段。

孟浩然。孟詩勝人處。每無意求工。而清超越俗。正復出人意表。○清淺語。誦之自有泉流石上。風來松下之音。

臨洞庭上張丞相

八月湖水平。涵虛混太清。氣蒸雲夢澤。波撼岳陽城。下半上張丞相欲濟無舟楫。端居恥聖明。坐觀垂釣者。徒有

羨魚情。起法高渾。三四雄闊。足與題稱。○讀此詩知襄陽非甘於隱。遜者語云。臨淵羨魚。不如退而結網。意外望張公之接引也。

上巳洛中寄王九迴

卜洛成周地。浮杯上巳筵。鬪雞寒食下。走馬射臺前。垂柳金堤合。平沙翠幙連。不知王逸少。何處會羣賢。

與諸子登峴山

人事有代謝。往來成古今。江山留勝跡。我輩復登臨。水落魚梁淺。天寒夢澤深。羊公碑尚在。讀罷淚沾襟。

清遠之作。不煩攻苦著力。

晚春

二月湖水清。家家春鳥鳴。林花掃更落。徑草踏還生。酒伴來相命。開樽共解醒。當杯已入手。歌妓莫停聲。

題義公禪房

義公習禪寂。結宇依空林。戶外一峯秀。塔前衆壑深。夕陽連雨足。空翠落庭陰。看取蓮花淨。方知不染心。

李公園臥疾

我愛陶家趣。林園無俗情。春雷百卉坼。寒食四鄰清。伏枕嗟公幹。歸田羨子平。年年白社客。空滯洛陽城。

劉公幹詩。余嬰沉痾疾。羸身清漳濱。○張平子有歸田賦。向子平不知何指。

尋梅道士

彭澤先生柳山陰。道士鵝我來從所好。停策夏陰多重。以觀魚樂。因之鼓枻歌。崔徐迹未朽。千載揖清波。

梅道士水亭

傲吏非凡吏。名流卽道流。隱居不可見。高論莫能酬。水接仙源近。山藏鬼谷幽。再來尋處所。花下問漁舟。

尋天台山

吾愛太乙子。餐霞臥赤城。欲尋華頂去。不憚惡溪名。歇馬憑雲宿。揚帆截海行。高高翠微裏。遙見石梁橫。

虔州有惡溪。應從處州至天台也。華頂天台之巔。一統志謂石梁廣不盈尺。長數十丈。下臨絕澗。予遊其地。長三丈許。僧與樵人每經行焉。

歸終南山

北闕休上書。南山歸敝廬。不才明主棄。多病故人疎。白髮催年老。青陽逼歲除。永懷愁不寐。松月夜窗虛。

此浩然不第歸來作也。時帝幸王維寓。浩然見帝。帝命賦平日詩。浩然卽誦此篇。帝曰。卿不求仕。朕何嘗棄卿。遂放還時。不誦臨洞庭而誦歸終南。命實爲之。浩然亦有不能自主者耶。

初出關旅亭夜坐懷王大校書

向夕槐煙起，葱蘢池館曛。客中無偶坐，關外惜離羣。燭至螢光滅，荷枯雨滴聞。永懷芸閣友，寂寞滯揚雲。
過故人庄

故人具雞黍，邀我至田家。綠樹村邊合，青山郭外斜。開軒面場圃，把酒話桑麻。待到重陽日，還來就菊花。
通體清妙，末句就字作意，而歸于自然。

裴司士見尋

府僚能枉駕，家醞復新開。落日池上酌，清風松下來。廚人具雞黍，稚子摘楊梅。誰道山翁醉，猶能騎馬回。
即山巨源倒載意也。山翁仍宜用山公。

和李侍御渡松滋江

南紀西江闊，皇華御史雄。截流寧假楫，挂席自生風。寮采爭攀鷁，魚龍亦避驄。坐聽白雪唱，翻入棹歌中。
宿桐廬江寄廣陵舊遊

山暝聽猿愁，滄江急夜流。風鳴兩岸葉，月照一孤舟。建德非吾土，維揚憶舊遊。還將兩行淚，遙寄海西頭。
孟公詩高子起，調故清而不寒。

送友東歸

士有不得志。棲棲吳楚間。廣陵相遇罷。彭蠡泛舟還。檣出江中樹。波連海上山。風帆明日遠。何處更追攀。

留別王維

寂寂竟何待。客中無聊之况。朝朝空自歸。欲尋芳草去。惜與故人違。當路誰相假。知音世所稀。祇應守寂寞。還掩故園扉。

開園懷蘇子

林園雖少事。幽獨自多違。向夕開簾坐。庭陰落翠微。鳥從煙樹宿。螢傍水軒飛。感念同懷子。京華去不歸。

早寒有懷

木落鴈南渡。起手須得此高致。北風江上寒。我家襄水曲。遙隔楚雲端。鄉淚客中盡。孤帆天際看。迷津欲有問。平

海夕漫漫。

途中遇晴

已失巴陵雨。猶逢蜀坂泥。天開斜景遍。山出晚雲低。餘溼猶沾草。殘流尚入溪。今宵有明月。鄉思遠悽悽。

狀晚霽如畫

赴京途中遇雪

迢遞秦京道。蒼茫歲暮天。窮陰連晦朔。積雪遍山川。落鴈迷寒渚。饑鳥噪野田。客愁空佇立。不見有人烟。

夜渡湘水

客行貪利涉。夜裏渡湘川。是夜露氣聞芳杜。歌聲識采蓮。榜人投岸火。漁子宿潭煙。行旅時相問。潯陽何

處邊。行旅自謂問者。榜人漁子也。

常建

破山寺後禪院

清晨入古寺。初日照高林。曲徑通幽處。禪房花木深。山光悅鳥性。潭影空人心。空字平聲。此入古句法。萬籟此俱寂。

惟聞鐘磬音。鳥性之悅。悅以山光。人心之空。空因潭水。此倒裝句法。通體幽絕。歐陽公自謂學之未能。古人虛心服善如是。

泊舟盱眙

泊舟淮水次。霜降夕流清。夜久潮侵岸。天寒月近城。平沙依鴈宿。侯館聽雞鳴。鄉國雲霄外。誰堪羈旅情。

卷十

五言律詩

賈至

南州有贈

極浦三春草。高樓萬里心。楚山晴靄碧。湘水暮流深。忽與朝中舊。同爲澤畔吟。子然異人。作欲側體。停杯試北望。還欲淚沾襟。應是貶岳州時作。與故人飲而念京華也。

岑

參嘉州五言多激壯之音

高冠谷口招鄭鄠

谷口來相訪。空齋不見君。澗花然暮雨。潭樹暖春雲。門逕稀人迹。簷峯下鹿羣。衣裳與枕席。山靄碧氛氲。三四然字暖字。工於烹鍊。

初授官題高冠草堂

三十始一命。宦情多欲闌。自憐無舊業。不敢恥微官。澗水吞樵路。山花醉藥闌。祇緣五斗米。辜負一漁竿。五六吞字辭字。與前一首同。

送杜佐下第歸陸渾別業

正月今欲半。陸渾花未開。出關見青艸。春色正東來。夫子且歸去。明時方愛才。還須及秋賦。莫卽隱蒿萊。芙蓉生在秋江上。不向東風怨未開。安分語耳。此詩純用慰勉。心和氣平。盛唐人身分。故不易到。

送張子尉南海

不擇南州尉。高堂有老親。樓臺重蜃氣。邑里雜蛟人。海暗三山雨。花明五嶺春。此鄉多寶玉。慎勿厭清貧。

著眼起結。○唐人結意虛調游衍者多。此種規諷有體。○諷以不食而云勿厭清貧。忠告善道。自宜爾爾。

趙少尹南亭送鄭侍御歸東臺

紅亭酒罄香。白面繡衣郎。砌冷蟲喧座。簾疎月到牀。鐘催離興急。絃逐醉歌長。關樹應先落。隨君滿路霜。

送張子東歸

白羽綠弓絃。年年只在邊。還家劍鋒盡。出塞馬蹄穿。逐虜西踰海。平胡北到天。封侯應不遠。燕領豈徒然。

只第三句見送歸意。下皆追叙其功。

奉送李太保兼御史大夫充渭北節度使卽太尉光弼弟

詔出未央宮。登壇近總戎。上公周太保。副相漢司空。弓抱關西月。旗翻渭北風。弟兄皆許國。天地荷成功。

乃與旗皆隨常景。點入關西渭北。便切渭北節度。而抱字翻字。尤使句中有力。

虢州送天平何丞入京市馬

關樹晚蒼蒼。長安近夕陽。回風醒別酒。細雨溼行裝。習戰邊塵黑。防秋塞艸黃。知君市駿馬。不是學燕王。

武威暮春聞宇文判官西使還已到晉昌

片雨過城頭。黃鸝上戍樓。寒花飄客淚。邊柳挂鄉愁。白髮悲明鏡。青春換弊裘。君從萬里使。聞已到瓜州。

因判官之歸。慨己之滯於武威也。武威屬梁州。晉昌瓜州屬隴右道。

寄左省杜拾遺

聯步趨丹陛，分曹限紫微。岑居右省，杜居左省。故云限。曉隨天仗入，暮惹御香歸。
白髮悲花落，青雲羨鳥飛。聖朝無闕事，自覺諫書稀。下年自傷遲暮，無可建白也。感嘆語以回護出之。方是詩人之旨。

登總持寺

高閣逼諸天，登臨近日邊。晴開萬井樹，愁看五陵煙。檻外低秦嶺，窗中小渭川。
早知清淨理，常願奉金仙。

磧西頭送李判官入京時岑留磧西爲記室

一身從遠使，萬里向安西。漢月垂鄉淚，胡沙費馬蹄。尋河愁地盡，過磧覺天低。
送子軍中飲，家書醉裏題。

陝州月城樓送辛判官入奏

送客飛鳥外，城頭樓最高。尊前遇風雨，窗裏動波濤。謁帝向金殿，隨身唯寶刀。
相思灞陵月，祇有夢偏勞。

入手須不平。宋人不講此法，所以單弱。

題山寺僧房

窗影搖羣木，牆陰載一峯。野爐風自爇，山碓水能舂。勤學翻知誤，一學則虛心。故知己之誤。爲官好欲慵。
高僧瞑不見。

月出但聞鐘。

巴南舟中夜書事

渡口欲黃昏。歸人爭渡喧。近鐘清野寺。遠火點江村。見鴈思鄉信。聞猿積淚痕。孤舟萬里夜。秋月不堪論。

邱中春臥寄王子

田中開白室。林下閉元關。卷跡人方處。無心雲自閒。竹深喧暮鳥。花缺露春山。佳句勝事那能說。王孫去未還。

初至犍爲作

山色軒楹內。灘聲枕席間。草生公府靜。花落訟庭閒。雲雨連三峽。風塵接百蠻。到來能幾日。不覺鬢毛斑。

高適

送劉評事充朔方判官賦得征馬嘶

征馬向邊州。蕭蕭嘶未休。思深應帶別。聲斷爲兼秋。岐路風將遠。關山月共愁。贈君從此去。何日大刀頭。

送鄭侍御謫閩中

謫去君無恨。閩中我舊過。大都秋鴈少。只是夜猿多。鴈少猿多正言旅思不堪也東路雲山合。南天瘴癘和。自當逢雨露。思厚行矣慎風波。

使青旌軍入居庸

匹馬行將久。征途去轉難。不知邊地別。祇訝客衣單。溪冷泉聲苦。山空木葉乾。莫言關塞極。雨雪尙漫漫。

醉後贈張九旭

世上謾相識。此翁殊不然。興來書自聖。醉後語尤顛。白髮老閒事。青雲在目前。牀頭一壺酒。能更幾回眠。

世俗交誼不親而泛云知已所謂漫相識也。

儲光羲

張谷田舍

縣官清且儉。深谷有人家。一徑入寒竹。小橋穿野花。碓喧春澗滿。梯倚綠桑斜。自說年來稔。前村酒可賒。

田舍之樂。由縣官清儉。欲安民先貴得人也。

題虬上人房

禪宮分兩地。釋子一爲心。入道無來去。清言見古今。江寒池水綠。山暝竹園深。別有中天月。遙遙散夕陰。

崔曙

塗中曉發

曉霽長風裏。勞歌赴遠期。雲輕歸海疾。月滿下山遲。旅望因高盡。鄉心遇物悲。故林遙不見。况在落花時。

緱山廟

遺廟宿陰陰。孤峯映綠林。步隨仙路遠。意入道門深。澗水流年月。山雲變古今。祇聞風竹裏。猶有鳳笙音。

奉試明堂火珠曙以是詩得名明年卒惟一女名星星是爲詩識

正位開重屋。凌空出火珠。夜來雙月滿。曙後一星孤。天淨光難滅。雲生望欲無。遙知太平代。國寶在名都。

殷遙遙句容人天寶間終於忠王府倉曹參軍

送友人下第歸省

君此下行日。高堂應夢歸。莫將和氏淚。滴著老萊衣。嶽雨連河細。田禽出麥飛。到家調膳後。吟好送斜暉。
眞到極處去風雅不遠○和氏淚老萊衣本屬套語合用之祇見其妙有眞性情流于筆墨之先也

李頎

望秦川

秦川朝望迴。日出正東峯。遠近山河淨。逶迤城闕重。秋聲萬戶竹。寒色五陵松。客有歸與歎。淒其霜露濃。

秦母潛字季通荆南人開元中進士由宜壽尉入爲集賢待詔終著作郎

題靈隱寺山頂院

招提出山頂。下界不相聞。塔影挂清漢。鐘聲和白雲。觀空靜室掩。行道衆香焚。且駐西來駕。人天日未曛。

張謂

送裴侍御歸上都

楚地勞行役。秦城罷鼓鼙。舟移洞庭岸。路出武陵溪。江月隨人影。山花趁馬蹄。離魂將別夢。先已到關西。

同王徵君湘中有懷

八月洞庭秋。瀟湘水北流。還家萬里夢。為客五更愁。不用開書帙。偏宜上酒樓。故人京洛滿。何日復同遊。

王

灣灣洛陽人。先天中進士。開元初為滎陽簿。後為洛陽尉。

次北固山下

客路青山外。行舟綠水前。潮平兩岸失。風正一帆懸。海日生殘夜。江春入舊年。鄉書何處達。歸雁洛陽邊。

兩岸失言潮平而不見兩岸也。別本作兩岸闊。少味。○江中日早。客冬立春。本尋常意。一經錘鍊。頓成奇絕。與少陵無風雲出塞。不夜月臨關。一種筆墨。○五六語。張燕公手書進士堂。以示楷式。

祖

詠說在井州。引為駕部員外郎。張

泊楊子岸

纔入維揚郡。鄉關此路遙。林藏初霽雨。風退欲歸潮。江火明沙岸。雲帆礙浦橋。客衣今日薄。寒氣近來饒。

蘇氏別業

別業居幽處。到來生隱心。南山當戶牖。澧水映園林。竹覆經冬雪。庭昏未夕陰。寥寥人境外。閒坐聽春禽。

李

逸氣凌雲。天然秀麗。隨舉一聯。知非老杜詩。非王摩詰孟襄陽詩也。

宮中行樂詞七首

原本齊梁緣情綺靡中。不忘諷意寄興獨遠。

水綠南薰殿。花紅北闕樓。鶯歌聞太液。鳳吹繞瀛州。素女鳴珠珮。天人弄綵毬。今朝風日好。宜入未央遊。
寒雪梅中盡。春風柳上歸。宮鶯嬌欲醉。簷燕語還飛。遲日明歌席。新花豔舞衣。晚來移彩仗。行樂泥光輝。
繡戶香風暖。紗窗曙色新。宮花爭笑日。池草暗生春。綠樹聞歌鳥。青樓見舞人。昭陽桃李月。羅綺自相親。
玉樹春歸日。金宮樂事多。後庭朝未入。輕輦夜相過。笑出花間語。嬌來竹下歌。莫教明月去。留著醉嫦娥。
盧橘爲秦樹。蒲萄出漢宮。煙花宜落日。絲管醉春風。笛奏龍吟水。簫鳴鳳下空。君王多樂事。還與萬方同。

中有
規諷。

柳色黃金嫩。梨花白雪香。玉樓巢翡翠。金殿鎖鴛鴦。選妓隨雕輦。徵歌出洞房。宮中誰第一。飛燕在昭陽。

連下首專詠貴妃言
下有禍水滅漢之意。

小小生金屋。盈盈在紫微。山花插寶髻。石竹繡羅衣。每出深宮裏。常隨步輦歸。只愁歌舞散。化作采雲飛。

塞下曲三首

五月天山雪。無花祇有寒。笛中聞折柳。春色未曾看。四語直下從前未具此格。曉戰隨金鼓。宵眠抱玉鞍。願將腰下劍。

直爲斬樓蘭。

駿馬似風颿。鳴鞭出渭橋。彎弓辭漢月。插羽破天驕。陣解星芒盡。營空海霧消。功成畫麟閣。獨有霍嫖姚。

獨有貴戚得以紀
功則勇士喪氣矣。

塞虜乘秋下。天兵出漢家。將軍分虎竹。戰士臥龍沙。邊月隨弓影。胡霜拂劍花。玉關殊未入。少婦莫長嗟。

只弓如月。劍如霜耳。筆端點染。遂成奇形。○結意亦復深婉。

秋思 古琴操商調之曲

燕支黃葉落。妾望自登臺。海上碧雲斷。單于秋色來。胡兵沙塞合。漢使玉關回。征客無歸日。空悲蕙草摧。

單于匈奴主號。亦是地名。李益秋風吹入小單于。是也。四語應以地言。

侍從遊宿溫泉宮作

羽林十二將。羅列應星文。霜仗懸秋月。霓旌卷夜雲。嚴更千戶肅。清樂九天聞。日出瞻佳氣。葱葱繞聖君。

口號贈徵君盧鴻 公時被召

陶令辭彭澤。梁鴻入會稽。我尋高士傳。君與古人齊。雲臥留丹壑。 謂徵君 天書降紫泥。 謂自 不知楊伯起。早

晚向關西。

贈孟浩然

吾愛孟夫子。風流天下聞。紅顏棄軒冕。白首臥松雲。醉月頻中聖。迷花不事君。高山安可仰。徒此揖清芬。

寄淮南友人

紅顏悲舊國。青歲歇芳洲。不待金門詔。空持寶劍遊。海雲迷驛路。江月隱鄉樓。復作淮南客。因逢桂樹留。

渡荆門送別

詩中無送別意
題中二字可刪

渡遠荆門外。來從楚國遊。山隨平野盡。江入大荒流。月下飛天鏡。雲生結海樓。仍憐故鄉水。太白蜀人。江亦發源于蜀。萬里送行舟。

送友人

青山橫北郭。白水繞東城。此地一爲別。孤蓬萬里征。浮雲遊子意。落日故人情。揮手自茲去。蕭蕭班馬鳴。
三四流走亦竟有散行者然起句必須整齊○蘇李贈言多唏噓語而無蹶蹙聲知古人之意在不盡矣太白猶不失斯旨

送友人入蜀

見說蠶叢路。崎嶇不易行。山從人面起。雲傍馬頭生。芳樹籠秦棧。春流繞蜀城。升沉應已定。不必問君平。
奇語傳出不易行籠秦棧繞蜀城以所經言之結用蜀人恰好

送麴十少府

試發清秋興。因爲吳會吟。碧雲斂海色。流水折江心。我有延陵劍。君無陸賈金。艱難此爲別。惆悵一何深。
尋雍尊師隱居

羣峭碧摩天。逍遙不記年。撥雲尋古道。倚樹聽流泉。花煖青牛臥。松高白鶴眠。語來江色暮。獨自下寒煙。
或云青牛花葉上青蟲有角如牛故名其說似可從

訪戴天山道士不遇

犬吠水聲中。桃花帶雨濃。樹深時見鹿。溪午不聞鐘。野竹分青靄。飛泉挂碧峯。無人知所去。愁倚兩三松。

過崔八丈水亭

高閣橫秀氣。清幽併在君。簷飛宛溪水。窗落敬亭雲。猿嘯風中斷。漁歌月裏聞。閒隨白鷗去。沙上自爲羣。

秋登宣城謝朓北樓

江城如畫裏。山曉望晴空。兩水夾明鏡。雙橋落彩虹。是聯俱人煙寒橘柚。秋色老梧桐。誰念北樓上。臨風

懷謝公。人家在橋林故
寒梧桐早凋故老

謝公亭與范雲
同遊處

謝公離別處。風景每生愁。客散青天月。山空碧水流。言當
時池花春映日。窗竹夜鳴秋。言今
日今古一相接。收
上

二聯長歌懷舊遊

太原早秋

歲落衆芳歇。猶歲
晚時當大火流。霜威出塞早。雲色渡河秋。夢遶邊城月。心飛故國樓。思歸若汾水。無日不

悠悠。

觀獵

太守耀清威。乘閒弄晚暉。江沙橫獵騎。山火遶行圍。箭逐雲鴻落。鷹隨月兔飛。不知白日暮。歡賞夜方歸。

夜泊牛渚懷古

原注此地即謝尚聞袁宏詠史處

牛渚西江夜。青天無片雲。登舟望秋月。空憶謝將軍。余亦能高詠。斯人不可聞。明朝挂帆去。楓葉落紛紛。

不用對偶。一氣旋折。律詩中有此一格。

杜甫

杜詩源體氣局闊大使事典切而人所不可及處尤在錯綜任意寓變化于嚴整之中斯足凌轢千古

登兗州城樓

東郡趨庭日。南樓縱目初。公父閑為兗州司馬浮雲連海岱。平野入青徐。孤嶂秦碑在。荒城魯殿餘。從來多古意。臨

眺獨躊躇。三四寫形勢五六寫古跡下恰好接懷古

房兵曹胡馬詩

胡馬大宛名。鋒稜瘦骨成。竹批雙耳峻。風入四蹄輕。所向無空闊。真堪託死生。曉騰有如此。句束萬里可

橫行。前半論骨相後半及性情萬里橫行指房兵曹方不粘著題面

畫鷹

素練風霜起。可與縞素漠漠開風沙印合蒼鷹畫作殊。攬身思狡兔。側目似愁胡。條嶸光堪擲。聯寫軒楹勢可呼。何當

擊凡鳥。毛血灑平蕪。懷抱俱見

夜宴左氏莊

風林纖月落衣露淨琴張暗水流花徑月落故暗春星帶艸堂猶低也檢書燒燭短看劍引盃長詩罷聞吳詠扁

舟意不忘公會遊吳越故問吳越而思之

春日憶李白

白也詩無敵飄然思不羣清新庾開府俊逸鮑參軍渭北春天樹江東日暮雲何時一尊酒重與細論文

少陵在渭北太白在江東寫景而離情自見

對雪

戰哭多新鬼愁吟獨老翁亂雲低薄暮急雪舞迴風瓢棄尊無綠爐存火似紅數州消息斷愁坐正書空

三四對雪之景餘俱感懷

月夜

今夜鄜州月閨中只獨看遙憐小兒女未解憶長安香霧雲鬟濕清輝玉臂寒何時倚虛幌雙照淚痕乾

只獨看正憶長安兒女無知未解憶長安者苦衷也反覆曲折尋味不盡○五六語麗情悲非尋常穠豔

春望

國破山河在城春艸木深感時花濺淚恨別鳥驚心濺泪驚心轉因花鳥樂處皆可悲也五六直下烽火連三月家書抵萬金白

頭搔更短。渾欲不勝簪。

喜達行在所三首

肅宗時在鳳翔

西憶岐陽信。無人送却迴。眼穿常落日。心死著寒灰。霧樹行相引。二句中遠峯望忽開。所親驚老瘦。所親辛

苦賊中來。首章喜脫賊中。次章喜見人主。三章喜觀中興之業。章法井然不亂。

愁思胡笳夕。淒涼漢苑春。生還今日事。問道暫時人。司隸章初覩。南陽氣已新。喜心翻倒極。嗚咽淚霑巾。

痛定思痛。問道本漢書。謂何閒隙之道。而行也。○司隸二句。用光武紀中語。

死去憑誰報。歸來始自憐。尤瞻太白雪。喜遇武功天。影靜千官裏。心蘇七校前。今朝漢社稷。新數中興年。

中興讀音榮。猶當也。○喜達行在三首。收京三首。有感五首。皆依本節日之大者。不宜去取。

收京三首

仙仗離丹極。指上妖星照玉除。祿山須爲下殿走。不可好樓居。暫屈汾陽駕。言聊飛燕將書。言河北依然七廟

略。更與萬方初。前半言陪京之由。後半言更新氣象。三語謂離宮闕也。四語見奉仙無益也。六語計河北易定也。難顯然直陳。故出以隱語。

生意甘衰白。天涯正寂寥。忽聞哀痛詔。又下聖明朝。羽翼懷商老。文思憶帝堯。叨逢罪己日。灑涕望青霄。

商老望李泌調護太子。帝堯謂上皇。

汗馬牧宮闕。春城鏖賊壕。賞應歌杖杜。歸及薦櫻桃。雜虜橫戈數。功臣甲第高。萬方頻送喜。無乃聖躬勞。

此收京而爲事後之慮也。恐虜橫臣驕。復成蹂躪跋扈之勢。反詞致諷。言外可思。

天河

常時任顯晦。秋至最分明。縱被微雲掩。終能永夜清。含星動雙闕。伴月落邊城。牛女年年渡。何曾風浪生。

端午日賜衣

宮衣亦有名。端午被恩榮。細葛含風軟。香羅疊雪輕。自天題處濕。當暑著來清。意內稱長短。終身荷聖情。

春宿左省

花隱掖垣暮。啾啾棲鳥過。星臨萬戶動。月傍九霄多。不寢聽金鑰。因風想玉珂。心臣明朝有封事。數問夜如

何。三四即景名句。而註釋家謂民勞則星動。月屬陰象。指女子小。人以峭刻深心。測詩人敦厚之旨。一何可笑。

送翰林張司馬南海勒碑原注相國製文

冠冕通南極。文章落上臺。詔從三殿去。碑到百蠻開。野館濃花發。春帆細雨來。不知滄海上。天遣使幾時

迴。

晚出左掖

晝刻傳呼淺。春旗簇仗齊。退朝花底散。歸院柳邊迷。樓雪融城溼。宮雲去殿低。避人焚諫草。大臣騎馬欲

雞棲。晚出樓在城上。故雪融而濕。殿高逼雲。故去殿若低。

奉贈王中允維

中允聲名久如今契闊深共傳收庾信不比得陳琳一病緣明主三年獨此心元天寶末至乾元乃三年也窮愁應有作

試誦白頭吟舊唐書天寶末維歷官給事中廝從不及為賊所得服藥取痢詐稱瘖病祿山素憐之遣人迎至洛陽拘于普施寺適以偽署賊平陷賊官六等定罪維以凝碧詩聞於行在肅宗

特宥之責授太子中允

秦州雜詩四首

滿目悲生事因人作遠遊遲迴度隴怯浩蕩及關愁水落魚龍夜山空鳥鼠秋西征問烽火心折此淹留

魚龍川鳥鼠谷皆秦也

南使宜天馬由來萬匹強浮雲連陣沒秋草徧山長聞說真龍種仍殘老驢驪哀鳴思戰鬪迴立向蒼蒼

殘餘也與山中滯茹屋漏字義同○伏櫪長鳴隱然自寓

莽莽萬重山孤城山谷間無風雲出塞不夜月臨關屬國歸何晚樓蘭斬未還煙塵獨長望衰颯正摧顏

奇景偶然寫出或以無風不夜為地名不但穿鑿亦令老杜詩無味

鳳林戈未息魚海路長難候火雲烽峻懸軍幕井乾風連西極動月過北庭寒故老思飛將何時議築壇

時郭子儀以魚朝恩譖罷歸京師故以築壇望之

月夜憶舍弟

唐詩別裁 三 五言律詩

戍鼓斷人行。邊秋一雁聲。露從今夜白。月是故鄉明。有弟皆分散。無家問死生。寄書長不達。况乃未休兵。

搗衣

亦知戍不返。秋至拭清砧。已近苦寒月。况經長別心。寧辭搗衣倦。一寄寒垣深。用盡閨中力。君聽空外音。

通首代戍婦之辭。一氣旋折。全以神行。

送遠

帶甲滿天地。何等起手。讀杜詩要從此種着眼。胡爲君遠行。親朋盡一哭。鞍馬去孤城。草木歲月晚。關河霜雪清。別離已

昨日。因見古人情。此既別後作詩贈之。○江淹擬古別離。有送君如昨日。因見古人情。昨日。既別後作詩贈之。○江淹擬古別離。有送君如

天末懷李白。時李流竄夜郎。

涼風起天末。君子意如何。鴻雁幾時到。江湖秋水多。文章憎命達。魑魅喜人過。應共冤魂語。投詩贈汨羅。

指屈原。李投詩贈之。

送人從軍

弱水應無地。陽關已近天。今君渡沙磧。累月斷人煙。好武寧論命。封侯不計年。馬寒防失道。雪沒錦鞍韉。

西方地高。故云近天。岑參亦云。走馬西來欲到天。又云。過磧覺天低。五六悲壯。通體皆振。

野望

清秋望不極。迢遞起層陰。遠水兼天淨。孤城隱霧深。葉稀風更落。山迥日初沉。獨鶴歸何晚。昏鴉已滿林。

春夜喜雨

好雨知時節。當春乃發生。隨風潛入夜。潤物細無聲。野徑雲俱黑。江船火獨明。曉看紅溼處。花重錦官城。

知時節。卽所云靈雨既霽也。三四傳出春雨之神。

江亭

坦腹江亭暖。長吟野望時。水流心不競。雲在意俱遲。不着理語。自足理趣。寂寂春將晚。欣欣物自私。物各得所。故林歸未得。與上六句似不合。排悶強裁詩。

後遊

寺憶曾遊處。橋憐再渡時。江山如有待。花柳更無私。野潤煙光薄。沙暄日色遲。客愁全爲減。捨此復何之。

物自私。物各遂其性也。更無私物。共通其天也。

不見原注。近無李白消息。

不見李生久。佯狂真可哀。世人皆欲殺。吾意獨憐才。敏捷詩千首。飄零酒一盃。匡山讀書處。頭白好歸來。

客亭

秋窗猶曙色。落木更天風。日出寒山外。江流宿霧中。聖朝無棄物。一應呼老病已成翁。多少殘生事。飄零似

轉蓬比不才明主
稟藉何如

有感五首

將帥蒙恩澤。兵戈有歲年。至今勞聖主。何以報皇天。白骨新交戰。雲臺舊拓邊。思開國功臣乘槎斷消息。無處

覓張騫。錢箋李之芳使吐蕃被留經年故以張騫乘槎爲比○此概節鎮擁兵不能禦寇

幽薊餘蛇豕。乾坤尙虎狼。諸侯春不貢。使者日相望。慎勿吞青海。無勞問越裳。大君先息戰。歸馬華山陽。

此言朝廷姑息近在內地不修實職而勤遠略於青海越裳乎息戰歸馬婉詞以致諷論

洛下舟車入。洛陽天中貢賦均。日聞紅粟腐。公意只宜轉粟不宜遷都寒待翠華春。莫取金湯固。長令宇宙新。不過

行儉德。盜賊本王臣。時程元振勸帝遷都洛陽公婉言以諷之大意與郭子儀論奏之旨相合○取金湯

下

丹桂風霜急。青梧日夜凋。由來強幹地。未有不臣朝。受鉞親賢往。卑宮制詔遙。終依古封建。豈獨聽簫韶。

桂比王室用漢成帝時童謠梧比宗藩用上官儀册殷王文。諷朝廷建立宗藩以攝叛臣與房瑄建分鎮討賊之議相合。

盜滅人還亂。兵殘將自疑。登壇名絕假。報主爾何遲。領郡輒無色。之官皆有詞。願聞哀痛詔。端拱問瘡痍。

因當時重節制而輕郡守故云。後藩鎮之亂公先料之矣。

暫往白帝復還東屯

復作歸田去。猶殘穫稻功。築場憐穴蟻。拾穗許村童。即寡婦之利意。落杵光輝白。除芒子粒紅。加餐可扶老。倉廩慰飄蓬。三四佛心王政兼而有之。

移居公安山館原注。次所作。

南國晝多霧。北風天正寒。路危行木杪。身遠宿雲端。山鬼吹燈滅。廚人語夜闌。雞鳴問前館。世亂敢求安。

江漢

江漢思歸客。乾坤一腐儒。片雲天共遠。永夜月同孤。落日心猶壯。見猶可用世。落日猶言暮年。秋風病欲蘇。古來存老馬。不必取長塗。取其智。

禹廟

禹廟空山裏。秋風落日斜。荒庭垂橘柚。古屋畫龍蛇。廟之內。雲氣生虛壁。江聲走白沙。廟之外。早知乘四載。疏鑿控三巴。橘柚龍蛇孫華老謂點染禹事並非附會。○宋意乘四載以治水。早知之矣。若疏鑿遺蹟必親至三巴始知控引之方也。

旅夜書懷

細草微風岸。危檣獨夜舟。星垂平野闊。月湧大江流。名豈文章著。官應老病休。飄飄何所似。天地一沙鷗。

胸懷經濟。故云名豈以文章而著。官以論事罷而云老病應休。立言之妙如此。

落日

落日在簾鉤。起超然溪邊春事幽。芳菲緣岸圃。樵爨倚灘舟。啁雀爭枝墜。飛蟲滿院遊。濁醪誰造汝。一酌散千愁。

劉稻了詠懷

稻穫空雲水。川平對石門。寒風疎落木。盡寒村如見旭日散雞豚。野哭初聞戰。戰收信歸樵歌稍出村。稍字見哭多於歌無家問消息。作客信乾坤。

瞿塘兩崖

三峽傳何處。雙崖壯此門。入天猶石色。穿水忽雲根。猿獼鬚髯古。蛟龍窟宅尊。羲和冬馭近。愁畏日車翻。三語狀其高。四語狀其深。結意言兩崖插天。日光不到。羲和亦畏日車之翻而避之也。

洞房

洞房環佩冷。玉殿起秋風。秦地應新月。龍池滿舊宮。繫舟今夜遠。清漏往時同。萬里黃山北。園陵白露中。此因舟中見月感宮掖淒涼而作。詩中無悲涼痛楚字面。而情致黯然一結尤覺淚和墨下。

江上

江上日多雨。蕭蕭荆楚秋。高風下木葉。永夜攬貂裘。勳業頻看鏡。行藏獨倚樓。時危思報主。衰謝不能休。

吾宗原注衛倉曹崇簡

吾宗老孫子質朴古人風耕鑿安時論衣冠與世同在家常早起憂國願年豐語及君臣際經書滿腹中

遣憂

亂離知又甚消息苦難眞受諫無今日臨危憶古人紛紛乘白馬攘攘著黃巾隋氏留宮室焚燒何太頻

三四語卽祿山亂而思曲江意

熟食日示宗文宗武熟食卽寒食

消渴游江漢羈縻尙甲兵幾年逢熟食萬里逼清明松柏邛山路故風花白帝城中客汝曹催我老迴首淚縱橫

又示兩兒

令節成吾老他時見汝心他日汝之思我猶今我之思親浮生看物變爲恨與年深長葛書難得指弟江州涕不禁指妹團圓思弟妹行坐白頭吟

孤鴈

孤鴈不飲啄飛鳴聲念羣誰憐一片影相失萬重雲望盡似猶見哀多如更聞野鴉無意緒鳴噪自紛紛

促織

促織甚微細哀鳴何動人草根吟不穩牀下夜相親久客得無淚故妻難及晨卽寡婦悲絲與急管感激異

天真天真指促織言非絲管所能同也。

蕃劍

致此自避遠。又非珠玉裝。如何有奇怪。每夜吐光芒。虎氣必騰上。龍身寧久藏。風塵苦未息。持汝奉明王。

不粘不脫。寫一物而全副精神。乃見他人詠物。斤斤尺寸。惟恐失之。此高下之分也。

子規

峽裏雲安縣。江樓翼瓦齊。兩邊山木合。終日子規啼。嗚嗚春風見。蕭蕭夜色淒。客愁那聽此。故作傍人低。

喜觀卽到復題短篇。卽到尙未到也。玩詩中意自見。

巫峽千山暗。終南萬里春。十字成句。病中吾見弟。書到汝爲人。沉入。意答兒童問。公之子。來經戰伐新。卽書中語也。泊船

悲喜後。款款語歸秦。

第五弟豐獨在江左近三四載寂無消息覓使寄此

聞汝依山寺。杭州定越州。定者不定之謂。風塵淹別日。江漢失清秋。影著啼猿樹。魂飄結蜃樓。明年下春水。東盡

白雲求。歷盡雲水以求之。

公安縣懷古

野曠呂蒙營。江深劉備城。寒天催日短。風浪與雲平。灑落君臣契。飛騰戰伐名。維舟倚前浦。長嘯一含情。

灑落二字形得數
如魚水意出結綵

泊岳陽城下

江國踰千里。山城僅百層。岸風翻夕浪。舟雪灑寒燈。留滯才難盡。艱危氣益增。圖南未可料。變化有鯤鵬。

登岳陽樓

昔聞洞庭水。今上岳陽樓。吳楚東南坼。乾坤日夜浮。親朋無一字。老病有孤舟。戎馬關山北。憑軒涕泗流。

三四雄跨今古五六寫情黯淡著此一聯方不板滯○孟襄陽三四語實寫洞庭此只用空寫却移他處不得本領更大

嚴武字季鷹華州人。中書侍郎挺之子。弱冠哥舒翰奏充判官。至德中累遷劍南東川節度成都尹。尋遷黃門侍郎。復拜成都尹。劍南節度等使。廣德中。破吐蕃。封鄭國公。

班婕妤

賤妾如桃李。君王若歲時。秋風一已勁。搖落不勝悲。寂寂蒼苔滿。沉沉綠草滋。繁華非此日。指釵競何辭。

張巡南陽人。以文行名。成進士。授清河令。調真源令。安祿山反。勵哭起兵。與睢陽太守許遠分城堅守。經年乏食。忠義不衰。城陷。與南霽雲諸人俱遇害。論者謂遮蔽江淮。沮遏賊勢。

使李郭得以成功。天下之亡。皆巡遠之力也。是為篤論。

聞笛

峇曉試一臨。虜騎附城陰。不辨風塵色。安知天地心。門開邊月近。戰苦陣雲深。旦夕更樓上。遙聞橫笛音。

一片忠義之氣。滾出。聞笛意一點自足。○三四言不識風塵之愁慘。並不知天意之向背。非一聞一闔語也。宋賢謂伯夷叔齊欲與天意違拗。正復相合。

邢巨 未詳

遊春

海岳三峯古。春暈二月寒。綠潭漁子釣。紅樹美人攀。弱蔓環沙嶼。飛花點石關。溪山遊未厭。琴酌弄晴灣。

卷十一

五言律詩

劉長卿

中唐詩近收斂。選言取勝。元氣不完。體格卑而聲調亦降矣。劉文房工于鑄意。巧不傷雅。猶有前輩體段。

穆陵關北逢人歸漁陽

逢君穆陵路。匹馬向桑乾。楚國蒼山古。幽州白日寒。沉城池百戰後。耆舊幾家殘。處處蓬蒿徧。歸人掩淚看。

逢郴州使因寄鄭協律

相思楚天外。夢寐楚猿吟。更落淮南葉。難爲江上心。衡陽問人遠。湘水向君深。欲逐孤帆去。茫茫何處尋。

岳陽館中望洞庭湖

萬古巴邱戍。平湖北望長。問人何淼淼。愁暮更蒼蒼。疊浪浮元氣。中流沒太陽。孤舟有歸客。早晚達瀟湘。

五六猶有氣焔然視囊湯少
陵二篇如江黃之敵荆楚矣

北歸次秋浦界清谿館

萬嶺猿啼斷。孤村客暫依。
鴈過彭蠡暮。人向宛陵稀。
舊路青山在。餘生白首歸。
漸知行近北。不見鷓鴣飛。

餘干旅舍

搖落暮天迴。青楓霜葉稀。
孤城向水閉。獨鳥背人飛。
渡口月初上。鄰家漁未歸。
鄉心正欲絕。何處搗寒衣。

經漂母墓

昔賢懷一飯。茲事已千秋。
古墓樵人識。前朝楚水流。
渚蘋行客薦。山木杜鵑愁。
春艸茫茫綠。王孫舊此遊。

方虛谷云。意深不露。蓋謂楚漢興亡。唯有流水耳。一
老母之墓。樵人猶能識之。以其有一飯之德于時耳。

送李中丞歸漢陽別業

流落征南將。曾驅十萬師。
罷歸無舊業。老去戀明時。
獨立三邊靜。輕生一劍知。
此追敘其向日之功。茫茫江漢上。日
暮欲何之。

移使鄂州次峴陽館懷舊居

多慙恩未報。敢問路何長。
萬里通秋雁。千峯共夕陽。
舊遊成遠道。峴陽館此去更違鄉。
懷舊居草露深山裏。朝
朝滿客裳。

酬皇甫侍御見寄時前相國姑臧公初臨郡

離別江南北。汀洲葉再黃。路遙雲共水。沙迥月如霜。歲儉依仁政。年衰憶故鄉。佇看宣室召。漢法倚張綱。

此指初臨郡。答侍御。

送齊郎中典括州即今之處州

星象移何處。旌麾獨向東。勸畊滄海畔。聽訟白雲中。樹色雙溪合。猿聲萬嶺同。石門康樂住。幾里枉帆通。

送王端公入秦赴上都

舊國無家訪。臨岐亦羨歸。途經百戰後。客過二陵稀。秋草通征騎。寒城背落暉。行當蒙顧問。吳楚歲頻饑。

望其救時。不尋常。酌應。

送張繼司直適越

時危身適越。事往任浮沉。萬里三江去。孤城百戰心。春風吳苑綠。古木剡溪深。明日滄洲路。歸雲不可尋。

宿北山禪寺

上方鳴夕磬。林下一僧還。密行傳人少。禪心對虎閑。青松臨古路。白月滿寒山。舊識窗前桂。經霜更待攀。

尋南溪常道士

一路經行處。莓苔見屐痕。白雲依靜渚。芳草閉閑門。過雨看松色。隨山到水源。溪花與禪意。相對亦忘言。

結愈言其道士
能通禪理也。

碧澗別墅喜皇甫侍御相訪

荒村帶晚照，落葉亂紛紛。古路無行客，空山獨見君。野橋經雨斷，澗水向田分。不爲憐同病，何人到白雲。

海鹽官舍早春

小邑滄洲吏，新年白首翁。一官如遠客，萬事極飄蓬。柳色孤城裏，鶯聲細雨中。羈心早已亂，何事更春風。

餞別王十一南遊

望君煙水闊，揮手淚沾巾。飛鳥沒何處，青山空向人。長江一帆遠，落日五湖春。誰見汀洲上，相思愁白蘋。

新年作

鄉心新歲切，天畔獨潸然。老至居人下，春歸在客先。巧句別于盛唐正在此嶺猿同旦暮，江柳共風煙。已似長沙傅。

從今又幾年。

松江獨宿

洞庭初下葉，孤客不勝愁。明月天涯夜，青山江上秋。一官成白首，萬里寄滄洲。久被浮名繫，能無愧海鷗。

送侯侍御赴黔中充判官

不識黔中路，今看遣使臣。猿啼萬里客，鳥似五湖人。地遠官無法，山深俗豈淳。須令荒徼外，亦解懼埋輪。

從黔中
著意

錢起

和萬年成少府寓直

赤縣新秋夜。文人藻思催。鐘聲自仙掖。月色近霜臺。一葉兼螢度。孤雲帶雁來。明朝紫書下。應問長卿才。

錢劉以下
專工造句。

裴迪南門秋夜對月

夜來詩酒興。月滿謝公樓。影閉重門靜。寒生獨樹秋。鵲驚隨葉散。螢遠入煙流。今夕遙天末。清光幾處愁。

月夜螢光自失。然遠入煙叢。則
仍見其流矣。此最工於體物。

送屈突司馬充安西書記

制勝三軍勁。澄清萬里餘。星飛龐統驥。箭發魯連書。海月低雲旆。江霞入錦車。遙知太阿劍。計日斬鯨魚。

送少微師西行

隨緣忽西去。何日返東林。世路無期別。空門不住心。人煙一飯少。山雪獨行深。天外猿啼處。誰聞清梵音。

送僧歸日本

上國隨緣住。來途若夢行。浮天滄海遠。去世法舟輕。水月通禪寂。魚龍聽梵聲。惟憐一燈影。萬里眼中明。

題溫處士山居

誰知白雲裏，別有綠蘿春。苔繞溪邊徑，花深洞裏人。逸妻看種藥，稚子伴垂綸。潁上逃堯者，何如此養真。

許由之逃，虛言其高，不如日用常行中，自存逸趣也。

送夏侯審校書東歸

楚鄉飛鳥外，獨與片帆還。破鏡催歸客，殘陽見舊山。詩成流水上，夢盡落花間。倘寄相思字，愁人定解顏。

送征鴈

秋空萬里靜，嘹唳獨南征。風急翻霜冷，雲開見月驚。塞長憑去翼，影滅有餘聲。悵望遙天外，鄉愁滿目生。

六語傳鴈去後之神。

韋應物

奉送從兄宰晉陵

東郊春艸歇，千里夏雲生。立馬愁將夕，看山獨送行。依微吳苑樹，迢遞晉陵城。慰此斷行別，邑人多頌聲。

送汾城王主簿

少年初帶印，汾上又經過。芳艸歸時徧，情人故郡多。禁鐘春雨細，宮樹野煙和。相望東橋別，微風起夕波。

意主簿必向往汾城，故有三四語。雨中聽鐘，其聲自細，粗心人未必知之。

送別覃孝廉

思親當自去。不第未蹉跎。家住青山下。門前芳艸多。秭歸通遠徼。巫峽注驚波。州舉年年事。還期復幾何。

說得心平氣和。送不第人。自應如是。

送元倉曹歸廣陵

官閒得去住。告別戀音徽。舊國應無業。苦他鄉到是歸。楚山明月滿。淮甸夜鐘微。何處孤舟別。遙遙心曲違。

賦得暮雨送李胄

楚江微雨裏。建業暮鐘時。漠漠帆來重。冥冥鳥去遲。海門深不見。浦樹遠含滋。相送情無限。沾襟比散絲。
關合

淮上喜會梁州故人

江漢曾爲客。相逢每醉還。浮雲一別後。流水十年間。歡笑情如舊。蕭疎鬢已斑。何因不歸去。淮上有秋山。

語意好。然淮上實無山也。

郎士元 錢郎送人之作。時得之者以爲寵榮。

送李將軍赴鄧州 應是定州。卽古之中山。近今之眞定。若南陽鄧州與詩中意不合。

雙旌邁飛將。萬里獨橫戈。春色臨關盡。黃雲出塞多。極警拔語。右丞則以黃雲斷春色五字盡之。鼓鼙悲絕漠。烽戍隔長河。想到陰山北。天驕已請和。

送楊中丞和蕃

錦車登隴日。邊草正萋萋。舊好隨君長。新愁聽鼓鼙。河源飛鳥外。雪嶺大荒西。漢壘今猶在。遙知路不迷。

送錢起

暮蟬不可聽。落葉豈堪聞。共是悲秋客。那知此路分。荒城背流水。遠鴈入寒雲。陶令東籬菊。餘花可贈君。高仲武謂工於發端。然不可聽豈堪聞未免於複。愚謂結意望其能乘高節更耐尋釋也。

送賈奚歸吳

東南富春渚。曾是謝公遊。今日奚生去。新安江正秋。水容清過客。楓葉落行舟。遙想赤亭下。聞猿應夜愁。

送彭偃房由赴朝因寄錢大郎中李十七舍人

衰病已經年。西峯望楚天。風光欺髻髮。秋色換山川。寂寞浮雲外。支離漢水邊。平生故人遠。君去話潸然。

春日宴張舍人宅

懶尋芳草徑。來接待臣筵。山色知殘雨。牆陰覺暮天。鶯歸漢宮柳。花隱杜陵烟。地與東鄰接。春光醉目前。

皇甫冉

字茂政。丹陽人。十歲能詩。文天寶中成進士第。一官無錫尉。左金吾兵曹大歷中遷右補闕。

巫山高

巫峽見巴東，迢迢出半空。雲藏神女館，雨到楚王宮。朝暮泉聲落，寒暄樹色同。清猿不可聽，偏在九秋中。

終篇穩稱，可繼沈雲卿作。

送韓司直

遊吳還適越，來往任風波。復送王孫去，其如芳草何。岸明殘雪在，潮滿夕陽多。季子留遺廟，停舟試一過。

送康判官往新安

不向新安去，那知江路長。猿聲近廬霍，水色勝瀟湘。驛路收殘雨，漁家帶夕陽。何須愁旅泊，開後人套語使者有輝光。

奉和王相公早春登徐州城

落日憑危堞，春風似故鄉。川流通楚塞，山色遶徐方。壁壘依寒草，旌旗動夕陽。元戎資上策，南畝起耕桑。

途中送權三兄弟

淮海風濤起，江關幽思長。同悲鵲繞樹，獨作鴈隨陽。喻漂泊無依山晚雲和雪，汀寒月映霜。由來濯纓處，漁父愛滄浪。

歸渡洛水

暝色赴春愁。歸人南渡頭。寫渡水晚景。自然入妙。與落日在簾鉤一種起法。渚烟空翠合。灘月碎光流。澧浦饒芳艸。滄浪有釣舟。誰知放歌處。此意正悠悠。

逢莊納因贈

世故還相見。天涯共向東。春歸江海上。人老別離中。郡吏名何晚。沙鷗道自同。甘泉須早獻。且莫歎飄蓬。

皇甫曾

字孝常。冉之弟也。天寶中。第進士。歷侍御史。坐事貶舒州司馬。陽翟令。詩與兄齊名。

送人往荊州

亦作李端詩。

艸色隨驄馬。悠悠同出秦。水傳雲夢曉。山接洞庭春。帆影連三峽。猿聲近四鄰。青門一分手。難見杜陵人。

送李中丞歸本道

上將宜分闢。雙旌復出秦。關河三晉路。賓從五原人。孤戍雲連海。平沙雪度春。酬恩看玉劍。何處有煙塵。

送孔徵士

谷口多幽處。君歸不可尋。家貧青史在。身老白雲深。掃雪開松逕。疏泉過竹林。余生負丘壑。相送亦何心。

司空曙

字文明。廣平人。登進士第。貞元中。爲水部郎中。終虞部。

雲陽館與韓紳宿別

故人江海別。幾度隔山川。乍見翻疑夢。相悲各問年。孤燈寒照雨。深竹暗浮煙。更有明朝恨。離杯惜共傳。

三四寓別久忽遇之情五六夜中共宿之景逆體一氣無餽釘習爾時已爲高格矣

賊平後送人北歸

世亂同南去。時清獨北還。他鄉生白髮。舊國見青山。曉月過殘壘。繁星宿故關。寒禽與衰草。處處伴愁顏。

四語與殘陽見舊山同妙

送鄭明府貶嶺南

青楓江色晚。楚客獨傷春。共對一尊酒。相看萬里人。猜嫌成謫宦。正直不防身。五字可謂贈人以言莫畏炎方久。年

年雨露新。

經廢寶慶寺

黃葉前朝寺。無僧寒殿開。池晴龜出曝。松暝鶴飛回。古砌碑橫草。陰廊畫雜苔。禪宮亦消歇。塵世轉堪哀。

喜外弟盧綸訪宿

靜夜四無鄰。荒居舊業貧。雨中黃葉樹。燈下白頭人。以我獨沉久。媿君相見頻。平生有深意。況是蔡家親。

盧綸

送李端

故關衰草遍。離別正堪悲。路出寒雲外。人歸暮雪時。少孤爲客早。多難識君遲。掩淚空相向。風塵何所期。

送韓都尉歸邊

好勇知名早，爭雄上將間。戰多春入塞，獵慣夜燒山。陣合龍蛇動，軍移草木閒。今來部曲盡，白首過蕭關。

夜中得循州趙司馬侍郎書因寄回使

瘴海寄雙魚，中宵達我居。兩行燈下淚，一紙嶺南書。地說炎蒸極，人稱老病餘。殷勤報賈傅，莫共酒杯疎。

題崔端公園林

上士愛清輝，開門向翠微。抱琴看鶴去，枕石待雲歸。野坐苔生席，高眠竹挂衣。舊山東望遠，惆悵暮花飛。

李

端端趙州人，大歷五年進士。從騎馬郭曖遊，任杭州刺史。

聞吉中孚還俗因而有此贈

聞道華陽客，儒衣謁紫微。舊山連藥賣，孤鶴帶雲歸。柳市名猶在，桃源夢已稀。還家見鷗鳥，應媿背船飛。

還俗，歸於正也。詩中卻有不滿意。

願况

洛陽早春

何地避春愁，終年憶舊遊。一家千里外，百舌五更頭。客路偏逢雨，鄉山不入樓。故園桃李月，伊水向東流。

耿

漳字洪源，河東人。寶應元年進士，官右拾遺。

春日卽事

數畝東臯宅。青春獨屏居。家貧僮僕慢。官罷友朋疎。強飲沽來酒。羞看讀破書。閒花更滿地。惆悵復何如。

三四語當時傳誦。○少陵云。讀書破萬卷。下筆時有神。此云羞看言讀破者之少也。

李嘉祐字從一。趙州人。天寶中擢第。官祕書正字。大歷中。至袁州刺史。

和都官苗員外秋夜寓直對雨答諸知己

多雨南宮夜。仙郎寓直時。漏長丹鳳闕。秋冷白雲司。螢影侵階亂。鴻聲出苑遲。蕭條人吏散。小謝有新詩。

玄暉有直中書省及觀朝雨二詩。與題中對雨關合。故云。

送王牧往吉州謁王使君叔

細草綠汀洲。王孫耐薄遊。年華初冠帶。文體舊弓裘。野渡花爭發。春塘水亂流。使君憐小阮。應念倚門愁。

天然名秀。當時稱其齊梁風格。不虛也。

至七里灘作

遷客投於越。臨江淚滿衣。獨隨流水去。轉覺故人稀。萬木迎秋序。千峯駐晚暉。行舟猶未已。惆悵暮潮歸。

奉陪韋潤州過鶴林寺

野寺江城近。雙旌五馬過。禪心超忍辱。梵語問多羅。松竹閒僧老。雲烟晚日和。寒塘歸路轉。清磬隔微波。

巖

維字正文山陰人至德中擢
辭藻宏麗科官止祕書郎

酬劉員外見寄

蘇耽佐郡時。近出白雲司。藥補清羸疾。窗吟絕妙詞。柳塘春水漫。花塢夕陽遲。欲識懷君意。明朝訪檝師。

歐公云天容時態融
和駘蕩如在目前

荆溪館呈邱義興

失路荆溪上。依人忽暝投。長橋今夜月。陽羨古時州。野燒明山郭。寒更出縣樓。先生能館我。無事五湖遊。

送弟

疎懶吾成性。才華爾自強。早稱眉最白。何事綬仍黃。時暑嗟于邁。家貧念聚糧。祇應宵夢裏。詩興屬池塘。

劉方平

方平河南人。不樂仕進。元
魯山與之善。蕭穎士稱之。

新春

南陌春風早。東鄰曙色斜。一花開楚國。鮮而雙燕入盧家。眠罷梳雲髻。粧成上錦車。誰知如昔日。更浣越

溪紗。詩意詠美人新春
與泛然詠春不同

秋夜汎舟

林塘夜汎舟。蟲響荻颼颼。萬影皆因月。巧而千聲各爲秋。歲華空復晚。鄉思不堪愁。西北浮雲外。伊川何

處流。

韓

翊字君平。南陽人。大吏辟為從事。不得意。家居。一日夜將半。叩門急。賀曰。旨。徐駕部。郭中。知制誥。翊曰。誤矣。客曰。制誥。乏人。中書兩進名不從。又請曰。與韓翊時有同姓名者。為江

淮刺史。又具二人同進。御批與詠春城無處不飛花。之韓翊此君詩也。翊始信時建中初也。終中書舍人。

送壽川陳錄事

壽陽南渡口。斂笏見諸侯。片雨楚雲暮。千家淮水秋。開簾對芳艸。送客上春洲。請問山中桂。王孫幾度遊。

題薦福寺衡岳禪師房

春城乞食還。高論此中閒。僧臘塔前樹。禪心江上山。疎籬看雪捲。深戶映花關。晚送門人去。鐘聲杳靄間。

梅花落

新歲芳梅樹。繁花四面同。春風吹漸落。似徐庾小詩。不落。後人詠梅。阮瑩。一夜幾枝空。少婦今如此。長城恨不窮。莫將遼

海雪。來比後庭中。

寄武陵李少府

小縣春生日。公孫吏隱時。楚歌催晚醉。蠻語入新詩。桂水遙相憶。花源暗有期。郢門千里外。莫怪尺書遲。

鄭

錫未詳

送客之江西

乘輅奉紫泥。澤國渺天涯。九泝春潮滿。孤帆暮雨低。草深鶯斷續。花落水東西。更有高唐處。知君路不迷。
著雨則帆重。體物之妙在一低字。

隴頭別

秋盡初移幙。霑裳一送君。據鞍窺古堠。開竈爇寒雲。登隴人迴首。臨關馬顧羣。從來斷腸處。皆向此中分。

度關山

象弭插文犀。魚腸鑿鸚鵡。水聲分隴咽。馬色度關迷。曉幕胡沙慘。危峯漢月低。仍聞數騎將。更欲出遼西。

包

何字幼嗣。里居未詳。天寶中進士。大歷中官起居舍人。

送泉州李使君之任

傍海皆荒服。分符重漢臣。雲山百越路。市井十洲人。執玉來朝遠。還珠入貢頻。連年不見雪。到處卽行春。

崔峒 未詳。

題崇福寺禪師院

僧家竟何事。掃地與焚香。清磬度山翠。閒雲來竹房。身心塵外遠。歲月坐中忘。向晚禪堂掩。無人空夕陽。

于良史

良史爲張徐州建封從事。重其詩。薦於朝。官至侍御。

冬日野望

地際朝陽滿。天邊宿霧收。風兼殘雪起。河帶斷冰流。北闕馳心極。南圖尙旅遊。登臨思不已。何處可銷憂。

閒居寄薛華

隱几讀黃老。蕭齋耳目清。僻居人事少。多病道心生。雨洗山木溼。鴉鳴池館晴。晚來因廢卷。行藥至西城。

戎

昱荆南人。登進士第。建中中爲辰慶二州刺史。憲宗朝。北狄頻寇邊。大臣奏古者和親。帝曰。朕記得詩人詠史一篇云。漢家青史上。計拙是和親。侍臣以戎昱對。

帝笑曰。魏絳之功。何其儒也。自是息和蕃之議。

詠史

漢家青史上。計拙是和親。社稷依明主。安危托婦人。豈能將玉貌。便擬靜胡塵。地下千年骨。誰爲輔佐臣。

議論正大。○昱又有句云。過從讒後重。恩合死前訓。此議論之佳者。

塞下曲

北風凋百草。胡馬日駸駸。夜後戍樓月。秋來邊將心。鐵衣霜雪重。戰馬歲年深。自有盧龍塞。煙塵飛至今。

桂州臘夜

坐到三更盡。歸仍萬里賒。雪聲偏傍竹。寒夢不離家。曉角分殘漏。孤燈落碎花。二年隨驃騎。辛苦向天涯。

李益

喜見外弟又言別

十年離別後，長大一相逢。問姓驚初見，稱名憶舊容。別來滄海事，語罷暮天鐘。明日巴陵道，秋山又幾重。

與乍見翻疑夢，相悲各問年。撫衷述襟，同一情至。○一氣旋折，中唐詩中僅見者。

于鵠鵠貞元時人，未詳里居出處。

送客臨邊

若到并州去，誰人不憶家。塞深無伴侶，路盡只平沙。磧冷惟逢雁，天春不見花。莫隨征將意，垂老事輕車。

哭劉夫子

近問南州客，云亡已數春。痛心曾受業，追服恨無親。孀婦歸鄉里，書齋屬四鄰。不知經亂後，奠祭有何人。

題鄰居

僻巷鄰家少，茅簷喜並居。蒸梨常共竈，澆蕘亦同渠。傳屐朝尋藥，分燈夜讀書。雖然在城市，還得似樵漁。

語語中有鄰在。

竇叔向字遺直，扶風人。與常袞善，袞為相，用為左拾遺，貶出為溧水令。後贈工部尚書。諸子常、牟、鞏、庠、鞏，皆以詩名。

過擔石湖

曉發魚門戍，晴看擔石湖。日啣高浪出，天入四空無。咫尺分洲島，纖毫指舳舻。渺然從此去，誰念客帆孤。

朱

灣字巨川，蜀人。貞元元和間為李勉永平從事。

秋夜宴王郎中宅賦得霜中菊

衆芳春競發。寒菊露偏滋。受氣何曾異。開花獨自遲。晚成猶有分。欲採未過時。忍棄東籬下。看隨秋草衰。

戴叔倫

高仲武謂叔倫骨氣稍輕。晁公武謂唐史不稱其能詩。正以少其絳弱。然爾時詩格日卑。幼公已云矯矯。愚不能人云亦云也。

除夜宿石頭驛

旅館誰相問。寒燈獨可親。旅人讀一年將盡夜。萬里未歸人。寥落悲前事。支離笑此身。愁顏與衰髻。明日

又逢春。應是萬里歸來。宿於石頭驛。未及到家也。不然。石城與金壇相距幾何。而云萬里乎。

汝南逢董校書

擾擾倦行役。相逢陳蔡間。如何百年內。不見一人閒。對酒惜餘景。問程愁亂山。秋風萬里道。又度穆陵關。

前人有誰人肯向死前閒句。讀三四語。爲之慨然。

山居卽事

巖雲掩竹扉。去鳥帶餘暉。地僻生涯薄。山深俗事稀。養花分宿雨。剪葉補秋衣。野渡逢漁子。同舟蕩月歸。

臥病

門掩青山臥。莓苔積雨深。病多知藥性。客久見人心。衆鳥趨林健。孤蟬抱葉吟。滄洲詩社散。無夢盍朋簪。

楊巨源

長城聞笛

孤城笛滿林。斷續共霜砧。夜月降羗淚。秋風老將心。靜過寒壘遍。暗入故園深。惆悵梅花落。山川不可尋。

白居易

賦得古原草送別

離離原上草。一歲一枯榮。野火燒不盡。春風吹又生。遠芳侵古道。晴翠接荒城。又送王孫去。萋萋滿別情。

此詩見賞於顧况。以此得名者也。然老成而少遠神。白詩之佳者。正不在此。

久不見韓侍郎戲題四韻贈之

近來韓閣老。疎我我心知。戶大嫌甜酒。才高笑小詩。靜吟乘月夜。閑醉曠花時。還有愁同處。春風滿鬢絲。

宴散

小宴追涼散。平橋步月回。笙歌歸院落。鐙火下樓臺。殘暑蟬催盡。新秋雁帶來。將何迎睡興。臨臥舉殘杯。

三四傳出富貴氣象。

人定

人定月朧明。香消枕簟清。翠屏遮燭影。紅袖下簾聲。坐久吟方罷。眠初夢未成。誰家教鸚鵡。故語相驚。

與前一首相似。

常非月未詳名字里居官西河尉

詠談容娘

舉手整花鈿。翻身舞錦筵。馬圍行處匝。人壓看場圓。歌索齊聲和。情教細語傳。不知心大小。梁陳人名語容得許多憐。

河亭晴望九月八日

風轉雲頭斂。煙銷水面開。晴虹橋影出。秋鴈櫓聲來。郡靜官初罷。鄉遙信未迴。明朝是重九。誰勸菊花杯。

卷十二

五言律詩

韓愈

祖席得秋字

淮南悲木落。而我亦傷秋。况與故人別。那堪羈宦愁。榮華今異路。風雨昔同憂。莫以宜春遠。江山多勝遊。
大歷以下無人解此用筆矣。昌黎高超邁俗。五言近體中。選以古風。筆力英氣逼人。○淮南子云。長年悲木落。

送桂州嚴大夫名謨

蒼蒼森入桂。茲地在湘南。江作青羅帶。山如碧玉簪。戶多輸翠羽。家自種黃甘。遠勝登仙去。飛鸞不假驂。

奉和兵部張侍郎酬鄆州馬尙書被召途中見寄開緘之日馬帥已再領鄆州之作張名賈馬名總

來朝當路日。承詔改轅時。再領須句國。仍遷少昊司。暖風抽宿麥。清雨卷歸旗。賴寄新珠玉。長吟慰我思。

左傳僖公二十一年。邾人滅須句。地在東平須昌縣。秋帝少昊主刑。時馬總加檢校刑部尙書。

柳宗元

酬徐二中丞普寧部內池館卽事見寄

鷓鴣念舊行。虛館對芳塘。落日明朱檻。繁花照羽觴。泉歸滄海近。樹入楚山長。榮賤俱爲累。相期在故鄉。

榮賤合已與中丞言之。

梅雨

梅實迎時雨。蒼茫值晚春。愁深楚猿夜。夢斷越雞晨。海霧連南極。江雲暗北津。素衣今盡化。非爲帝京塵。

活用陸士衡語。所以念帝鄉傷放逐也。

劉禹錫

歲夜詠懷

彌年不得意。新歲又如何。念昔同遊者。而今有幾多。以閒爲自在。將壽補蹉跎。春色無新故。幽居亦見過。

八月十五夜觀月

天將今夜月。一遍洗寰瀛。暑退九霄淨。秋澄萬景清。星辰讓光彩。風露發晶英。能變人間世。翛然是玉京。

張籍

薊北旅思

日日望鄉國。空歌白紵詞。長因送人處。憶得別家時。失意還獨語。多愁祇自知。客亭門外柳。折盡向南枝。

五六平平。中晚通病。

夜到漁家

漁家在江口。潮水入柴扉。行客欲投宿。主人猶未歸。竹深村路遠。月出釣船稀。遙見尋沙岸。春風動草衣。

三四直白語。以自然得之。

李賀

七夕

別浦今朝暗。羅幃午夜愁。鵲辭穿線月。花入曝衣樓。天上分金鏡。人間望玉鉤。錢塘蘇小小。又值一年秋。

鮑

溶字德源。未詳里居。元和進士。歐陽永叔稱其詩清約嚴謹。爲近世之能者。

薦冰

西陸宜先啓。春寒寢廟清。歷官分氣候。天子薦精誠。已辨瑤池色。如和玉珮鳴。禮餘神轉肅。不盡此時情。
張 祜字承吉。清河人。嘗客淮南。杜牧深重之。愛丹陽曲阿地。築室卜隱。以終。○長慶中。祜爲令。不爲或獎激之。恐變陛下。風教。上頷之。遂失意東歸。

登廣武原

廣武原西北。華穹此浩然。地盤山入海。河遶國連天。遠樹千門色。高橋萬里船。鄉心日云暮。猶在楚城邊。

有氣魄。有筆力。○此公金山詩。最爲庸下偏。以此得名。真不可解。

題松汀驛

山色遠合空。蒼茫澤國東。海明先見日。江白迴聞風。鳥道高原去。人煙小逕通。那知舊遺逸。不在五湖中。

姚

合陝州人。崇之元孫。元和中進士。爲武功主簿。歷官觀察使。終祕書監。以詩名。重於時。選有極元集。取王維等二十六人詩百篇。曰此詩中射鴈手也。

春日早朝寄劉起居

九衢寒霧斂。雙闕曙光分。彩仗迎春日。香煙接瑞雲。珮聲清漏間。天語侍臣聞。莫笑馮唐老。還來謁聖君。

賈

字浪仙。范陽人。初爲浮屠。名無本。元和中詩尙輕淺。島以辭選。嬌之來東都。韓昌黎奇其詩。令返初服。文宗時官長江主簿。

暮過山村

數里聞寒水。山家少四鄰。怪禽啼曠野。落日恐行人。後李洞全學此種。初月未終夕。邊烽不過秦。蕭條桑柘外。煙

火漸相親。落日初月，平頭之病。

贈王將軍

宿衛爐煙近，除書墨未乾。馬會金鏃中，身有寶刀瘢。父子同時捷，君王晝陣看。何當爲外帥，白日出長安。
中晚五律亦多佳製，然蒼莽之氣不存，所以難與前人分道。此篇庶幾近之。

宿山寺

衆岫聳寒色，精廬向此分。流星透疎木，走月逆行雲。順行雲則月隱矣，妙處全在透字。絕頂人來少，高松鶴不羣。一僧年八十，世事未曾聞。長江有秋風吹渭水，落葉滿長安句。風格頗高，惜通體不稱，故不全錄。

周賀字南鄉，初爲僧，與買島無可齊名。後姚合愛其詩，加以冠巾。

長安送人

上國多離別，年年渭水濱。空將未歸意，說向欲行人。鴈度池塘月，山連井邑春。臨歧惜分手，日暮一霑巾。

李德裕字文饒，趙郡人。宰相吉甫子也。以蔭補校書郎。穆宗即位，擢翰林學士，授御史中丞。牛僧孺爲李訓，鄒注所惡。王璠、李漢復之，貶太子賓客。分司東都。武宗立，復相，拜太尉，封贊皇縣伯。贊之功，唐室幾於復振。宣宗即位，終以黨人交構，貶崖州司戶卒。○德裕引掖寒素，不遺餘力。及謫官南去，或有詩曰：八百孤寒齊下淚，一時回首望崖州。卽汲引一端，可以知其生平矣。○其論文云：譬如日月終古常見，而光景常新，斯爲至論。

秋日登郡樓望贊皇山感而成詠

昔人懷井邑。爲有挂冠期。顧我飄蓬者。長隨泛梗移。越嶮因病感。潘鬢入秋悲。北指邯鄲道。應無歸去期。
一氣直下。以行文之法。成詩。小家數。不解辦此。

題劍門

奇峯百仞懸。清眺出嵐煙。迴若戈回日。高疑劍倚天。參差霞壁聳。合沓翠屏連。想是三刀夢。森然在目前。

章孝標 孝標桐廬人。元和中進士。初除祕書省正字。太和中爲大理評事。

田家

田家無五行。水旱卜蛙聲。牛犢乘春放。兒孫候暖耕。池塘烟未起。桑柘雨初晴。歲晚香醪熟。村村自送迎。

首句無字。作不識意。解通體。村朴稱題。

李商隱 義山五言近體。徵引過多。性靈轉失。茲特取有風格者數章。

河清與趙氏昆季燕集擬杜工部

勝槩殊江右。佳名逼渭川。虹收青嶂雨。鳥沒夕陽天。客髻行如此。滄江坐渺然。此中真得地。漂蕩釣魚船。

能以格勝。

蟬

本以高難飽。徒勞恨費聲。五更疎欲斷。一樹碧無情。薄宦梗猶汎。故園蕪已平。煩君最相警。我亦舉家清。

令狐舍人說昨夜西掖翫月因戲贈

昨夜玉輪明，傳聞近太清。涼波衝碧瓦，曉暈落金莖。露索秦宮井，風絃漢殿箏。幾時繇竹頌，擬薦子虛名。

繇竹頌，揚雄作揚莊誦於成帝。子虛賦，司馬相如作狗監，揚得意表其名於武帝。

落花

高閣客竟去，小園花亂飛。參差連曲陌，迢遞送斜暉。腸斷未忍埽，眼穿仍欲歸。芳心向春盡，所得是沾衣。

題易粘賦，此能掃却白科。

陳後宮

茂苑城如畫，閭門瓦欲流。還依水光殿，更起月華樓。侵夜鸞開鏡，迎冬雉獻裘。從臣皆半醉，天子正無愁。

茂苑在臺城內，非吳城之茂苑也。閭闔門亦然。二處宋齊所建，月華樓乃陳后主所建。

題鄭大有隱居

結構何峯是，喧閑此地分。石梁高瀉月，樵路細侵雲。偃臥蛟螭室，希夷鳥獸羣。近知西嶺上，玉管有時聞。

晚晴

深居俯夾城，春去夏猶清。天意憐幽草，人間重晚晴。併添高閣迥，微注小窗明。越鳥巢乾後，歸飛體更輕。

細雨

蕭灑傍回汀。依微過短亭。氣涼先動竹。點細未開萍。稍促高高燕。微疎的的螢。故園烟草色。仍近五門青。
禮記注天子五門。臯雉庫應路也。

和張秀才落花有感

晴暖感餘芳。紅苞雜絳房。落時猶自舞。掃後更聞香。夢罷收羅薦。仙歸敕玉箱。迴腸九迴後。猶有剩迴腸。

過姚孝子廬偶書

拱木臨周道。荒廬積古苔。魚因感姜出。鶴爲吊陶來。兩鬢蓬常亂。雙眸血不開。聖朝敦爾類。非獨路人哀。
姜詩事母孝。舍側涌泉。每旦出雙魚以供母膳。陶侃居母憂。二客來吊。化鶴飛去。

少將

族亞齊安陸。蕭緬封安陸侯。風高漢武威。劉子南。煙波別墅醉。花月後門歸。青海聞傳箭。天山報合圍。一朝攜劍起。上馬卽如飛。

溫庭筠

商山早行

晨起動征鐸。客行悲故鄉。雞聲茅店月。人迹板橋霜。早行名句。盡此一聯。槲葉落山路。枳花明驛牆。因思杜陵夢。鳧鴈滿回塘。中晚律詩。每于頸聯振不起。往往索然興盡。

送人東遊

古戍落黃葉。浩然離故關。高風漢陽渡。初日郢門山。江上幾人在。天涯孤棹還。何當重相見。尊酒慰離顏。

起調最高

太子西池

花紅蘭紫莖。愁草雨新晴。柳占三春色。鸞偷百鳥聲。日長嫌輦重。風暖覺衣輕。薄暮香塵起。長楊落照明。

盧氏池上遇雨贈同遊

賈翻涼氣集。谿上潤殘葦。萍皺風來後。荷喧雨到時。寂寥閒望久。飄洒獨歸遲。無限松江恨。煩君解釣絲。

四語與荷枯雨滴聞同妙

許

渾字用晦丹陽人太和六年進士爲當塗太平二縣令大中三年爲監察御史歷睦郢二州刺史有丁卯集

送客歸蘭溪

花下送歸客。路長應過秋。暮隨江鳥宿。寒共嶺猿愁。衆水喧嚴瀨。羣峰抱沈樓。因君幾南望。曾向此中遊。

沈樓即元暢樓又名八詠樓

遊維山新興寺宿石屏村謝叟家

晚過石屏村。邨長日漸曛。僧歸下嶺見。人語隔溪聞。谷響寒耕雪。山明夜燒雲。家家扣銅鼓。欲賽魯將軍。

原注：郢有魯肅廟。

送客歸湘楚

無辭一杯酒，昔日與君深。秋色換歸鬢，曙光生別心。桂花山廟冷，楓樹水樓陰。此路千餘里，應勞楚客吟。

馬

戴字處臣，未詳里居。會昌四年進士。大中初，太原李司空辟掌書記，以正言被斥爲龍陽尉，終太常博士。

落日悵望

孤雲與歸鳥，千里片時間。念我一何滯，辭家久未還。微陽下喬木，遠色隱秋山。臨水不敢照，恐驚平昔顏。

意格俱好，在晚唐中可云軒鶴立鷄羣矣。

送人遊蜀

別離楊柳陌，迢遞蜀門行。若聽清猿後，應多白髮生。即下所云虹霓侵棧道，雨雪雜江聲。過盡愁人處，煙花是錦城。杜云：仲冬見虹霓，豈蜀中虹霓與雨雪並見耶。

送柳秀才往連州看弟

離人非逆旅，有弟謫連州。楚雨霑猿暮，歸雲拂鴈秋。蒹葭行廣澤，星月棹寒流。何處江關鎖，風濤阻客愁。

楚江懷古

露氣寒光集，微陽下楚丘。猿啼洞庭樹，人在木蘭舟。二語連讀，乃見標格。廣澤生明月，蒼山夾岸流。雲中君不降，竟

夕自悲秋。

過野叟居

野人閒種樹。樹老野人前。居止白雲內。漁樵滄海邊。呼兒採山藥。放犢飲溪泉。自著養生論。無煩憂暮年。

趙嘏

東歸道中

未明喚童僕。江上憶殘春。風雨落花夜。山川驅馬人。星星一鏡髮。草草百年身。此日念前事。滄洲情更親。

李遠

字承古。蜀人。太和五年進士。歷忠建江三州刺史。終御史中丞。

送人入蜀

蜀客本多愁。今君是勝遊。碧藏雲外樹。紅露驛邊樓。杜魄呼名語。巴江學字流。不知煙雨外。何處夢刀州。

李羣玉

登蒲澗寺後巖

五仙騎五羊。何代降茲鄉。澗有堯年韭。山餘禹日糧。樓臺籠海色。艸樹發天香。歌嘯波光裏。浮溟興甚長。

于武陵

品彙云。杜曲人。紀事云。會昌時人。大中進士。

贈賣松人

入市雖求利。憐君意獨真。欲將寒澗樹。賣與翠樓人。所賣非所需。瘦葉幾經雪。淡花應少春。長安重桃李。徒染六街塵。

東門路

東門車馬路。此路有浮沉。白日若不落。紅塵應更深。從來名利地。皆起是非心。所以青青艸。年年生漢陰。

項

字子遷。江東人。始未有聞。以卷謁楊敬之。楊贈詩云。幾度見詩盡好。及觀標格。過於詩平生不解藏人善。到處逢人說項斯。未幾詩達長安。明年擢上第。

送歐陽袞之閩中

秦城幾歲住。猶著故鄉衣。失意時相識。成名後獨歸。海秋蠻樹黑。嶺夜瘴雲飛。爲學心難滿。知君更掩扉。

即勤學翻知誤意。

紀唐夫

開成時人。餘未詳。

送友人歸宜春

落花兼柳絮。無處不紛紛。遠道空歸去。流鶯獨自聞。壑橋喧碓水。山郭入樓雲。故里南陔曲。秋期欲送君。

應是下第後送歸故里省親。至秋期復送之入都也。

周

字太朴。吳興人。避地福州。寄食烏石山。黃巢寇閩。欲降之。朴曰。我不仕天子。焉肯從賊。遂見害。

董嶺水

湖州安吉縣門與白雲齊。禹力不到處。河聲流向西。去衙山色遠。近水月光低。中有高人在。沙中曳杖藜。
安吉縣水勢實流向西。因衆山圍合也。服其用筆之老。五六少力。朴自愛禹力不到處二語。有一士跨驢而行。遇朴。伴誦河聲流向東。促驢行。朴直追數里。告之以流向西。非東也。當時傳以爲笑。

哭陳度

繫馬向山立。一杯聊奠君。野煙孤客路。寒草故人墳。琴韻歸流水。詩情寄白雲。日斜休哭後。松韻不堪聞。

陸龜蒙

村中晚望

抱杖柴門立。江村日易斜。雁寒猶憶侶。人病更離家。短鬢堪成雪。雙眸舊有花。何須萬里外。卽此是天涯。

皮日休

字襲美。襄陽人。隱居鹿門。自號閒氣布衣。咸通中第進士。爲著作郎。嘗流寓於吳。乾符中。出關爲巢賊所害。日休子先業。辨賊巢時。父依吳越王。無遇害事。陸游采入筆記中。

遊棲霞寺

不見明居士。空山但寂寥。白蓮吟次缺。青鶴坐來消。泉冷無三伏。松圍有六朝。何時石上月。相對論逍遙。

今棲霞之松成圍者幾十株。三人始能圍者九株。今上賜名九株松。有御製詩勒石。

張喬

喬池州人。咸通中與許棠鄭谷張蠡諸人同號十哲。黃巢之亂。隱九華以終。

送友人許棠

離鄉積歲年。歸路遠依然。夜火山頭市。春江樹杪船。干戈愁鬢改。瘴癘喜家全。何處營甘旨。波濤浸薄田。

許

棠字文化。涇縣人。久困名場。李頰主
解試。首薦之。始得登第。官江寧丞。

登涇南縣樓

近甸名偏著。登城景又寬。半空分太華。極目是長安。雪助河流漲。人耕燒色殘。閒來時甚少。欲下重憑欄。

高瞻闊步。可
惜結法稍弱。

寄鰲屋薛能少府

滿縣唯雲水。何曾似近畿。曉庭禽集慣。寒署吏衙稀。冰色封深澗。樵聲出翠微。時聞迎隱者。依舊著山衣。

野步

閑賞步易遠。野吟聲自高。路無人到跡。林有鶴遺毛。物外趣多別。塵中心枉勞。沿溪收墮果。坐石喚飢獠。

李咸用

唐末人。未詳字與里。居舉進士不
第。應辟爲推官。有披沙集六卷。

訪友人不遇

出門無至友。動即到君家。空掩一庭竹。去看何寺花。短僮應捧杖。稚女學擎茶。吟罷留題處。苔階日影斜。

推官有危城三面水。古樹一邊春。及
春雨有五色。灑來花旋成。傳爲名句。

聞泉

浙浙夢初驚。幽窗枕簟清。更無人共聽。祇有月空明。急想穿巖曲。低應過石平。欲將琴強寫。不是自然聲。

五六傳聞
字之神

秋日訪同人

忽憶同心友。攜琴去自由。遠尋寒澗碧。深入亂山秋。見後卻無語。別來長獨愁。幸逢三五夕。露坐對冥搜。

崔

塗字禮山未詳里
居光啓中進士

除夜有感

迢遞三巴路。羈危萬里身。亂山殘雪夜。孤燭異鄉人。漸與骨肉遠。轉於童僕親。邛堪正飄泊。明日歲華新。

領聯名俊。孤客親童僕。何許
簡貴。衍作十字。使不及前人。

李昌符

字巖夢。與張喬許棠輩齊名。咸
通四年進士。歷膳部員外郎。

旅遊傷春

酒醉鄉關遠。迢迢聽漏終。曙分林影外。春盡雨聲中。鳥倦江村路。花殘野岸風。十年成底事。羸馬厭西東。

晚秋歸故居

馬省曾行處。連嘶渡晚河。忽驚鄉樹出。漸識路人多。細徑穿禾黍。頽垣壓薜蘿。乍歸猶似客。鄰叟亦相過。

情景俱真。結意卽杜老鄰
人滿牆頭。感歎亦獻秋意。

塞上行

朔野煙塵起。天軍又舉戈。陰風向晚急。殺氣入秋多。樹盡禽棲艸。冰堅路在河。汾陽無繼者。羌部肯相和。

亂後途中憶張喬

天末去程孤。沿淮復向吳。亂離知又甚。安穩到家無。樹盡雲垂野。檣稀月滿湖。傷心遠村路。應少舊耕夫。

杜荀鶴 字彥之。池州人。大順中進士。後授翰林學士。知制誥。序已文爲唐風集。

春宮怨

早被嬋娟誤。特貌而誤。欲妝臨鏡慵。承恩不在貌。教妾若爲容。不得已。風暖鳥聲碎。日高花影重。年年越溪女。

相憶采芙蓉。迴憶盛年以自傷也。須曲體此意。

送人遊吳

君到姑蘇見人家。盡枕河。古宮閒地少。水港小橋多。寫吳中。夜市賣菱藕。春船載綺羅。遙知未眠月。相思

在漁歌。

送人宰吳縣

海漲兵荒後。爲官合動情。字人無異術。至論不如清。千古不易。艸履隨船賣。綾梭隔岸鳴。惟持古人意。千里贈

君行。

羅

隱字昭諫新登人十上不中第投錢鏐累官至鹽鐵發運副使奏授司勳郎朱梁以諫議大夫召不行年七十七終○南唐李氏嘗遣使聘越越人問見羅給事否使人云不識亦不聞名越人云四海聞羅江東何拙之甚答云為金榜無名所以不知

寄陸龜蒙

龍樓李丞相昔歲仰高文黃閣尋無主青山竟未聞夜船乘海月秋寺伴江雲卻恐塵埃裏浮名點汙君

時李相公蔚嘗徵其詩而不能用故寄此詩

劉綺莊未詳從詩話中采之

揚州送人

桂檝木蘭舟楓江竹箭流故人從此去遠望不勝愁落日低帆影迴風引棹謳思君折楊柳淚盡武昌樓

韋

莊字端已杜陵人乾寧中進士授校書郎後依王建建即偽位拜散騎常侍進吏部侍郎平章事卒

延興門外作

芳草五陵道美人金犢車綠奔穿內水紅落過牆花馬足倦遊客鳥聲歡酒家王孫歸去晚宮樹欲棲鴉

婺州和陸諫議將赴闕懷陽羨山居

望闕路仍遠子牟魂欲飛道開燒藥鼎僧寄臥雲衣故國饒芳草他山挂夕暉東陽雖勝地王粲奈思歸

李

洞字才江唐諸王孫昭宗時不第遊蜀為詩追慕賈島人病其僻澁惟吳融亟稱之

送雲卿上人遊安南

春往海南邊。秋聞半路蟬。鯨吞洗鉢水。犀觸點燈船。島嶼分諸國。星河共一天。長安却回日。松偃舊房前。

王貞白字有道。永豐人。乾寧中進士。官校書郎。

題嚴陵釣臺

山色四時碧。溪光七里清。嚴陵愛此景。下視漢公卿。垂釣月初上。放歌風正輕。應憐涓濱叟。匡國祗論兵。

正以不者斷語爲高筆力亦復適勁。

御溝水

一派御溝水。綠槐相蔭清。此中涵帝澤。無處濯塵纓。烏道來雖險。龍池到自平。朝宗心本切。願向急流傾。

三語初作此。以示貫休。休曰甚好。只是剩一字。貞白去。休曰此公思敏。書一中字於掌。頃貞白回曰。已改此中。休以掌示之。相視而笑。

秋日旅懷寄右省鄭拾遺

永夕愁不寐。艸蟲喧客庭。半窗分曉月。當枕落殘星。鬢髮遊梁白。家山近越青。知音在諫省。苦調有誰聽。

張蠩字象文。清河人。乾寧中進士。王建開國。拜員外郎。後王衍見其牆頭細雨垂。織草。水面風回聚落花。句。命進詩稿。欲召爲知制誥。宋光嗣以輕傲止之。賜金而已。

登單于臺

邊兵春盡迴。獨上單于臺。白日地中出。黃河天上來。沙翻痕似浪。風急響疑雷。欲向陰關度。陰關曉不開。

周 繇 未詳。

海望

蒼茫空汛日。四顧絕人烟。半浸中華岸。傍通異域船。島間知有國。波外恐無天。欲作乘槎客。翻然去隔年。

友人費滋衡詠海詩十章。投之於海。魚龍騰躍。似迎此詩者。然人以才大目之。余謂詠海何難。萬言惟簡。而該為貴也。讀島間知有國。波外恐無天。爽然自失矣。

崔道融 道融荆州人以徵辟為永嘉令。累官右補闕。

梅花

數萼初含雪。孤標畫本難。香中別有韻。清極不知寒。橫笛和愁聽。斜枝倚病看。朔風如有解。容易莫摧殘。

宋若憲 以下女士。○若憲。貝州人。父廷芬。生五女。皆警慧。善屬文。德宗召入。呼女學士。若憲第四女也。

催妝詩

雲安公主貴。出嫁五侯家。天母親調粉。日兄憐賜花。催鋪百子帳。待障七香車。借問妝成未。東方欲曉霞。

薛 媛 濼梁南楚材妻。

寫真寄外

欲下丹青筆。先拈寶鏡寒。已驚顏索寞。漸覺鬢凋殘。淚眼描將易。愁腸寫出難。恐君渾忘卻。時展畫圖看。

楚材旅遊。受顏牧之眷。欲妻以女。無返舊意。媛對鏡寫真。并詩寄之。楚材自慚。還與偕老。

李 治字季蘭，女冠也。高仲武云：士有百行，女有四德。季蘭則不然。形器既雄，詩亦豪蕩。如遠水浮仙棹，寒星伴使車。此五言之佳境也。

寄校書七兄

無事烏程縣，蹉跎歲月餘。不知芸閣吏，寂寞竟何如。遠水浮仙棹，寒星伴使車。因過大雷澤，莫忘幾行書。
不求深遠，自足雅音。

送韓揆之西江

相看指楊柳，別恨轉依依。萬里西江水，孤舟何處歸。湓城潮不到，夏口信應稀。唯有衡陽鴈，年年來去飛。

元 淳洛中人，女冠。

寄洛中諸妹

舊國經年別，關河萬里思。題書憑鴈翼，望月想蛾眉。白髮愁偏覺，歸心夢獨知。誰堪離亂處，掩淚向南枝。

釋皎然以下釋氏。○皎然姓謝氏，字清畫，吳興人。靈運十世孫，居杼山，顏魯公爲刺史，集文士撰韻海，皎然預其論著。貞元中，取其集藏之，子頤爲序。

送劉司法之越州

蕭蕭鳴夜角，驅馬背城濠。雨後寒流急，秋來朔吹高。三山期望海，八月欲觀濤。幾日西陵路，應逢謝法曹。

啼猿送客

萬里巴江外，三聲月峽深。何年有此路，幾客共沾襟。斷壁分垂影，流泉入苦吟。淒淒別離後，聞此更傷心。

尋陸鴻漸不遇

移家雖帶郭，野徑入桑麻。近種籬邊菊，秋來未著花。扣門無犬吠，欲去問西家。報道山中去，歸來每日斜。

通首散語，存此以識標格。

處 默 未詳。

聖果寺 即今之吳山寺院比密而聖果寺不存矣。江之東蕭山一帶皆是。

路自中峯上，盤回出薜蘿。到江吳地盡，隔岸越山多。古木叢青鶯，遙天浸白波。下方城郭近，鐘磬雜笙歌。

齊 已 姓胡，襄州人，名得生。

早梅

萬木凍欲折，孤根煖獨回。前村深雪裏，昨夜一枝開。風遞幽香出，禽窺素豔來。明年如應律，先發望春臺。

三四格勝五六只是凡語。○原本昨夜數枝開，許丁卯改一字，即所謂一字師也。

劍客

拔劍遶殘尊，歌終使出門。西風滿天雪，何處報人恩。勇死尋常事，輕讐不足論。翻嫌易水上，細碎動離魂。

豪爽何嘗是僧詩。

秋夜聽業上人彈琴

萬物都寂寂。堪聞彈正聲。太和元氣從來詠。琴詩俱未寫到。人心盡如此。天下自和平。湘水瀉寒碧。古風吹太清。往年廬岳奏。今夕更分明。淵灑之氣應在。李頎常建之問。

寄方千處士鑑湖舊居

賀監舊山川。空來近百年。聞君與琴鶴。方處士呼之欲出。終日在漁船。島路深秋石。湖燈半夜天。雲門幾回去。題徧好林泉。

景雲未詳。

谿叟

谿翁居處靜。谿鳥入門飛。早起釣魚去。夜深乘月歸。露香菰米熟。煙暖苕絲肥。瀟灑塵埃外。扁舟一草衣。

卷十三

七言律詩

沈佺期

龍池篇新書禮樂志。帝賜第隆慶坊。坊南地變爲池。卽位後作龍池樂。姚崇佺期等共作樂章十章。此係第三章。

龍池躍龍龍已飛。龍德先天天不違。池開天漢分黃道。龍向天門入紫微。邸第樓臺多氣色。君王鳧鴈有

光輝爲報寰中百川水。來朝此地莫東歸。經語入詩體格亦復超拔。一結有萬國來朝之意。

古意樂府作獨不見

盧家少婦鬱金香。海燕雙棲玳瑁梁。九月寒砧催木葉。十年征戍憶遼陽。白狼外河北音書斷。丹鳳長城南秋夜長。誰爲含愁獨不見。更教明月照流黃。以盧家少婦起興言夫婦相守猶離梁之燕也下就分離言○樂府盧家蘭室桂爲梁中有鬱金蘇合香應是鬱金

香則本作堂者非

奉和立春遊苑迎春初唐七律事多而寡用之情多而簡出之特每篇結句不無淺率之弊爲風氣所囿耳後人一概抹煞如何平允

東郊暫轉迎春仗。上苑初飛行慶杯。風射蛟冰千片斷。氣衝魚鑰九關開。林中覓艸纔生蕙。殿裏爭花併是梅。歌吹銜恩歸路晚。棲鳥半下鳳城來。

興慶池侍宴應制即龍池此侍宴泛舟而作

碧水澄潭映遠空。紫雲香駕御微風。漢家城闕疑天上。秦地山川似鏡中。向浦迴舟萍已綠。分林蔽殿槿初紅。古來徒羨橫汾賞。今日宸遊聖藻雄。即漢武秋風辭

奉和春初幸太平公主南莊應制公主武后所生后愛之過於諸女睿宗即位主權震天下元宗立主以謀逆賜死

主家山第早春歸。御輦春遊繞翠微。買地鋪金曾作埒。尋河取石舊支機。雲間樹色千花滿。竹裏泉聲百道飛。自有神仙鳴鳳曲。併將歌舞報恩暉。

遙同杜員外審言過嶺

天長地闊嶺頭分。去國離家見白雲。洛浦風光何所似。崇山瘴癘不堪聞。南浮漲海人何處。北望衡陽鴈幾羣。兩地江山萬餘里。何時重謁聖明君。徐期流驩州。審言流峯州。南北分飛。同時過嶺。而作。○聖明君似俚然。劉祜有將須聖明君句。

再入道場紀事應制

南方歸去再生天。內殿今年異昔年。見闕乾坤新定位。看題日月更高懸。行隨香輦登仙路。坐近爐煙講法筵。自喜恩深陪侍從。兩朝長在聖人前。雲卿于流竄後召入。故云。應是中宗初復位時。

杜審言

春日京中有懷

今年遊寓獨遊秦。愁思看春不當春。上林苑裏花徒發。細柳營前葉漫新。公子南橋應盡興。將軍西第幾留賓。寄語洛城風日道。明年春色倍還人。造語新異。以後人熟誦不覺耳。○明年春色恐未還人。奈何。

李嶠

奉和初春幸太平公主南莊應制

主家山第接雲開。天子春遊動地來。羽騎參差花外轉。霓旌搖曳日邊迴。還將石溜調琴曲。更取峯霞入酒杯。鸞輅已辭烏鵲洛。簫聲猶繞鳳凰臺。以織女比公主。初唐每多對結。

宗楚客

奉和幸安樂公主山莊應制

公主亦武后女

玉樓銀榜枕嚴城。翠蓋紅旂列禁營。日映層巖圖畫色。風搖雜樹管絃聲。水邊重閣含飛動。雲裏孤峯類削成。幸觀八龍遊閬苑。無勞萬里訪蓬瀛。八句皆對。能以覽實勝人。

宋之問

嵩山石淙侍宴應制

此武后遊幸石淙而作也。上有御詩。下多諸臣和作。狄人傑。宋璟。張昌宗。易之。並列今碑。尚留嵩山。

離宮祕苑勝瀛洲。別有仙人洞壑幽。巖邊樹色含風冷。石上泉聲帶雨秋。鳥向歌筵來度曲。雲依帳殿結為樓。微臣昔忝方明御。今日還陪八駿遊。

蘇頲

奉和春日幸望春宮應制

東望望春春可憐。更逢晴日柳含烟。宮中下見南山盡。城上平臨北斗懸。寫高峻意。語特渾成。細艸徧承迴輦處。飛花故落舞筵前。宸遊對此歡無極。鳥啣歌聲雜管絃。

興慶池侍宴應制

降鶴池前迴步輦。栖鸞樹杪出行宮。山光積翠遙疑逼。水態含青近若空。直視天河垂象外。俯窺京室畫

圖中皇歡未使恩波極。日暮樓船更起風。因泛舟侍宴故有末句。

扈從鄠杜間奉呈刑部尚書舅崔黃門馬常侍

翠輦紅旗出帝京。長楊鄠杜昔知名。雲山一一看皆美。清竹樹蕭蕭畫不成。羽騎將過持袂拂。香車欲度捲簾行。漢家曾艸巡遊賦。何似今來應聖明。

李

字太和。揚州人。善之子。李嶠荐拜左拾遺。元宗時為御史中丞。出為北海太守。李林甫忌其名。傳以罪遣御史杖殺之。邕長碑頌文。尤工八法。中朝衣冠及天下寺觀多求其文。至今有流傳者。

奉和初春幸太平公主南莊應制

傳聞銀漢支機石。復見金輿出紫微。織女橋邊烏鵲起。仙人樓上鳳凰飛。流風入座飄歌扇。瀑水當階澌舞衣。今日還同犯牛斗。乘槎共泛海潮歸。以已扈從言。應起句非複也。初唐應制多諛美之詞。况當武后中宗朝。又天下穢濁時也。衆手雷同。初無頌不忘規之意。故不

能多錄。取鐵中錚錚者。幾章以備一體。

張說

澶湖山寺

空山寂歷道心生。虛谷迢遙野鳥聲。禪室從來雲外賞。香臺豈是世中情。雲間東嶺千重出。樹裏南湖一片明。若使巢由同此意。不將蘿薜易簪纓。巢由當指終南捷徑一輩人。不然豈有輕視天下者。而不能忘情于簪纓耶。諸家解說未穩。

賈曾洛陽人景雲中為員外郎開元中
曾從諫議大夫坐事貶復遷禮部侍郎

奉和春日出苑矚目應令秦法太子稱令

銅龍曉闕問安迴金輅春遊博望開太子苑名渭水晴光搖草樹終南佳氣入樓臺招賢已從商山老託乘還

徵鄴下才臣在東周獨留滯忻逢睿藻日邊來題本出苑而起句先說問安發端正大

崔顥

黃鶴樓在武昌

昔人已乘黃鶴去此地空餘黃鶴樓黃鶴一去不復返白雲千載空悠悠晴川歷歷漢陽樹芳艸萋萋鸚

鵝洲日暮鄉關何處是因憑弔而懷鄉也煙波江上使人愁意得象先神行語外縱筆寫去遂擅千古之奇

行經華陰因華山在前故縣名華陰

崑崙太華俯咸京天外三峯削不成太華三峯如削今反云削不成妙武帝祠前雲欲散仙人掌上雨初晴河山北枕秦

關險驛路西連漢時平借問路傍名利客何如此處學長生三峯謂芙蓉明星玉女○漢五帝時在岐州雍縣南時神靈所止也

張諤諤景龍進士第岐王範好士與閻朝隱劉廷琦鄭縣等飲酒賦詩駙馬都尉裴虛已善讖緯坐私與範遊徙嶺南廷琦貶司戶諤山莊丞然明皇於範無聞也

九日

秋天林下不知春一種佳遊事也均絳葉從朝飛著夜黃花開日未成旬將橫陌樹頻驚馬半醉歸途數

問人城遠登高併九日。茱萸凡作幾年新。

祖詠

望薊門

燕臺一去客心驚。笳鼓喧喧漢將營。萬里寒光生積雪。三邊曙色動危旌。沙場烽火侵胡月。海畔雲山擁薊城。少小雖非投筆吏。論功還欲請長纓。

崔曙

九日登望仙臺呈劉明府

神仙傳河上公授漢文老子而去所在帝於西山築臺望之。

漢文皇帝有高臺。拔此日登臨曙色開。三晉雲山皆北向。二陵風雨自東來。關門令尹誰能識。河上仙翁去不回。且欲近尋彭澤宰。陶然共醉菊花杯。一氣轉合。就題有法。

李

橙橙太原人。以明經舉。開元中爲監察御史。天寶中累官禮部尙書祿山亂遇害。諡忠懿。

奉和聖製從蓬萊向興慶閣道中留春雨中春望之作應制

別館春還淑氣催。三宮路轉鳳凰臺。雲飛北闕輕陰散。雨歇南山積翠來。御柳遙隨天仗發。林花不待曉風開。已知聖澤深無限。更喜年芳入睿才。首句蓬萊。次句向興慶。三四兩中五六春望結美御製。

王維

奉和聖製從蓬萊向興慶閣道中留春雨中春望之作應制

渭水自縈秦塞曲。黃山舊繞漢宮斜。變輿迴出千門柳。閣道迴看上苑花。詩中有畫雲裏帝城雙鳳闕。雨中春

樹萬人家。爲乘陽氣行時令。不是宸遊玩物華。結意寓規于頌。臣子立言方爲得體。應制詩應以此篇爲第一。

敕賜百官櫻桃

芙蓉闕下會千官。紫禁朱櫻出上蘭。纔是寢園春薦後。非關御苑鳥銜殘。歸鞍競帶青絲籠。先賜者中使頻

傾赤玉盤。後賜者飽食不須愁內熱。大官還有蔗漿寒。起句敕賜之由。三四見敬禮臣下。結見君恩無已。詞氣雍和。淺深合度。與少陵野人送櫻桃詩均爲三唐

絕唱。○(三輔黃圖)上林有上蘭。觀作上蘭者非。

敕借岐王九成宮避暑應教

帝子遠辭丹鳳闕。天書遙借翠微宮。隔窗雲霧生衣上。卷幔山泉入鏡中。林下水聲喧語笑。巖間樹色隱

房櫺。仙家未必能勝此。何事吹簫向碧空。

和賈至舍人早朝大明宮之作

絳幘雞人報曉籌。尙衣方進翠雲裘。九天閭闔開宮殿。萬國衣冠拜冕旒。日色纔臨仙掌動。香煙欲傍袞

龍浮。朝罷須裁五色詔。珮聲歸到鳳池頭。早朝倡和詩。右丞正大。嘉州明秀有魯衛之目。賈作平平。杜作無朝之正位。不存可也。

和大常韋主簿五郎溫泉寓目

漢主離宮接露臺。秦川一半夕陽開。青山盡是朱旗繞。碧澗翻從玉殿來。新豐樹裏行人度。小苑城邊獵騎回。聞道甘泉能獻賦。懸知獨有子雲才。

出塞作

居延城外獵天驕。白草連天野火燒。暮雲空磧時驅馬。秋日平原好射鵬。頂獵天驕言護羌校尉朝乘障。破虜將軍夜度遼。玉靶角弓珠勒馬。漢家將賜霍嫖姚。上言疆場有警。下令將出師。一結得形弓。詔今受言藏之意。○二馬字押脚。亦是一病。

訓郭給事

洞門高閣靄餘暉。桃李陰陰柳絮飛。禁裏疎鐘官舍晚。省中啼鳥吏人稀。晨搖玉珮趨金殿。夕奉天書拜瑣闈。強欲從君無邨老。將因臥病解朝衣。

積雨輞川莊作

積雨空林煙火遲。蒸藜炊黍餉東菑。漠漠水田飛白鷺。狀水田之廣陰陰夏木嘯黃鸝。狀夏木之深山中習靜觀朝樞。松下清齋折露葵。野老與人爭席罷。海鷗何事更相疑。俗說謂水田飛白鷺。夏木嘯黃鸝。乃李嘉祐句。右丞襲用之。不知本句之妙。全在漠漠陰陰。去

上二字乃死句也。况王在李前。安得云王襲李耶。

送楊少府貶郴

明到衡山與洞庭。明謂若爲秋月聽猿聲。愁看北渚三湘遠。惡說南風五兩輕。候風青艸瘴時過夏口。白

頭浪裏出溢城。長沙不久留才子。賈誼何須弔屈平。不能北歸反惡南風語妙意曲。

送方尊師歸嵩山

仙官欲住九龍潭。毛節朱幡倚石龕。山壓天中半天上。洞穿江底出江南。奇境非此奇句不能寫出。瀑布杉松常帶雨。夕陽彩翠忽成嵐。借問迎來雙白鶴。已曾衡岳送蘇耽。

春日與裴迪過新昌里訪呂逸人不遇

桃源一向絕風塵。柳市南頭訪隱淪。到門不敢題凡鳥。看竹何須問主人。城上青山如屋裏。東家流水入西鄰。閉戶著書多歲月。種松皆作老龍鱗。

孟浩然

登安陽城樓城在漢中府漢陰縣。

縣城南面漢江流。江漲開成南雍州。才子乘春來騁望。羣公暇日坐銷憂。樓臺晚映青山郭。羅綺晴驕綠水洲。向夕波搖明月動。更疑神女弄珠遊。

李

東川七律故難與少陵右丞比肩。然自是安和正聲。自明代嘉隆諸子奉爲圭臬。又不善頡學之。只存膚面。宜招毛秋晴太史之譏也。然譏諸子而痛掃東川。毋乃因噎而廢食乎。

送魏萬之京

朝聞遊子唱離歌。昨夜微霜初度河。鴻鴈不堪愁裏聽。雲山况是客中過。關城曙色催寒近。御苑砧聲向

晚多莫是長安行樂處。空令歲月易蹉跎。結意勉以立功。若曰勿以長安爲行樂之地。而蹉跎無成也。

送司勳盧員外

流澌臘月下河陽。艸色新年發建章。秦地立春傳太史。漢宮題柱憶仙郎。歸鴻欲度千門雪。侍女新添五夜香。早晚薦雄文似者。望人薦引。却能自占身分。故人今已賦長楊。三輔錄曰。鳳爲尙書郎。入奏事。靈帝目送之。因題柱曰。堂堂乎張。京兆田郎。漢官儀尙書郎入直。

女侍史挈被服持香鑪隨入臺中。

題瑤公山池

遠公遁跡廬山岑。開士幽居祇樹林。片石孤雲窺色相。清池皓月照禪心。指揮如意天花落。坐臥閒房春艸深。此外俗塵都不染。惟餘元度得相尋。許詢字。

寄茶母三名潛

新加大邑綬仍黃。近與單車去洛陽。顧盼一過丞相府。風流三接令公香。南川粳稻花侵縣。西嶺雲霞色滿堂。共道進賢蒙上賞。看君幾歲作臺郎。

送李回

知君官屬大司農。詔幸驪山職事雄。歲發金錢供御府。晝看仙液注離宮。千巖曙雪旌門上。十月寒花輦路中。不覩聲名與文物。自傷留滯去關東。四語仙液謂湯池。

宿瑩公禪房聞梵

花宮仙梵遠微微。月隱高城鐘漏稀。夜動霜林驚落葉。曉聞天籟發清機。蕭條已入寒空靜。二語正寫梵音。颯沓仍隨秋雨飛。始覺浮生無住著。頓令心地欲皈依。

題盧五舊居

物在人亡無見期。閒庭繫馬不勝悲。窗前綠竹生空地。門外青山似舊時。悵望秋天鳴墜葉。嶮岨枯柳宿寒鴟。憶君淚落東流水。歲歲花開知是誰。

高適

送前衛縣李窠少府

黃鳥翩翩楊柳垂。春風送客使人悲。怨別自驚千里外。論交卻憶十年時。雲開汶水孤帆遠。少府之行。路繞梁山。正馬遲之歸。此地從來可乘興。留君不住益淒其。情不深而自遠。景不麗而自佳。韵使之也。

送李少府貶峽中王少府貶長沙

嗟君此別意何如。駐馬銜杯問謫居。巫峽中。啼猿數行淚。衡陽長沙。歸鴈幾封書。青楓長沙。江上秋天遠。白帝城峽中。邊古木疎。聖代即今多雨露。暫時分手莫躊躇。連用四地名。究非律詩所宜。五六渾言之斯善矣。

夜別韋司士得城字。

高館張燈酒復清。夜鐘殘月雁歸聲。只言啼鳥堪求侶，無那春風欲送行。黃河曲裏沙爲岸，白馬津邊柳向城。莫怨他鄉暫離別，知君到處有逢迎。以上皆近酬應詩，因神韻使，人不覺知近體貴神韻也。

岑 參

和賈至舍人早朝大明宮之作

雞鳴紫陌曙光寒，鶯囀皇州春色闌。金闕曉鐘開萬戶，玉階仙仗擁千官。花迎劍佩星初落，柳拂旌旗露未乾。獨有鳳凰池上客，陽春一曲和皆難。

和祠部王員外雪後早朝即事

長安雪後似春歸，積素凝華連曙輝。色借玉珂迷曉騎，光添銀燭晃朝衣。西山落月臨天仗，作比似看北闕晴

雲捧禁闈，闈道仙郎歌白雪。闕合由來此曲和人稀。

奉和杜相公發益州唐書崔旰殺郭英，又據成都。上命宰相杜鴻漸鎮撫之。

相國臨戎別帝京，擁旄持節遠橫行。朝登劍閣雲隨馬，夜度巴江雨洗兵。山花萬朶迎征蓋，川柳千條拂去旌。暫到蜀城應計日，計日定亂，望其歸也。須知明主待持衡。

九日使君席奉餞衛中丞赴長水

節使橫行西出師，鳴弓擐甲羽林兒。臺上霜威凌草木，軍中殺氣傍旌旗。預知漢將宣威日，正是胡塵欲

滅時爲報使君多汎菊。汎菊以壯行色補九日意更將絃管醉東籬。

首春渭西郊行呈藍田張二主簿

回風度雨渭城西。細草新花踏作泥。秦女峯頭雪未盡。胡公陂上日初低。愁窺白髮羞微祿。悔別青山憶舊溪。聞道輞川多勝事。玉壺春酒正堪攜。主簿應居輞川。故欲攜酒往遊。

暮春虢川東亭送李司馬歸扶風別廬

柳驪鶯嬌花欲殷。紅亭綠酒送君還。到來函谷愁中月。歸去磻溪夢裏山。夢裏山言客中所夢之山。今始得歸也。簾前春色應須惜。世上浮名好是閒。西望鄉關腸欲斷。對君衫袖淚痕斑。司馬歸而已爲客。是以望鄉垂涕也。

萬 楚楚開元中進上。字與里居未詳。

聽馬

金絡青驄白玉鞍。長鞭紫陌野遊盤。朝驅東道塵恆滅。暮到河源日未闌。汗血每隨邊地苦。蹄傷不憚隴陰寒。君能一飲長城窟。爲盡天山行路難。幾可追步老杜詠馬詩。諸家舍此。只取五日觀妓。謂末句却令今日死君家。與綵絲續命關合。巧則巧矣。詎非風雅之譽耶。

張 謂字正言。河南人。天寶二年進士。大歷中官至禮部侍郎。與貢舉。

別韋郎中應是已適楚。韋適蜀。故中二聯分寫三四寫情五六寫景。不嫌其複。

星軺計日赴岷峨。雲樹連天阻笑歌。楚入洞庭隨鴈去。西蜀過巫峽聽猿多。嶢嶢楚洲上飛黃葉。灩澦

蜀
堆邊起白波。不醉郎中桑落酒。教人無奈別離何。原本飛黃葉。別本作黃蝶。誤。

杜侍御送貢物戲贈

銅柱珠崖道路難。伏波橫海舊登壇。越人自貢珊瑚樹。漢使何勞獬豸冠。疲馬山中愁日晚。孤舟江上畏春寒。由來此貨稱難得。旅驚不寶。遠物之意。多恐君王不忍看。亦嚴亦婉。諷侍御氣以諷君。

春園家宴

南園春色正相宜。大婦同行小婦隨。竹裏登樓人不見。花間覓路鳥先知。櫻桃解結垂簷子。楊柳能低入戶枝。山簡醉來歌一曲。參差笑殺郢中兒。

李白

登金陵鳳凰臺

鳳凰臺上鳳凰遊。鳳去臺空江自流。吳宮花草埋幽徑。晉代衣冠成古丘。三山半落青天外。二水中分白鷺洲。三山二水可見而長安不見。總為浮雲能蔽日。長安不見使人愁。從心所造。偶然相似。必謂摹倣。司為浮雲蔽也。有憂讒畏讒意。

三山相接。城西南有白鷺洲。○自方山合流。至建康。分為二支。中夾一洲。名白鷺。

送賀監歸四明應制

四明山在寧波府南百五十里。上有石窗。通日月星辰。故曰四明。
久辭榮祿遂初衣。曾向長生說息機。真訣自從茆氏得。恩波應許洞庭歸。瑤臺含露星辰滿。仙嶠浮空島

嶼微借問欲棲珠樹鶴何年却向帝城飛望其復來帝城借說便不入空

別中都明府兄

吾兄詩酒繼陶君試宰中都天下聞東樓喜奉連枝會南陌愁爲落葉分城隅綠水明秋日海上青山隔暮雲取醉不辭留夜月鴈行中斷惜離羣

鸚鵡洲黃祖殺禰衡葬於江中之洲因衡賦鸚鵡故洲以是名

鸚鵡來過吳江水江上洲傳鸚鵡名鸚鵡西飛隴山去芳洲之樹何青青煙開蘭葉香風暖岸夾桃花錦浪生遷客此時徒極目長洲孤月向誰明以古筆爲律詩盛唐人每有大筆後此調不復彈矣

杜

甫杜七言律有不可及者四學之博也才之大也氣之盛也格之變也五色藻績八音和鳴後人如何髣髴○王摩詰七言律風格最高復鱗遠韻爲唐代正宗然遇杜秋與諸將詠懷古蹟等篇恐瞠乎其後以杜能包王不能包杜也○中有疎宕一體實宋元人濫觴才大自無所不可也然學杜者不應從此種入○凡名家詩有名句可采如鄭鷓鴣崔鶯趙倚樓之類是也杜詩議論正器局高却無名句可采所以彥恢高氏獨列爲大家

題張氏隱居即張鄉也

春山無伴獨相求伐木丁丁山更幽澗道餘寒歷冰雪石門斜日到林邱不貪夜識金銀氣遠害朝看麋鹿遊乘興杳然迷出處對君疑是泛虛舟不貪句言其識之清遠古句言其識之曠不必穿鑿

城西陂泛舟城西陂即漢陂

青蛾皓齒在樓船。橫笛短簫悲遠天。春風自信牙樁動。遲日徐看錦纜牽。魚吹細浪搖歌扇。燕蹴飛花落舞筵。不有小舟能盪槳。百壺那送酒如泉。

九日藍田崔氏莊

老去悲秋強自寬。興來今日盡君歡。羞將短髮還吹帽。活用舊事笑倩傍人爲正冠。藍水遠從千澗落。玉山高並兩峯寒。明年此會知誰健。醉把茱萸子細看。茱萸酒名。言把酒而看藍水玉山。不忍遽去也。若只看茱萸有何意味。

崔氏東山草堂

愛汝玉山草堂靜。高秋爽氣相鮮新。有時自發鐘磬響。落日更見漁樵人。盤剝白鴉谷口栗。飯煮青泥坊底芹。何爲西莊王給事。柴門空閉鎖松筠。此以古爲律。謂之拗體。可偶一爲之。○芹韻在十二文。應是尊字。王維輞川在藍田之西。故云西莊。似有諷之歸來意。

紫宸殿退朝口號

戶外昭容也。女宮也。紫袖垂雙瞻御座也。分行也。引朝儀。香飄合殿春風轉。花覆千官淑景移。晝漏稀聞高閣報。天顏有喜近臣知。宮中每出歸東省。會送夔龍集鳳池。紫宸乃內殿。故所詠皆宮中之景。與大明宮自別。

曲江對雨

城上春雲覆苑牆。江亭晚色靜年芳。林花著雨燕脂濕。水荇牽風翠帶長。龍武新軍深駐輦。芙蓉別殿謾焚香。何時詔此金錢會。暫醉佳人錦瑟傍。前半寫雨景之寂靜。後半懷南內之淒涼。不忘上皇也。未冀復見金錢之會無限低徊。○上皇改龍武軍。從夾城達芙蓉園。今

云深駐輦。謾焚香。見不復檢閱。臨幸也。○開元二年。宴百官於承天門。令左右撒金錢。賜之。爭拾。宴時。太常教坊樂具在。故曰佳人。

送鄭十八虔貶臺州司戶傷其臨老陷賊之故闕為面別情見於詩

鄭公樗散鬢成絲。酒後常稱老畫師。萬里傷心嚴譴日。百年垂死中興時。蒼惶已就長途往。邂逅無端出餞遲。便與先生應永訣。九重泉路盡交期。風曲赴題。清空一氣。與聞官軍收河南北。同是一格。

至日遣興奉寄北省舊閣老兩院故人

昨夜逍遙供奉班。去年今日侍龍顏。麒麟不動爐煙上。孔雀徐開扇影還。玉几由來天北極。朱衣只在殿中間。孤城此日腸堪斷。愁對寒雲雪滿山。此公出為華州掾。故有此詩。○追憶去歲朝儀。而今不得與。惓惓有故主之思焉。

蜀相

丞相祠堂何處尋。錦官城外柏森森。映階碧草自春色。隔葉黃鸝空好音。三顧頻煩天下計。兩朝開濟老臣心。藥括武侯生。平激昂痛快。出師未捷身先死。長使英雄淚滿襟。宗忠簡臨終誦此二語。開濟言開基濟美。合兩朝言之。

野老

野老維前江岸迴。柴門不正逐江開。如漁人網集澄潭下。賈客船隨返照來。長路關心悲劍閣。片雲何意傍琴臺。王師未報收東郡。城闕秋生畫角哀。前寫晚景。後寫旅情。不必承接。杜詩中偶有此格。

送韓十四江東覲省

兵戈不見老萊衣。歎息人間萬事非。我已無家尋弟妹。君今何處訪庭闈。黃牛峽靜灘聲轉。白馬江寒樹影稀。灘聲樹影寫雜情。鄉思神致淋漓。此別應須各努力。故鄉猶恐未同歸。前半言江東觀省。後半言蜀江送別。

野人送朱櫻

西蜀櫻桃也自紅。野人相贈滿筠籠。數迴細寫愁仍破。萬顆勻圓訝許同。憶昨賜書開筆門下省。退朝擎出大明宮。金盤玉筋無消息。此日嘗新闕任轉蓬。也白紅愁仍破許同俱對賜櫻。桃著筆。下半流走直下。格法獨創。

南隣

錦里先生烏角巾。園收芋栗未全貧。慣看賓客兒童喜。得食階除鳥雀馴。秋水纔添四五尺。自然野航恰受兩三人。白沙翠竹江村暮。相送柴門月色新。前半言造南隣之居。後半言同舟送別也。

和裴迪登蜀州東亭送客逢早梅相憶見寄

東閣官梅動詩興。還如何遜在揚州。此時對雪遙相憶。送客逢春可自由。幸不折來傷歲暮。無限若爲看去亂鄉愁。江邊一樹垂垂發。朝夕催人自白頭。

客至原注喜崔明府相過

舍南舍北皆春水。但見羣鷗日日来。花徑不曾緣客掃。蓬門今始爲君開。盤飧市遠無兼味。樽酒家貧只舊醅。肯與隣翁相對飲。隔籬呼取盡餘盃。

賓至

幽棲地僻經過少。老病人扶再拜難。豈有文章驚海內。自謙實漫勞車馬駐江干。自任也竟日淹留佳客坐。百年

恨別

洛城一別四千里。胡騎長驅五六年。草木變衰行劍外。兵戈阻絕老江邊。思家步月清宵立。憶弟看雲白

秋盡

秋盡東行且未迴。茅齋寄在少城隈。籬邊老卻陶潛菊。江上徒逢袁紹盃。以鄭康成自比雪嶺獨看西日落。劍門

野望

西山白雪三城戍。南浦清江萬里橋。海內風塵諸弟隔。天涯涕淚一身遙。惟將遲暮供多病。未有涓埃答

聞官軍收河南河北

兩河俱收安史之亂始熄

劍外忽傳收薊北。初聞涕淚滿衣裳。卻看妻子愁何在。漫卷詩書喜欲狂。白日放歌須縱酒。青春作伴好

還鄉。卽從巴峽穿巫峽。項計歸程如禹貢曰浮。便下襄陽向洛陽。自是落句故收得住。若他人爲之。仍是

登高

風急天高猿嘯哀。一句中。渚清沙白鳥飛迴。無邊落木蕭蕭下。不盡長江滾滾來。萬里悲秋常作客。百年

多病獨登臺。好在無邊不盡萬里。艱難苦恨繁霜鬢。潦倒新停濁酒盃。八句皆對起二句對舉之中。仍復

可截去二字。試思落木蕭蕭。下長江滾滾來成何語耶。

將赴荆南寄別李劍州

使君高義驅今古。與古並驅。寥落三年坐劍州。但見文翁能化俗。焉知李廣未封侯。路經灩澦雙蓬鬢。項道赴

景鍊句。天入滄浪一釣舟。戎馬相逢更何日。春風迴首仲宣樓。切荆南

將赴成都草堂途中有作先寄嚴鄭公五首

得歸茅屋赴成都。直爲文翁再剖符。但使閭閻還揖讓。敢論松菊久荒蕪。承再剖符言但望風俗之還

知丙穴由來美。酒憶鄆筒不用酤。五馬舊曾諳小徑。幾回書札待潛夫。

處處清江帶白蘋。故園猶得見殘春。雪山斥堠無兵馬。錦里逢迎有主人。擬兒童延俗客。不教鵝鴨

惱比鄰。習池未覺風流盡。况復荊州賞更新。以山簡比鄭公

竹寒沙碧澗花溪。橘刺藤梢咫尺迷。過客徑須愁出入。承思尺迷居人不自解東西。書籤藥裹封蛛網。野店山

橋送馬蹄。公每下此等巧字而不入于纖青藉荒庭春草色。先拚一飲醉如泥。

常苦沙崩損藥欄。也從江檻落風湍。新松恨不高千尺。惡竹應須斬萬竿。言外有扶君子抑小人意生理祇憑黃閣老。

衰顏欲付紫金丹。三年奔走空皮骨。信有人間行路難。

錦官城西生事微。烏皮几在還思歸。昔去爲憂亂兵入。今來已恐鄰人非。側身天地更懷古。回首風塵甘

息機。共說總戎雲鳥陣。對結不妨遊子菱荷衣。五章通作一章看

登樓

花近高樓傷客心。萬方多難此登臨。妙在倒裝若一倒轉與近人詩何異錦江春色來天地。玉壘浮雲變古今。北極朝廷終

不改。西山寇盜莫相侵。二語前人謂可抵一篇王命論可憐後主還祠廟。日暮聊爲梁甫吟。望世有諸葛其人何等抱負。氣象雄偉籠蓋宇宙此杜詩

之最上者。○錢箋謂代宗任程元振魚朝恩致蒙塵之禍故以后主之任黃皓比之。

宿府

清秋幕府井梧寒。獨宿江城蠟炬殘。永夜角聲悲自語。中天月色好誰看。風塵荏苒音書絕。關塞蕭條行

路難。已忍伶俜十年事。強移棲息一枝安。

關夜此西閣夜中作

歲暮陰陽催短景。天涯霜雪霽寒宵。五更鼓角聲悲壯。三峽星河影動搖。野哭千家聞戰伐。穹歌幾處起漁樵。臥龍躍馬終黃土。人事音書漫寂寥。結言賢愚同盡。則目前人事遠地音書亦付之寂寥而已。蜀都賦云。公孫躍馬而稱帝。臥龍躍馬。因夔州祠廟而及之。

白帝城最高樓

城尖徑仄旌旆愁。獨立縹緲之飛樓。峽坼雲龍虎。臥江清日抱鼉鼉。遊扶桑西枝對斷石。就東言西。弱水東影隨長流。就西言東。杖藜歎世者。誰子泣血迸空迴。白頭句法古體對法律。兩者兼用之。

卷十四

七言律詩

杜甫下

秋興八首潘岳有秋興賦。言因秋而感興。重在興不在秋也。每章中時見秋意。

玉露凋傷楓樹林。巫山巫峽氣蕭森。江間波浪兼天湧。塞上風雲接地陰。叢菊兩開他日淚。猶往。孤舟一

繫故園心。樊川。寒衣處處催刀尺。客子無衣之感。白帝城高急暮砧。首章乃八章發端也。故國心與四章故國思隱隱注射。

夔府孤城落日斜。夔州。每依北斗望京華。聽猿實下三聲淚。奉使虛隨八月槎。孤舟長繫。有似乘槎。畫省香爐遠伏

枕。以京華言。山樓粉堞隱悲笳。以夔府言。請看石上藤蘿月。近言石上。遠言洲前。下句虛提之也。已映洲前蘆荻花。望京華。八章之旨。特於此章拈出。身。

羈夔府心戀京華望而不見不能不為之黯然也。

千家山郭靜朝暉。夔州朝景白日江頭坐翠微。信宿漁人還泛泛。清秋燕子故飛飛。二句喻已之飄泊匡衡抗疏功名

薄。劉向傳經心事遠。二句概已之不遇同學少年多不賤。五陵車馬自輕肥。以上就夔府言以下就長安言此八詩分界處也或謂末句五陵逗起長

安此又失之於織矣。

聞道長安似弈棋。百年世事不勝悲。王侯第宅皆新主。文武衣冠異昔時。直北關山金鼓震。征西吐蕃車

馬羽書馳。魚龍寂寞秋江冷。點秋意結本章以起下四章故國平居有所思。前半指朝廷之變遷後半指邊境之凌逼北憂回紇西患吐蕃追維往事不勝今昔之感

蓬萊宮闕對南山。承露金莖霄漢間。西望瑤池降王母。東來紫氣滿函關。前對南山西眺瑤池東接函關極言宮闕氣象之盛無識

刺雲移雉尾開宮扇。日繞龍鱗識聖顏。指獻三大一臥滄江驚歲晚。指夔府言幾回青瑣點朝班。言立朝無幾日追思長安

全盛時宮闕壯麗朝省尊嚴而未歎已之久違朝守也。

瞿塘夔府峽口曲江頭。京華萬里風煙接素秋。花萼夾城通御氣。芙蓉小苑入邊愁。珠簾繡柱圍黃鶴。錦纜牙

橋起白鷗。迴首可憐歌舞地。見有德易以興無德易以亡意秦中自古帝王州。此追叙長安失陷之由城通御氣指敦倫勤政時苑入邊愁即所云漁陽擊鼓動地

來上言治下言亂也下追敘遊幸之時見盛衰無常自古為然言外無窮猛省。

昆明池水漢時功。武帝旌旗在眼中。織女機絲虛夜月。石鯨鱗甲動秋風。波漂菰米沉雲黑。露冷蓮房墜

粉紅。關塞極天惟鳥道。結江湖滿地一漁翁。借漢喻唐極寫蒼涼景象結意身阻鳥道跡比漁翁見還京無期也○中間故實點化西京賦及西京雜記中語意

昆吾御宿自逶迤。紫閣峯陰入漢陂。香稻啄餘鸚鵡粒。二語倒裝句法碧梧棲老鳳凰枝。佳人拾翠春相問。城舟泛舟

事。仙侶同舟晚更移。岑參兄弟遊漢陂事綵筆昔曾干氣象。白頭吟望苦低垂。此章追敘交遊一結并收拾八章所

望而已。○曰巫峽曰夔府曰盟唐曰江樓滄江關塞皆言身之所處曰故國故園曰京華長安蓬萊曲江昆明紫閣皆言心之所思此八詩中線索也。○懷鄉戀闕弔古傷今杜老生平具見於此其才氣之

大筆力之高天風海濤金鐘大鏞莫能擬其所到。

詠懷古跡五首

支離東北風塵際。漂泊西南天地間。三峽樓臺淹日月。五溪衣服共雲山。羯胡事主終無賴。風塵詞客哀時

且未還。漂庾信平生最蕭瑟。暮年詩賦動江關。味懷古跡猶云借古跡以味懷也謂首章詠懷下四章古

信雙關以上少陵自敘。

搖落深知宋玉悲。風流儒雅亦吾師。悵望千秋一灑淚。蕭條異代不同時。流水江山故宅空文藻。雲雨荒

臺豈夢思。最是楚宮俱泯滅。舟人指點到今疑。謂高唐之賦乃假託之詞以諷淫惑非真有夢也。○懷宋

滅其寄慨深矣。

羣山萬壑赴荆門。生長明妃尚有村。一去紫臺連朔漠。獨留青塚向黃昏。畫圖省識春風面。猶略識臨去

面也。指弔明妃者。環珮空歸夜月魂。千載琵琶作胡語。分明怨恨曲中論。詠昭君詩此為絕唱餘皆平平至

蜀主窺吳幸三峽。崩年亦在永安宮。翠華想像空山裏。玉殿虛無野寺中。古廟杉松巢水鶴。歲時伏臘走

村翁武侯祠屋常鄰近一體君臣祭祀同曰崩曰翠華明以天子待之也於魏武帝曰英雄割據益知以正統予蜀矣考亭南軒以前少陵已持此論稱蜀主因舊號也

諸葛大名垂宇宙宗臣遺像肅清高三分割據紆籌策萬古雲霄一羽毛伯仲之間見伊呂論指揮若定

失蕭曹運移漢祚終難復志決身殲軍務勞所云鞠躬盡瘁雲霄羽毛猶鸞鳳高翔狀其才品之不可及也文中子謂諸葛武侯不死祀樂其有與乎即失蕭曹之旨

此議論之最高者後人謂詩不必著議論非通言也

諸將五首

漢朝陵墓對南山胡虜千秋尙入關昨日玉魚蒙葬地言陵墓之被發早時金盃出人間見愁汗馬西戎逼曾閃

朱旗北斗般多少材官守涇渭將軍且莫破愁顏此為吐蕃內侵諸將不能禦侮而作也不忍斥言故借漢為比

韓公張仁本意築三城擬絕天驕拔漢旌豈謂盡煩回紇馬翻然遠救朔方兵胡來不覺潼關隘龍起猶

聞晉水清感傷目前追憶盛時龍跳虎臥之筆獨使至尊憂社稷諸君何以答升平此為回紇入境責諸將不能分憂而言也○築城則以禦寇豈謂反賴回紇以

平亂耶故追思開創之主以勗諸君

洛陽宮殿化為烽休道秦關百二重滄海未全歸禹貢薊門何處盡堯封朝廷衰職雖多預天下軍儲不

自供稍喜臨邊王相國其人只此事可嘉故曰稍喜肯銷金甲事春農起追憶安史陷京下指河北餘孽因傷轉輸不繼而以王縉愧屬諸藩其言微矣

迴首扶桑銅柱標冥冥氛祲未全銷越裳翡翠無消息南海明珠久寂寥殊錫曾為大司馬總戎皆插侍

中貂炎風朔雪天玉地只在忠良翊聖朝言南方不靖貢獻久稀由諸將膺異寵擁高官而不盡撫綏之道耳故於忠良有厚望焉

錦江春色逐人來。巫峽清秋萬壑哀。正憶往時嚴僕射。共迎中使望鄉臺。公爲幕佐。故云共迎。主恩前後三持節。軍令分明數舉盃。有雅歌投壺氣象。西蜀地形天下險。安危須仗出羣材。思嚴武傷武後之鎮蜀者皆非其人也。○

丁寧反覆所云言者無罪。聞者足戒。

夜

露下天高秋氣清。空山獨夜旅魂驚。疎燈自照孤帆宿。新月猶懸雙杵鳴。南菊再逢人臥病。北書不至鴈無情。步簷倚杖看牛斗。銀漢遙應接鳳城。卽每依北斗望京華意。

暮歸

霜黃碧梧白鶴棲。城上擊柝復烏啼。客子入門月皎皎。誰家搗練風淒淒。南渡桂水闕舟楫。北歸秦川多鼓聲。年過半百不稱意。明日看雲還杖藜。

返照

楚王宮北正黃昏。在巫山傍。白帝城西過雨痕。返照入江翻石壁。練字。歸雲擁樹失山村。衰年肺病惟高枕。絕塞愁時早閉門。不可久留豺虎亂。南方實有未招魂。己之驚魂。不能招之北歸。

九日

重陽獨酌盃中酒。抱病起登江上臺。竹葉於人旣無分。菊花從此不須開。卽注。明獨酌言不與弟妹飲也。竹葉菊花真假對。殊方

日落玄猿哭。舊國霜前白。鴈來弟妹蕭條各。何在。干戈衰謝兩相催。

又呈吳郎前有簡吳郎
司法一首

堂前撲棗任西鄰。無食無兒一婦人。不為困窮寧有此。祇緣恐懼轉須親。體貼曲
折至此卽防遠客雖多事。固為
多事便插疎籬卻任真。便插疎籬未
免任真矣已訴徵求貧到骨。無食
見誅求之酷亂離之慘所謂其

言議如
者耶

吹笛

吹笛秋山風月清。誰家巧作斷腸聲。分風飄律呂相和切。月傍關山幾處明。胡騎中宵堪北走。借笛
比武陵一曲想南征。笛中
實事故園楊柳今搖落。何得愁中卻盡生。笛中有折楊柳曲
故翻其意作結

冬至

年年至日長為客。忽忽窮愁泥殺人。江上形容吾獨老。天涯風俗自相親。所謂入門各自
媚誰肯相為言杖藜雪後臨丹壑。鳴玉朝來散紫宸。憶在心折此時無一寸。路迷何處是三秦。

小寒食舟中作寒食次日為小寒
食看首句自明

佳辰強飯食猶寒。隱几蕭條帶鶡冠。春水船如天上坐。老年花似霧中看。娟娟戲蝶過閒幔。片片輕鷗下急湍。雲白山青萬餘里。愁看直北是長安。二語以往來自在反興
欲歸長安而不得也

張志和字子同。婺州人。始名龜齡。肅宗命待詔翰林。賜名志和。後坐貶居江湖。自稱烟波釣徒。著元真子。亦以自號。

漁父

八月九月蘆花飛。南溪老人垂釣歸。秋山入簾翠滴滴。野艇倚檻雲依依。卻把漁竿尋小逕。閑梳鶴髮對斜暉。翻嫌四皓曾多事。出爲皇儲定是非。

陶

峴峴淵明之後。開元末移居崑山。○紀事云。峴泛遊江湖。自製一舟與孟彥深。孟雲卿。焦燧共載。吳越之士號爲水仙。

西塞山下迴舟作

匡廬舊業是誰主。吳越新居安此生。白髮數莖歸未得。青山一望計還成。鴉翻楓葉夕陽動。鷺立蘆花秋水明。從此舍舟何所詣。酒旗歌扇正相迎。

元結

橋井

靈橋無根井有泉。世間如夢又千年。鄉園不見重歸鶴。姓字今爲第幾仙。風冷露壇人悄悄。地閒荒徑草綿綿。如何躡得蘇君跡。白日霓旌擁上天。

劉長卿

七律至隨州。工絕亦秀絕矣。然前此渾厚兀冪之氣不存。降而君平茂政抑又甚焉。風會使然。豈作者莫能自主耶。

長沙過賈誼宅

三年謫宦此栖遲。萬古惟留楚客悲。秋草獨尋人去後。寒林空見日斜時。漢文有道恩猶薄。湘水無情弔豈知。寂寞江山搖落處。憐君何事到天涯。諡之遷謫本因被讒今云何事而來含情不盡

登餘干古城

孤城上與白雲齊。萬古蕭條楚水西。官舍已空秋草沒。女牆猶在夜烏啼。平沙渺渺迷人遠。落日亭亭向客低。飛鳥不知陵谷變。朝來暮去弋陽溪。

獻淮南軍節度李相公

建牙吹角不聞喧。三十登壇衆所尊。客散萬金酬士死。言輕財身留一劍答君恩。言報主漁陽老將多回席。猶避

言好魯國諸生半在門。言好白馬翩翩春草綠。邵陵西去獵平原。

贈別嚴士元

春風倚棹闔閩城。水國春寒陰復晴。細雨溼衣看不見。閒花落地聽無聲。日斜江上孤帆影。草綠湖南萬里情。東道若逢相識問。青袍今已誤儒生。三四只分寫陰晴之景注釋家謂比護言之漸漬朝廷之棄賢初死此意

自夏口至鸚鵡洲望岳陽寄阮中丞

江洲無浪復無煙。楚客相思亦渺然。漢口夕陽斜渡鳥。洞庭秋水遠連天。孤城背嶺寒吹角。獨樹臨江夜泊船。賈誼上書憂漢室。長沙謫去古今憐。直說淺露右丞則云長沙不久留才子賈誼何須弔屈原

觀校獵上淮西相公

龍驤校獵邵陵東。野火初燒楚澤空。師事黃公千載後。身騎白馬萬人中。笳隨晚吹迎邊草。箭沒寒雲落塞鴻。三十擁旄誰不羨。周郎少小立奇功。

送柳使君赴袁州

袁州與三苗地接

宜陽出守新恩至。京口因家始願違。五柳閉門高士去。三苗按節遠人歸。月明江路聞猿斷。花暗山城見吏稀。惟有郡齋窗裏岫。朝朝空對謝元暉。

使次安陸寄友人

新年草色遠萋萋。久客將歸問路蹊。暮雨不知瀆口處。春風只到穆陵西。此去春光緩到因地偏也孤城盡日空花落。三戶無人自鳥啼。史記楚雖三戶亡秦必楚君在江南相憶否。門前五柳幾枝低。

送耿拾遺歸上都

若爲天畔獨歸秦。對水看山欲暮春。窮海別離無限路。隔河征戰幾歸人。長安萬里傳雙淚。建德千峯寄一身。今嚴州想到郵亭愁駐馬。不堪西望見風塵。時應值吐蕃之亂故有隔河征戰西望風塵之語

送陸澧倉曹西上

長安此去欲何依。先達誰當薦陸機。日下鳳翔雙闕迥。雪中人去二陵稀。舟從故里難移棹。家在寒塘獨

掩扉下半說臨水自傷流。落久贈君空有淚沾衣。

題靈祐和尚故居

歎逝翻悲有此身。禪房寂寞見流塵。六時行徑空秋草。幾日浮生哭故人。哭故人可傷矣。幾日浮生尤爲可傷。風竹自吟遙入磬。雨花隨淚共沾巾。殘經窗下依然在。憶得山中問許詢。

錢起

和李員外扈駕幸溫泉宮

未央月曉度疎鐘。鳳輦時巡出九重。雪霽山門迎瑞日。雲開水殿候飛龍。輕寒不入宮中樹。佳於偶句佳氣常浮仗外峯。遙羨枚臯扈仙蹕。偏承霄漢渥恩濃。

贈闕下裴舍人

二月黃鸝飛上林。春城紫禁曉陰陰。長樂鐘聲花外盡。不出花外龍池柳色雨中深。蒙澤獨深陽和不散窮塗恨。霄漢常懸捧日心。獻賦十年猶未遇。少含蘊羞將白髮對華簪。格近李東川

漢武出獵

漢家無事樂時雍。羽獵年年出九重。玉帛不朝金闕路。旌旗長繞綵霞峯。且貪原獸輕黃屋。寧畏漁人犯白龍。薄暮方歸長樂觀。垂楊幾處綠煙濃。

和王員外晴雪早朝

紫微晴雪帶恩光，繞仗偏隨鴛鴦行。長信月留寧避曉，宜春花滿不飛香。獨看積素凝清禁，已覺輕寒讓太陽。題柱盛名兼絕唱，風流誰繼漢田郎。可追隨嘉州作惜一結。泛然不如岑詩關合。

山中詠楊補闕見訪

日煖風恬種藥時，紅泉翠壁薜蘿垂。幽溪鹿過苔還靜，深樹雲來鳥不知。佳句青瑣同心多逸興，春山載酒遠相隨。卻慚身外牽纓冕，未信尊前倒接巵。

韋應物

自鞏洛舟行入黃河卽事寄府縣僚友

夾水蒼山路向東，東南山豁大河通。寒樹依微遠天外，夕陽明滅亂流中。孤村幾歲臨伊岸，伊水之岸一鴈初晴下朔風。爲報洛陽遊宦侶，扁舟不繫與心同。寒樹句畫本夕陽句畫亦難到。鷺鷥飛破夕陽烟水面。迴風聚落花。芰荷翻雨潑鷺鷥同是名句。然皆作意求工。

少天然之致矣。山水雲霞皆成圖續。指點顧盼自然得之。才是古人佳處。

寄李儋元錫

去年花裏逢君別，今日花開又一年。世事茫茫難自料，春愁黯黯獨成眠。身多疾病思田里，邑有流亡愧俸錢。聞道欲來相問訊，西樓望月幾時圓。五六不真心語。

皇甫冉

同溫丹徒登萬歲樓

晉王恭建

高樓獨上思依依。極浦遙山合翠微。江客不堪頻北望。塞鴻何事又南飛。丹陽古渡寒煙積。瓜步空洲遠樹稀。聞道王師猶轉戰。誰能談笑解重圍。

三月三日義興李明府後亭泛舟

江南煙景復如何。聞道新亭更可過。處處執蘭春浦綠。萋萋藉草遠山多。壺觴須就陶彭澤。風俗猶傳晉永和。更使輕橈徐轉去。微風落日水增波。執蘭卽鄭風秉簡也。二字見鄭箋。於上已爲典切。他本作藝蘭非。

春思

鶯啼燕語報新年。馬邑龍堆路幾千。家住層城鄰漢苑。心隨明月到胡天。機中錦字論長恨。樓上花枝笑獨眠。爲問元戎寶車騎。何時反旆勒燕然。盧家少婦之亞。惟笑獨眠。句工而近纖。或難與沈詩爭席耳。

送李錄事赴饒州

北人南去雪紛紛。鴈叫汀洲不可聞。積水長天隨遠客。荒城極浦足寒雲。山從建業千峯出。江至潯陽九派分。借問督郵纔弱冠。府中年少不如君。府佐卽指錄事。

皇甫曾

早朝日寄所知

長安雪後見歸鴻。紫禁朝天拜舞同。曙色漸分雙闕下。漏聲遙在百花中。爐煙乍起開仙仗。玉珮成行引上公。共荷發生同雨露。望其出而仕也。不願聯不讓。賈王諸公。不應黃葉久從風。

秋夕寄懷契上人

已見槿花朝委露。獨悲孤鶴在人羣。真仙出世心無事。靜夜名香手自焚。窗臨絕澗聞流水。客至孤峯掃白雲。更想清晨誦經處。獨看松上雪紛紛。結爲後人開。便易一路。

李嘉祐

暮春宜陽郡齋愁坐忽枉劉七侍御詩因與酬答

子規夜夜啼楸葉。遠道逢春半是愁。芳草伴人還易老。落花隨水亦東流。山當睥睨城常多雨。地接瀟湘畏及秋。惟羨君爲周柱史。手持黃紙到滄洲。

自蘇臺至望亭驛人家盡空春物增思悵然有作因寄從弟紆

南浦菰蒲覆白蘋。東吳黎庶逐黃巾。野棠自發空流水。江燕初歸不見人。遠樹依依如送客。平田漠漠獨傷春。那堪回首長洲苑。烽火年年報虜塵。宋元嘉時春燕歸來集於林木。因亂後也。四語用其意。

郎士元

贈錢起秋夜宿靈臺寺見寄

石林精舍武溪東。夜扣禪扉謁遠公。月在上方諸品靜。僧持半偈萬緣空。蒼苔古道行應徧。落木寒泉聽不窮。更憶雙峯最高頂。此心期與故人同。前六語皆指仲文未更願同遊最高之頂故人君冑自謂也。

韓翃

同題仙遊觀

仙臺初見五城樓。風物淒淒宿雨收。山色遙連秦樹晚。砧聲近報漢宮秋。疎松影落空壇靜。細草春香小洞幽。何用別尋方外去。人間亦自有丹丘。

送劉評事赴廣州使幕

征南官屬似君稀。才子當今劉孝威。蠻府參軍郝隆語趨傳舍。交州刺史拜行衣。前臨瘴海無人過。卻望衡陽少鴈飛。爲報蒼梧雲影道。明年早送客帆歸。

送冷朝陽還上元

青絲纜引木蘭舡。名遂身歸拜慶年。落日澄江烏榜外。秋風疎柳白門前。橋通小市家林近。山帶平蕪野寺連。別後剛逢寒食節。共誰攜手上東田。東田在上元沈休文別業。

送王光輔歸青州兼寄儲侍御

幾回奏事建章宮。聖主偏知漢將功。身著紫衣趨闕下。口銜丹詔出關東。蟬聲驛路秋山裏。草色河橋落照中。遠憶故人滄海別。當年好躍五花驄。

秦

字公緒。會稽人。不求仕進。隱南安之九目山。張建封以不可招致。請就加校書郎。貞元中卒。○劉長卿自謂五言長城。系欲以偏師攻之。然詩格近幽澹。未之許也。

題茅山李尊師山居

尊師百歲少如童。不到山中竟不逢。洗藥每臨新瀑水。步虛時上最高峯。籬間五月留殘雪。石上千年破怪松。此去人寰今遠近。回看雲壑一重重。

盧綸

長安春望

東風吹雨過青山。望卻千門草色閒。家在夢中何日到。春來江上幾人還。川原繚繞浮雲外。宮闕參差落照間。誰念爲儒逢世難。遭亂意上皆蘊。至末點出。獨將衰鬢客秦關。夷猶綽約風致天成。○詩貴一語百媚。大歷

至德途中書事卻寄李憫

亂離無處不傷情。况復看碑對古城。路遠寒山人獨去。月臨秋水雁空驚。顏衰重喜歸鄉國。上一詩望鄉不還。此時始還。身賤多慚問姓名。今日主人還共醉。應憐世故一儒生。

夜投豐德寺謁液上人

唐詩別裁 三 七言律詩

一百二十九

半夜中峯有磬聲。偶逢樵者問山名。上方月曉聞僧語。下界林疎見客行。野鶴巢邊松最老。毒龍潛處水偏清。願得遠公知姓字。焚香洗鉢過浮生。

晚次鄂州

雲開遠見漢陽城。猶是孤帆一日程。估客晝眠知浪靜。舟人夜語覺潮生。三湘愁鬢逢秋色。萬里歸心對月明。舊業已隨征戰盡。更堪江上鼓鼙聲。說三四語如身在江舟間矣。詩不貴景象耶。

酬暢當尋嵩岳麻道士見寄

聞逐樵夫閑看棋。忽逢人世是秦時。開雲種玉嫌山淺。渡海傳書怪鶴遲。陰洞石幢微有字。古壇松樹半無枝。煩君遠寄青囊錄。願得相從一問師。

寶叔向

夏夜宿表兄話舊

夜合花開香滿庭。夜深微雨醉初醒。遠書珍重何曾達。舊事淒涼不可聽。去日兒童皆長大。昔年親友半凋零。明朝又是孤舟別。愁見河橋酒幔青。

寶

字中行。叔向長子。大歷中進士官至國子祭酒。

之任武陵寒食日途次松滋渡先寄劉員外禹錫

杏花榆莢曉風前。雲際離離上峽船。江轉數程淹驛騎。楚曾三戶少人煙。看春又過清明節。算老重經癸巳年。幸得桂山當郡舍。在朝長咏卜居篇。

朱 灣

尋隱者韋九於東溪草堂

尋得仙源訪隱淪。漸來深處漸無塵。初行竹裏唯通馬。直到花間始見人。四面雲山誰作主。數家煙火自爲鄰。路傍樵客何須問。朝市如今不是秦。

戴叔倫

宮詞

紫禁迢迢宮漏鳴。夜深無語獨含情。春風鸞鏡愁中影。明月羊車夢裏聲。塵暗玉階綦跡斷。香飄金屋篆煙清。貞心一任蛾眉妬。買賦何須問馬卿。宮詞不多作怨聲能存真正。

司空曙

長安曉望寄程補闕

迢遞山河擁帝京。參差宮殿接雲平。風吹曉漏經長樂。柳帶晴煙出禁城。天淨笙歌臨路發。日高車馬隔塵行。獨有淺才甘未達。多慚名在魯諸生。極形山河宮闕之壯麗。而已之虛名不遇益覺可傷。

唐詩別裁 三 七言律詩

一百三十一

酬李端校書見贈

綠槐垂穗乳烏飛。忽憶山中獨未歸。青鏡流年看髮變。白雲芳草與心違。乍逢酒客春遊慣。久別林僧夜坐稀。昨日聞君到城闕。莫將簪弁勝荷衣。四語言已繫於一官不能遂白雲芳草之心未勉其堅守初服勿繫情於簪弁也與前一首似兩種心事意既得官後知宦途之無味耶。

酬張芬赦後見贈

紫鳳朝啣五色書。陽春忽報網羅除。已將心變寒灰後。豈料光生腐草餘。建水風烟收客淚。杜陵花竹夢郊居。勞君故有詩相贈。欲報瓊瑤恨不如。

李端

宿淮浦憶司空文明卽曙

愁心一倍長離憂。夜思千重戀舊遊。秦地故人成遠夢。文楚天涼雨在孤舟。自諸溪近海潮皆應。獨樹邊淮葉盡流。別恨轉深何處寫。前程惟有一登樓。如仲宣作登樓賦

閒園卽事贈考功王員外

南陌晴雲稍變霞。東風動柳水紋斜。園林帶雪潛生草。桃李雖春未有花。幸接上賓登鄭驛。羞爲長女似黃家。今朝一望還成暮。欲別芳菲戀歲華。

張南史字季真
幽州人

陸勝宅秋雨中探韻

同人永日自相將。深竹閒園偶辟疆。已被秋風教憶繪。更聞寒雨勸飛觴。歸心莫問三江水。旅服從沾九月霜。醉裏欲尋騎馬路。蕭條是處有垂楊。言歸心乍動。然聞雨中飛觴。則仍且淹留矣。下承上作轉語。

劉方平

秋夜呈皇甫冉鄭豐

洛陽秋夜白雲歸。城裏長河列宿稀。秋後見飛千里鴈。月中聞搗萬家衣。工而秀長辭西雍青門道。久別東吳黃鶴磯。借問客書何所寄。用心不啻兩鄉違。西雍東吳時在洛陽。故云已辭西雍又別東吳也。

耿 漳

上裴行軍中丞卽晉公度

胡塵已滅天山外。閉閣陰陰日復曛。櫪上驂騮嘶鼓角。門前老將識風雲。旌旗四面高秋見。絲竹千家靜夜聞。莫道古來多計策。功成唯有李將軍。

李 益

送賈校書東歸寄振上人

唐詩別裁 三 七言律詩

北風吹鴈數聲悲。况指前林是別時。秋草不堪頻送遠。白雲何處更相期。山隨匹馬行看暮。路入寒城去獨遲。爲向東州故人道。江淹已擬惠休詩。

鹽州過胡兒飲馬泉

綠楊著水草如煙。舊是胡兒飲馬泉。幾處吹笳明月夜。何人倚劍白雲天。從來凍合關山路。今日分流漢使前。莫遣行人照容鬢。恐驚憔悴入新年。

鮑溶 字德源。里居未詳。元和中進士。與韓門諸人相友善。

蔡平喜遇河陽馬判官寬話別

從事東軍正四年。相逢且喜偃兵前。看尋狡兔翻三窟。見射妖星落九天。江上柳營迴鼓角。河陽花府望神仙。遇馬判官。秋風蕭颯醉中別。白馬嘶霜雁叫煙。

武元衡 字伯蒼。緱氏人。大歷中進士。憲宗時。拜同中書門下平章事。復出爲劍南節度使。召還乘書。政淮西用兵。王承宗上表請赦。吳元濟。元衡叱之。承宗上章詆誣。未幾。元衡入朝。爲盜所害。

送張六諫議歸朝

詔書前日下丹霄。頭戴儒冠脫皂貂。笛怨柳營煙漠漠。雲愁江館雨蕭蕭。鴛鴻得路爭先翥。松柏凌寒獨後凋。規之以正。歸去朝端如有問。玉門關外老班超。

酬嚴司空荆南見寄

金貂再入三公府。玉帳連封萬戶侯。簾捲青山巫峽曉。煙開碧樹洛宮秋。劉琨坐嘯風清塞。謝朓題詩月滿樓。白雪調高歌不得。美人南望翠蛾愁。

楊巨源

贈張將軍

關西諸將揖容光。獨立營門劍有霜。知愛魯連歸海上。肯令王翦在頻陽。天晴紅幟當山滿。日暮清笳入塞長。年少功高人共羨。漢家壇樹月蒼蒼。神骨俱王。○言當時急於用人。必不令如王翦之在頻陽也。豈將軍有歸隱之志。故云爾耶。

和侯大夫秋原山觀征人回

兩河戰罷萬方清。原上軍回識舊營。立馬望雲秋塞靜。射鵬臨水晚天晴。戍閑部伍分歧路。地遠家鄉寄旆旌。聖代止戈資廟略。諸侯不復更長征。

送澹公歸嵩山龍潭寺葬本師

野煙秋水蒼茫遠。禪境眞機去住閒。雙樹爲家思舊壑。千花成塔禮寒山。洞宮曾向龍邊宿。雲徑應從鳥外還。莫戀本師金骨地。空門無處復無關。更上一層。

唐詩別裁

卷十五

七言律詩

韓愈

奉和庫部盧四兄曹長元日朝迴

天仗宵嚴建羽旄。春雲送色曉雞號。金爐香動螭頭暗。玉珮聲來雉尾高。戎服上趨承北極。儒冠列侍映東曹。太平時節身難遇。郎署何須歎二毛。

晉公破賊回重拜台司以詩示幕中賓客愈奉和

南伐旋師太華東。天書夜到册元功。將軍舊壓三司貴。相國新兼五等崇。鷓鴣欲歸仙仗裏。熊羆還入禁營中。長慚典午非材職。司馬隱語。公自謂。得就閒官卽至公。

左遷至藍關示姪孫湘湘字清夫。

一封朝奏九重天。夕貶潮陽路八千。欲爲聖明除弊事。肯將衰朽惜殘年。雲橫秦嶺家何在。雪擁藍關馬不前。知汝遠來應有意。好收吾骨瘴江邊。

酒中留上襄陽李相公即李逢吉憲宗罷逢吉政事出爲劍南節度使穆宗立移襄州刺史山南東道節度使

濁水汙泥清路塵。還曾同制掌絲綸。眼穿長訝雙魚斷。耳熱何辭數爵頻。銀燭未消窗送曙。金釵半醉座添春。知公不久歸鈞軸。應許閒官寄病身。公之嶽嶽而忽作此明麗之句如廣平之賦梅花不礙心似鐵也

柳宗元

登柳州城樓寄漳汀封連四州刺史韓泰漳州韓曄汀州陳謙封州劉禹錫連州

城上高樓接大荒。從登城起有百事交集之感海天愁思正茫茫。驚風亂颭芙蓉水。密雨斜侵薜荔牆。嶺樹重遮千里

目。江流曲似九迴腸。共來百粵文身地。猶自音書滯一鄉。驚風密雨言在此而意不在此。嶺南江行詩中射工颺母亦然。

別舍弟宗一

零落殘魂倍黯然。雙垂別淚越江邊。一身去國六千里。萬死投荒十二年。桂嶺瘴來雲似墨。留自己洞庭春盡水如天。弟之楚欲知此後相思夢。長在荆門郢樹煙。

嶺南江行

瘴江南去入雲煙。望盡黃茅是海邊。山腹雨晴添象跡。潭心日暖長蛟涎。射工巧伺遊人影。颺母偏驚旅客船。從此憂來非一事。豈容華髮待流年。中二聯俱寫風土之異不分淺深

得盧衡州書因以詩寄

臨蒸且莫歎炎方。爲報秋來鴈幾行。林邑東迴山似戟。牂牁南下水如湯。兼葭淅瀝含秋霧。橘柚玲瓏透夕陽。非是白蘋洲畔客。還將遠意問瀟湘。

柳州峒岷

郡城南下接通津。異服殊音不可親。青籜裹鹽歸峒客。綠荷包飯趁墟人。鵝毛禦臘縫山罽。雞骨占年拜水神。愁向公庭問重譯。欲投章甫作文身。

劉禹錫

大歷後詩。夢得高於文房。與白傅唱和。故稱劉白。夫劉以風格勝。白以近情勝。各自成家。不相肖也。

松滋渡望峽中

渡頭輕雨灑寒梅。雲際溶溶雪水來。望峽中。夢渚草長迷楚望。夷陵土黑有秦灰。巴人淚應猿聲落。正寫望峽。警拔。

蜀客船從鳥道迴。十二碧峯何處所。永安宮外是荒臺。左傳。江漢睢漳。楚之望也。

送源中丞充新羅冊立使

相門才子稱華簪。持節東行捧德音。身帶霜威辭鳳闕。中丞。口傳天語到雞林。新羅。煙開鼉背千尋碧。日浴鯨

波萬頃金。想見扶桑受恩處。一時西拜盡傾心。

西塞山懷古

王濬樓船下益州。起手如黃鶴高。舉見天地方員。金陵王氣黯然收。千尋鐵鎖沉江底。一片降幡出石頭。流走見地。利不足恃。人世

幾回傷往事。山形依舊枕寒流。從今四海為家日。別於三故壘蕭蕭蘆荻秋。時夢得與元微之章楚客白

成樂天覽之曰四人探驪龍子已獲珠餘皆鱗爪矣遂罷唱。

奉送浙西李僕射赴鎮

建節東行是舊遊。歡聲喜氣滿吳州。郡人重得黃丞相。童子爭迎郭細侯。郭侯字詔下初辭温室樹。夢中

先到景陽樓。言其不自憐不識平津閣。遙望旌旂汝水頭。應是重鎮浙西故云

早春對雪奉寄澧州元郎中

新賜魚書墨未乾。賢人暫屈遠人安。朝驅旌旆行時令。夜見星辰憶舊官。郎官上梅蕊覆階鈴閣暖。下對

雪花當戶戟枝寒。寧知楚客思公子。北望長吟澧有蘭。顯澧州作結

漢壽城春望古荆州刺史治亭下有子胥廟楚王故墳

漢壽城邊野草春。荒祠古墓對荆榛。田中牧豎燒芻狗。陌上行人看石麟。華表半空經霹靂。碑文纔見滿

埃塵。不知何日東瀛變。此地還成要路津。

荊州道懷古

南國山川舊帝畿。宋臺梁館尚依稀。馬嘶古道行人歇。麥秀空城野雉飛。風吹落葉填宮井。火入荒陵化寶衣。徒使詞臣庾開府。咸陽終日苦思歸。

始聞秋風

昔看黃菊與君別。今聽玄蟬我卻回。五夜颼颼枕前覺。一年形狀鏡中來。馬思邊草拳毛動。鵬眄青雲倦眼開。天地肅清堪四望。為君扶病上高臺。君字去知。所謂下牛首英氣。勃發少陵操管。不過如是。

感呂衡州時子方謫居溫

呂溫

一夜霜風凋玉芝。蒼生望絕士林悲。空懷濟世安人略。不見男婚女嫁時。遺草一函歸太史。孤墳三尺近要離。朔方徙歲行當滿。欲為君刊第二碑。先有峴山墮淚碑。

再授連州至衡陽酬柳柳州贈別

去國十年同赴召。渡湘千里又分歧。重臨事異黃丞相。再授。三黜名慚柳士師。歸目併隨回鴈盡。至衡陽而北望也。愁腸正遇斷猿時。桂江東過連山下。相望長吟有所思。與子厚同召。柳得柳州。劉得播州。子厚謂播州非人所居。願以柳易播。大臣為上言之。乃改授連州。

赴蘇州酬別樂天

吳郡魚書下紫宸。長安廐吏送朱輪。二南風化承遺愛。八詠聲名躡後塵。梁氏夫妻為寄客。陸家兄弟是州民。江城春日追隨處。共憶東歸舊主人。頸聯可云佳話。

酬樂天揚州初逢席上見贈

巴山楚水淒涼地。二十三年棄置身。懷舊空吟聞箏賦。到鄉翻似爛柯人。沉舟側畔千帆過。病樹前頭萬

木春今日聽君歌一曲。暫憑杯酒長精神。沉舟二語見人事不齊造化亦無如之何悟得此旨終身無不平之心矣。

刑部白侍郎謝病長告改賓客分司以詩贈別

鼎食華軒到眼前。拂衣高謝豈徒然。九霄路上辭朝客。四皓叢中作少年。他日臥龍終得雨。今朝放鶴且冲天。洛陽舊有衡茅在。亦擬抽身伴地仙。言已亦欲告歸。

白居易

香鑪峯下新卜山居草堂初成偶題東壁

五架三間新草堂。石階桂柱竹編牆。南檐納日冬天暖。北戶迎風夏月涼。灑砌飛泉常有點。拂窗斜竹不成行。來春更葺東廂屋。紙閣蘆簾著孟光。

贈楊祕書巨源自注楊嘗有贈人詩云三刀夢益州一箭取遼城由是得名。

早聞一箭取遼城。相識雖新有故情。清句三朝誰是敵。白鬚四海半爲兄。貧家薤草時時入。瘦馬尋花處處行。不用更教詩過好。折君官職是聲名。

聞楊十二新拜省郎遙以詩賀

文昌新入有光輝。紫界宮牆白粉闈。曉日雞人傳漏箭。春風侍女護朝衣。雪飄歌曲高難和。鶴拂煙霄老慣飛。官職聲名俱入手。近來詩客似君稀。前有折君官職是詩名。故川末二句以解之。

自河南經亂關內阻飢兄弟離散各在一方因望月有感聊書所懷寄上浮梁大兄於潛七兄
烏江十五兄兼示符籙及下邳弟妹

時難年荒世業空。弟兄羈旅各西東。田園寥落干戈後。骨肉流離道路中。弔影分爲千里鴈。辭根散作九秋蓬。共看明月應垂淚。一夜鄉心五處同。

和楊尙書罷相後暇遊永安水亭兼招本曹楊侍郎同行

道行無喜退無憂。舒卷如雲得自由。良冶動時爲哲匠。巨川濟了作虛舟。句得大體竹亭陰合偏宜夏。水檻風涼不待秋。遙愛翩翩雙紫鳳。入同官署出同遊。隨題順寫第四語尤工於立言

尋郭道士不遇

郡中乞假來相訪。洞裏朝元去不逢。看院祇留雙白鶴。入門惟見一青松。藥爐有火丹應伏。雲碓無人水自舂。欲問參同契中事。更期何日得從容。

欲與元八卜鄰先有是贈

平生心迹最相親。欲隱牆東不爲身。明月好同三徑夜。綠楊宜作兩家春。每因暫出猶思伴。豈得安居不擇鄰。何獨終身數相見。子孫長作隔牆人。兩家意語語夾寫一步深是一步

餘杭形勝

餘杭形勝四方無。州傍青山縣枕湖。遠郭荷花三十里。拂城松樹一千株。夢兒亭古傳名謝。教伎樓新道姓蘇。獨有使君年太老。風光不稱白髭鬚。靈隱山上有夢謝亭。即杜明甫夢謝靈運之所。因名客兒亭。蘇小小錢塘人也。

錢塘湖春行

孤山寺北賈亭西。水面初平雲脚低。幾處早鶯爭暖樹。誰家新燕啄春泥。苑。芳亂花漸欲迷人眼。淺草纔能沒馬蹄。最愛湖東行不足。綠楊陰裏白沙隄。今之白隄。即白沙隄。白公時已有之。非白公築也。虎邱白公隄。公爲刺史時所築。

西湖晚歸回望孤山寺贈諸客

柳湖松島蓮花寺。晚動歸橈出道場。盧橘子低山霧重。棕櫚葉戰水風涼。烟波淡蕩搖空碧。樓閣參差倚夕陽。孤山一路風景。即名畫家亦不能到。到岸請君回首望。蓬萊宮也。比在海中央。白傅刺杭時。往來湖上。譙飲賦詩。藝林知有。瀛量也。烏得以詩入概之。

西湖留別

征途行色慘風烟。祖帳離聲咽管絃。翠黛不須留五馬。皇恩只許住三年。綠藤陰下鋪歌席。紅藕花中泊妓船。處處回頭盡堪戀。就中難別是湖邊。

武邱寺路宴留別諸妓

銀泥裙映錦障泥。畫舸停橈馬簇蹄。清管曲終鸚鵡語。紅旗影動駮鶻嘶。音薄。韓漸消醉色朱顏淺。欲語

離情翠黛低。莫忘使君吟詠處。女墳湖北武邱西。

送蕭處士遊黔南

能文好飲老蕭郎。身似浮雲鬢似霜。生計拋來詩是業。家園忘卻酒爲鄉。江從巴峽初成字。猿過巫陽始斷腸。不醉黔中爭去得。磨圍山月正蒼蒼。

送王十八歸山寄題仙遊寺

曾於太白峯前住。數到仙遊寺裏來。黑水澄時潭底出。白雲破處洞門開。林間暖酒燒紅葉。石上題詩掃綠苔。惆悵舊遊無復到。菊花時節羨君迴。

八月十五夜禁中獨直對月憶元九

銀臺金闕夕沉沉。獨宿相思在翰林。三五夜中新月色。中二千里外故人心。元憶洛宮東面煙波冷。浴殿西頭鐘漏深。猶恐清光不同見。江陵卑濕足秋陰。

酬贈李鍊師見招

幾年司諫直承明。今日求真禮上清。曾犯龍鱗容不死。欲騎鶴背覓長生。二語合劉綱有婦仙同得。伯道無兒累更輕。若許移家相近住。便驅雞犬上層城。

寄殷協律

自注多敘江南舊遊

五歲優遊同過日。一朝消散似浮雲。琴詩酒伴皆拋我。雪月花時最憶君。幾度聽雞歌白日。亦曾騎馬詠紅裙。吳娘暮雨蕭蕭曲。自別蘇州更不聞。自注予在杭州日有歌云聽唱黃雞與白日又云著紅騎馬是

涼覺淒

九年十一月二十一日感事而作其日獨遊香山寺

禍福茫茫不可期。大都早退似先知。當君白首同歸日。是我青山獨往時。白首同所歸潘岳與石崇臨刑時語顧索素琴應
不暇憶牽黃犬定難追。麒麟作脯龍爲醢。何似泥中曳尾龜。東坡志林云樂天爲王涯所譏謫江州司馬歸二句不知者以爲幸之也樂天豈幸人之禍者哉蓋悲之也汪立名曰太和九年甘露事李訓鄭注舒元與王涯賈餗皆被害味詩中同歸句本就事而言不專指王涯也公自池州召還秩位漸崇見機引退宦官之禍早計及者何至追憶王涯况公之遷謫本由宦官惡之附宦官者成之豈反以宦官誅夷士大夫爲快幸禍之說出於章惇蓋以小人 mindset 君子腹耳

元稹

贈嚴童子自注嚴司空孫十歲能詩有奇句詩題有成人風

衛瓘諸孫衛玠珍。可憐雛鳳好青春。解拈玉葉排新句。認得金環識舊身。用羊祜事十歲佩觿嬌穉子。八行飛札老成人。楊公莫訝清無業。家有驪珠不復貧。

以州宅夸於樂天

州城迴繞拂雲堆。鏡水稽山滿眼來。四面常時對屏障。一家終日在樓臺。星河似向簷前落。鼓角驚從地

底迴。我是玉皇香案吏。謫居猶得住蓬萊。

州宅卽越王臺。在臥龍山上。人民城郭。俱在其下。故有鼓角驚從地底迴句。

重夸州宅旦慕景色兼酬前篇末句

仙都難畫亦難書。暫合登臨不合居。繞郭烟嵐新雨後。滿山樓閣上燈初。人聲曉動千門闢。湖色宵涵萬象虛。爲問西州羅刹岸。濤頭衝突近何如。

浙江亦名羅刹江。末二語。樂天也。樂天有解嘲詩。

寄樂天

榮辱升沉影與身。世情誰是舊雷陳。惟應鮑叔猶憐我。自保曾參不殺人。山入白樓沙苑暮。潮生滄海野塘春。老逢佳景惟惆悵。兩地各傷何限神。

此微之傷心之言。

遣悲懷

三首存一。

謝公最小偏憐女。自嫁黔婁百事乖。顧我無衣搜草篋。泥他沽酒拔金釵。野蔬充膳甘長藿。落葉添薪仰古槐。今日俸錢過十萬。見唐代俸之厚。與君營奠復營齋。

和樂天早春見寄

雨香雲澹覺微和。誰送春聲入櫂歌。萱近北堂穿土早。柳偏東面受風多。新句。湖添水色消殘雪。江送潮頭涌漫波。同愛新年不同賞。無由縮地欲如何。

李德裕

嶺南道中

嶺水爭分路轉迷。枕椰椰葉暗蠻溪。愁衝毒霧逢蛇草。畏落沙蟲避燕泥。五月畚田收火米。三更津吏報潮雞。不堪腸斷思鄉處。紅槿花中越鳥啼。時為白敏中輩排擠。貶潮州司馬。又貶崖州司戶。故三四語雙關。猶柳州詩之射工颺母也。

張籍

寄蘇州白二十二使君

三朝出入紫微臣。頭白金章未老身。登第早年同座主。流官今日是州民。閭門柳色烟中遠。茂苑鶯聲雨後新。此處吟詩向山寺。知君忘却曲江春。有不滿意。

送李僕射赴鎮鳳翔

由來勳業屬英雄。兄弟連營列位同。先入賊城擒首惡。盡封官庫讓元功。雪夜擒吳元濟。讓功于裴度。旌幢獨繼家聲外。竹帛新添國史中。天子欲收秦隴地。故教移鎮右扶風。

賈島

寄韓潮州愈

此心曾與木蘭舟。起直到天南潮水頭。隔嶺篇章來華岳。言韓之來書出關書信過瀧流。言己之寄篇峯懸驛路殘雲斷。海浸城根老樹秋。一夕瘴煙風捲盡。月明初上浪西樓。

牛僧孺字思黯。隴西人。貞元中進士。歷相穆敬兩朝。封奇章郡公。後出鎮鄂渚。文宗朝徵入再相。夙與李贊皇相惡。會昌中分司東都。貶循州長史。大中初還為太子少師。

席上贈劉夢得

粉署為郎四十春。今來名輩更無人。休論世上昇沉事。且鬪樽前見在身。珠玉會應成咳唾。山川猶覺露精神。莫嫌特酒輕言語。曾把文章謁後塵。僧孺赴舉時嘗投贊於劉。劉對客展卷塗竄其文。歷二十年。劉轉汝州。牛鎮淮南。枉道信宿酒酣賦詩。劉方悟往年塗竄事。

朱慶餘本名可久。以字行。越州人。受知於張籍。成寶歷進士官未達。

南湖一作溫庭詩

湖上微風小。檻涼飈翻菱荇滿。迴塘野船著岸。偃春草。水鳥帶波飛。夕陽蘆葉有聲疑。露雨浪花無際似。瀟湘飄然蓬艇東。歸客盡日相看憶楚鄉。

王建

贈王樞密

三朝行坐鎮相隨。今上春宮見長時。脫下御衣偏得著。進來龍馬每教騎。長承密旨歸家少。獨奏邊機出殿遲。不是當家頻見說。九重爭得外人知。建與宦官王守澄善。酒中語及漢桓靈任中官之禍。守澄憾之。欲以建所作宮詞百首上聞。曰禁掖事汝何敢言。建賦此詩以

贈乃脫其禍。

杜

牧字牧之。京兆萬年人。太和二年進士。又舉賢良方正。歷任中外官。終考功郎中。知制誥中書舍人。有樊川集二十卷。○晚唐詩多柔靡。牧之以拗峭矯之。人謂之小杜。以別於少陵。

配以義山時
亦稱李杜

寄題甘露寺北軒

曾上蓬萊宮裏行。北軒闌檻最留情。孤高堪弄桓伊笛。縹緲宜聞子晉笙。天接海門秋水色。煙籠隋苑暮鐘聲。他年會著荷衣去。不向山僧道姓名。

題青雲館在商於

虬蟠千仞劇羊腸。天府由來百二強。四皓有芝輕漢祖。張儀無地與懷王。雲連帳影蘿陰合。枕遶泉聲客夢涼。深處會容高尚者。水苗三頃百株桑。

酬張祜處士見寄長句四韻

七子論詩誰似公。曹劉須在指揮中。薦衡昔日知文舉。乞火無人作蒯通。北極樓臺長入夢。西江波浪遠吞空。可憐故國三千里。虛唱歌詞滿六宮。乞火用蒯通說曹參詣東郭先生梁右君事見漢書蒯通傳謂薦賢也時令狐楚以張祜詩三百篇隨狀表進祜至京上問元

稱積日雕蟲小技獎激之恐變陛下
風教祜乃罷歸三四語正指其事

街西坊隋三禮圖長安領街西五十四

碧池新漲浴嬌鴉。分鏤長安富貴家。遊騎偶同人鬪酒。名園相倚杏交花。銀鞍騷裏嘶宛馬。繡鞅瓊瓏走鈿車。一曲將軍何處笛。連雲芳樹日初斜。名園句比綠楊宜
作兩家春尤妙

懷鍾陵舊遊

滕閣中春綺席開。柘枝蠻鼓殷晴雷。垂樓萬幕青雲合。破浪千帆陣馬來。未掘雙龍牛斗氣。高懸一榻棟梁材。連巴控越知何有。珠翠沉檀處處堆。

九日齊山登高

江涵秋影鴈初飛。與客攜壺上翠微。塵世難逢開口笑。菊花須插滿頭歸。但將酩酊酬佳節。不用登臨恨落暉。古往今來只如此。牛山何必獨霑衣。末二句影切齊山。非泛然下筆。

早鴈

金河秋半虜弦開。雲外驚飛四散哀。仙掌月明孤影過。長門燈暗數聲來。須知胡騎紛紛在。豈逐春風一迴。莫怨瀟湘少人處。水多菰米岸莓苔。

李商隱

義山近體。辭績重。長於諷諭。中有頓挫沉著。可據武少陵者。故應為一大宗。後人以溫李並稱。只取其穠麗相似。其實風骨各殊也。

馬嵬

在西安府興平縣西。

海外徒聞更九州。他生未卜此生休。用長恨傳中事。空聞虎旅傳宵柝。無復雞人報曉籌。此日六軍同駐馬。當時七夕笑牽牛。如何四紀為天子。不及盧家有莫愁。五六語逆視法。若順說便平。○末言四紀天子不及民間夫婦。蓋譏之也。

重過聖女祠

水經注。武都秦岡山懸崖之側。列壁之上。有婦人像。上赤下白。世名之曰聖女神。

白石巖扉碧蘚滋。上清淪謫得歸遲。一春夢雨常飄瓦。盡日靈風不滿旗。萼綠華來無定所。杜蘭香去未移時。玉郎會此通仙籍。憶向天階問紫芝。聖女以形似得名。非果有其神。故有萼綠華杜蘭香比之。

隋宮

紫泉宮殿鎖煙霞。唐祖諱淵。故曰泉。欲取蕪城作帝家。玉璽不緣歸日角。漢祖隆準日角。此借言唐帝。錦帆應是到天涯。於今

腐草無螢火。終古垂楊有暮鴉。地下若逢陳后主。豈宜重問後庭花。言天命若不歸唐。遊幸豈止江都而己。用筆靈活。後人只鋪敘故實。所以

板滯也。未言亡國之禍。甚於后主。他時魂魄相遇。豈應重以後庭花為問乎。

杜工部蜀中離席

人生何處不離羣。世路干戈惜暫分。雪嶺未歸天外使。松州猶駐殿前軍。座中醉客延醒客。江上晴雲雜雨雲。美酒成都堪送老。當爐仍是卓文君。

二月二日

二月二日江上行。東風日暖聞吹笙。花鬚柳眼各無賴。紫蝶黃蜂俱有情。萬里憶歸元亮井。三年從事亞夫營。新春莫訝遊人意。更作風櫛夜雨聲。

南朝

元武湖中玉漏催。宋元嘉時開。雞鳴埭口繡襦迴。齊武帝幸湖北埭。誰言瓊樹朝朝見。後主新製曲。不及金蓮步步來。齊潘妃事。

敵國軍營漂木梯。隋文帝前朝神廟鎖煙煤。火焚大滿宮學士皆顏色。士女學江令當年只費才。江總與諸

幸無明無夜也三四誰言後主不及求昏見盛於東昏也五六見不防敵患不畏天災欲國之亡其

乎可得

籌筆驛

猿鳥猶疑畏簡書。風雲常為護儲胥。徒令上將揮神筆。終見降王走傳車。管樂有才真不忝。關張無命復

何如。對活他年錦里經祠廟。梁父吟成恨有餘。綿州綿谷縣北武侯嘗駐軍籌畫於此

九成宮

本隋仁壽宮去京三百里唐貞觀中修之以避暑

十二層城闔苑西。平時避暑拂虹霓。別其高雲隨夏后雙龍尾。后啓事見山海經風逐周王八馬蹄。吳岳曉光連翠

巘。甘泉晚景上丹梯。荔枝盧橘沾恩幸。鸞鵲天書溼紫泥。

重有感

感甘露之變也前有長律一首故云重

玉帳牙旗得上遊。安危須共主君憂。竇融表已來關右。陶侃軍宜次石頭。豈有蛟龍愁失水。更無鷹隼擊

高秋。晝號夜哭兼幽顯。早晚星關雪涕收。如申包胥秦廷之哭李訓事變宦官族誅大臣時王茂元為涇

問王涯等何罪仇士良懼故云竇融表已來關右也茂元在涇原宜出兵相助故云陶侃軍宜次石頭也至尊制於中人是猶蛟龍失水節度不能仗義誰為鷹隼當秋晝號夜哭神人共憤仍有望於擁兵

上遊者耳茂元義山妻父以

犬義責之見作者之持正

茂陵

漢家天馬出蒲梢。勤首宿榴花遍近郊。內苑只知含鳳觜。射屬車無復插雞翹。微玉桃偷得憐方朔。求金

屋修成貯阿嬌。重誰料蘇卿老歸國。茂陵松柏雨蕭蕭。

贈前尉州契苾使君。契苾何力係外酋來歸為唐初功臣使君其後也。

何年部落到陰陵。三世勤王國史稱。夜卷牙旗千帳雪。朝飛羽騎一河冰。蕃兒襁負來青塚。使君招來者。狄女

壺漿出白登。日晚鷓鴣泉畔獵。路人遙識郅都鷹。

隨師東。此借隨東征之役以諷時事。○隋古本作隨文帝去悉作隋。

東征日調萬黃金。幾竭中原買鬪心。軍令未聞誅馬謖。捷書惟是報孫歆。但須鸞鷲巢阿閣。平吳之役言已得歆頭吳

平歆尙在。豈假鷓鴣在泮林。可惜前朝玄菟郡。積骸成莽陣雲深。三語言軍令不行四語言虛聲邀賞五六言人主修德則賢士滿朝不必藉遠人之服也

曲江。此借元宗時曲江以諷文宗時事。○鄭注言秦中有災宜興土工。壓之乃浚昆明池與曲江十一月以甘露變而止故以曲江為題。

望斷平時翠輦過。空聞子夜鬼悲歌。金輿不返傾城色。玉殿猶分下苑波。死憶華亭聞唳鶴。老憂王室泣

銅駝。謂鄭注王涯諸人望雪冤古人。天荒地變心雖折。若比傷春意未多。

哭劉蕡

上帝深宮閉九閭。巫咸不下問銜冤。上帝不遣巫咸問冤言既阨於人并冤於天也。廣陵別後春濤隔。滙浦書來秋雨翻。只有安

仁能作誅。何曾宋玉解招魂。平生風義兼師友。不敢同君哭寢門。孔子曰。師哭諸寢門之外。

定安城樓爲令狐氏所撰而作。

迢遞高城百尺樓。綠楊枝外盡汀洲。賈生年少虛垂涕。王粲春來更遠遊。永憶江湖歸白髮。欲迴天地入扁舟。何減。少陵。不知腐鼠成滋味。猜意鷓鴣竟未休。言已長憶江湖以終老。但志欲挽回天地。乃入扁舟耳。時人不知己志。以鷓鴣嗜腐鼠而疑鷓鴣。不亦重可歎乎。

井絡

井絡天彭一掌中。漫誇天設劍爲峰。八陣圖。東聚夔江石。東川。邊柝西懸雪嶺松。西川。堪歎故君成杜宇。可能先主是真龍。將來爲報奸雄輩。莫向金牛名。縣訪舊蹤。言世守及帝胄且不能成功。况奸雄割據乎。如劉闢輩是也。

少年

外戚平羌第一功。生平二十有重封。宜登宣室螭頭上。橫過甘泉豹尾中。別館覺來雲雨夢。後門歸去蕙蘭叢。灞陵夜獵隨田寶。不識寒郊自轉蓬。驕恣色荒兼而有之。此詩應有所指。

王十二兄與畏之員外相訪見招小飲時予以悼亡日近不去因寄王十二茂元之子。畏之義山傑壻也。

謝傅門庭舊末行。今朝歌管屬檀郎。更無人處簾垂地。欲拂塵時簟竟牀。潘岳悼亡詩。嵇氏幼男猶可憫。長簾竟未空。嵇氏幼男猶可憫。左家嬌女豈能忘。秋霖腹疾俱難遣。萬里西風夜漸長。

淚

永巷長年怨綺羅。離情終日思風波。湘江竹上痕無限。二峴首碑前灑幾多。羊公墮人去紫臺秋人塞。明
 兵殘楚帳夜聞歌。項籍朝來灞水橋邊問。未抵青袍送玉珂。以古人之淚。形送別之淚。主意轉在一結。

宋玉

何事荆臺百萬家。惟教宋玉擅才華。楚辭已不饒唐勒。襄王命玉與唐勒。爲大言賦。玉賦善。風賦何曾讓景差。文選見落日

渚宮供觀閣。開年雲夢送煙花。可憐庾信尋荒徑。猶得三朝託後車。庾信亂後居宋玉故宅。梁魏周信皆經歷。

溫庭筠語云。情生於文。文生於情。情不足而文多。晚唐詩所以病也。得此意以去取。溫詩則真詩出矣。

馬嵬驛

穆滿曾爲物外遊。惜穆王。比元宗。六龍經此暫淹留。返魂無驗青煙滅。埋血空成碧草愁。香輦卻歸長樂殿。曉鐘

還下景陽樓。甘泉不得重相見。誰道文成是故侯。通體俱屬借言詠。古詩另開一體。

經李徵君故居

露濃烟重草萋萋。樹映闌干柳拂隄。一院落花無客醉。五更殘月有鶯啼。芳筵想像情難盡。故榭荒涼路已迷。風景宛然人自改。卻經門巷馬頻嘶。

過陳琳墓墓在下邳

曾於青史見遺文。今自飄蓬過此墳。詞客有靈應識我。補入自已憑弔。霸才無主始憐君。石麟埋沒藏春草。銅雀

荒涼對暮雲。莫恠臨風倍惆悵。欲將書劍學從軍。魏武亦難保其荒墓矣。對活已與陳琳踪跡相似。言袁紹非霸才。不堪爲主也。有傷其生不逢時意。

蘇武廟

蘇武魂銷漢使前。古祠高樹兩茫然。雲邊鴈斷胡天月。隴上羊歸塞草煙。回日樓臺非甲帳。去時冠劍是丁年。茂陵不見封侯印。空向秋波哭逝川。漢武故事。以琉璃珠玉。明月夜光。錯雜天下珍寶爲甲帳。其次爲乙帳。甲以居神。乙以自居。五六與此日六軍同駐馬。

一聯俱屬逆挽法。律詩得此。化板滯爲跳脫矣。

經五丈原在鳳翔府郿縣。武侯伐魏屯兵於此。

鐵馬雲雕共絕塵。柳營高壓漢宮春。天清殺氣屯關右。夜半妖星照渭濱。下國臥龍空寤主。中原得鹿不由人。出師二表是也。象牀寶帳無言語。從此譙周是老臣。諳之比於痛罵。

贈蜀將

十年分散劍關秋。萬事皆隨錦水流。心氣已曾明漢節。功名猶自滯吳鉤。鵬邊認箭寒雲重。馬上聽笳塞草愁。今日逢君倍惆悵。灌嬰韓信盡封侯。惜其立功而不侯。同於李廣。李蔡下中人。且侯。况灌嬰韓信乎。

池塘七夕

月出西南露氣秋。綺寮河漢在城樓。楊家繡作鴛鴦幔。張氏金爲翡翠鉤。銀燭有光妨宿燕。畫屏無睡待牽牛。萬家砧杵三篙水。一夕橫塘是舊遊。

和友溪居別業

積潤初銷碧草新。鳳陽晴日帶雕輪。風飄弱柳平橋晚。雪點寒梅小苑春。屏上樓臺陳後主。鏡中金翠李夫人。形別業之勝。非實寫也。花房透露紅珠落。峽蝶雙飛護粉塵。

春日偶作

西園一曲豔陽歌。擾擾車塵負薜蘿。自欲放懷猶未得。不知經世竟如何。夜聞猛雨判花盡。寒戀重衾覺夢多。釣渚別來應更好。春風還爲起微波。諸本作判花盡。判分也。無平音。應是拚字之譌。今改正。

贈知音

翠羽花冠碧樹雞。未明先向短牆啼。窗間謝女青蛾斂。門外蕭郎白馬嘶。殘曙微星當戶沒。澹烟斜月照樓低。上陽宮裏鐘初動。不語垂鞭過柳隄。頸照寫曉別之景。令人輒喚奈何。

卷十六

七言古詩

許渾

金陵懷古

玉樹歌殘王氣終。景陽兵合戍樓空。楸梧遠近千官塚。禾黍高低六代宮。石燕拂雲晴亦雨。江豚吹浪夜還風。英雄一去豪華盡。惟有青山似洛中。六朝建都金陵。至陳後主始滅。故以此發端。

咸陽城東樓

一上高樓萬里愁。兼葭楊柳似汀洲。咸陽何地。而如汀洲耶。溪雲初起日沉閣。山雨欲來風滿樓。鳥下綠蕪秦苑夕。蟬鳴黃葉漢宮秋。行人莫問當年事。故國東來渭水流。恐落甲古套語。少陵懷古詩。每章各有結束。

晨起白雲樓寄龍興江準上人兼呈竇秀才

茲樓今是望鄉臺。鄉信全稀曉雁哀。山翠萬重當檻出。水光千里抱城來。東巖月在僧初定。上南浦花殘客未回。秀欲弔靈均能賦否。秋風還有木蘭開。

朝臺送客

臺在廣州府城西。漢文帝遣六賈使南粵。以誠感之。趙佗稱臣。因築朝臺。

趙佗西拜已登壇。馬援南征土宇寬。越國舊無唐印綬。蠻鄉今有漢衣冠。江雲帶日秋偏熱。海雨隨風夏亦寒。嶺北歸人莫回首。俱著意。朝台送客。意只一點。蓼花楓葉萬重灘。

村舍

自剪青莎織雨衣。南村煙火是柴扉。萊妻早報蒸藜熟。童子遙迎種豆歸。魚下碧潭當鏡躍。鳥還青嶂拂屏飛。花時未免人來往。欲買嚴光舊釣磯。

向平多累自歸難。一日身閑一自安。山逕有雲收獵網。水門無月挂魚竿。花間酒氣春風遠。竹裏碁聲夜雨寒。三頃水田秋更熟。北窗誰拂舊塵冠。

臥病

寒窗燈盡月斜暉。珮馬朝天獨掩扉。清露已凋秦塞柳。白雲空長越山薇。病中送客難爲別。夢裏還家不當歸。惟有寄書書未得。臥聞燕鴈向南飛。意亦前人所有。而寫來獨新。

南海府罷南康阻淺行侶稍稍登陸主人燕餞至頻暮宿東溪

暗灘水落漲虛沙。阻淺灘去秦吳萬里賒。登陸馬上折殘江北柳。燕餞舟中開盡嶺南花。見留滯之久離歌不斷如留客。歸夢初驚似到家。暮山鳥一聲人未起。半牀春月在天涯。

晚自朝臺至韋隱居郊園

秋來鳧鴈下方塘。繫馬朝臺步夕陽。邨徑繞山松葉暗。柴門臨水稻花香。雲連海氣琴書潤。風帶潮聲枕簟涼。西下磻溪猶萬里。可能垂白待文王。

李遠

失鶴

秋風吹卻九臯禽。一片閒雲萬里心。碧海有情應悵望。青天無路可追尋。來時白雪翎猶短。去日丹砂頂

漸深華表柱頭留後語，更無消息到如今。

贈寫御容李長史

玉座烟銷研水清，龍鬚不動彩毫輕。初分隆準山河秀，再點重瞳日月明。宮女卷簾皆暗認，侍臣開殿盡遙驚。三朝供奉應無敵，始覺僧繇浪得名。東坡贈寫御容妙善師中云：仰觀眩晃日生暈，但見曉色開扶桑。又云：野人不識日月角，鬚髯尚記重瞳光。與此詩正相表裏。

後人揚蘇抑李殊不必也

雍

陶字國均，成都人。太和中進士，官至簡州刺史。嘗自比謝宣城。柳吳興、寶至，每不與接。人罕得見之。

塞路晴詩

晚虹斜日塞天昏，一半山川帶雨痕。新水亂侵青草路，殘烟猶傍綠楊邨。胡人羊馬休南牧，漢將旌旗在北門。行子喜聞無戰伐，開看遊騎獵秋原。

項斯

送宮人入道

願隨仙女輩，雙成王母前。頭作伴行，初戴玉冠多誤拜。欲辭金殿別稱名，將敲碧落新齋磬。卻進昭陽舊賜筵，且暮焚香繞壇上。步虛猶作按歌聲。此題唐人詩無佳者，此篇差勝。○本朝汪太史琬詩有云：顏逢鍊液重疑豔，身為持齋轉覺輕。雙關語妙。又云：此生無復昭陽

夢猶為君王夜祝釐，傳出忠愛過於前人矣。

薛逢

開元後樂

莫奏開元舊樂章。樂中歌曲斷人腸。邠王玉笛三更咽。虢國金車十里香。一自犬戎生薊北。便從征戰老汾陽。中原駿馬搜求盡。沙苑年來草又芳。

送靈州田尚書

陰風獵獵滿旌竿。白草颼颼劍戟攢。九姓羌渾隨漢節。六州蕃落從戎鞍。霜中入塞琯弓響。月下翻營玉帳寒。今日路旁誰不指。穰苴門戶慣登壇。猶有盛唐人氣息。

漢武宮詞

武帝清齋夜築壇。自斟明水醮仙官。殿前童女移香案。庭際金人捧露盤。絳節有時還入夢。碧桃何處更驂鸞。茂陵烟雨埋冠劍。石馬無聲蔓草寒。獨舉求仙一事言之。

長安夜雨

滯雨通宵又徹明。百憂如草雨中生。心關桂玉天難曉。蓮落風波夢亦驚。壓樹早鴉飛不散。到窗寒鼓濕無聲。當年志氣俱消盡。白髮新添四五莖。

趙嘏

長安月夜與友人話故山

宅邊秋水浸苔磯。日日持竿去不歸。楊柳風多潮未落。蒹葭霜冷雁初飛。重嘶匹馬吟紅葉。卻聽疎鐘憶翠微。今夜秦城滿樓月。故人相見一沾衣。

長安秋望

雲物淒清拂曙流。漢家宮闕動高秋。殘星幾點鴈橫塞。長笛一聲人倚樓。紫豔半開籬菊靜。紅衣落盡渚蓮愁。鱸魚正美不歸去。空戴南冠學楚囚。杜紫薇賞長笛句。人因稱趙倚樓。

司空圖

字表聖。河中虞鄉人。咸通末進士。官禮部郎中。僖宗行在。用為知制誥。中書舍人。知天下必亂。歸隱中條山。王官谷。預為生壙。坐臥其中。乾寧間。以戶兵二部侍郎召。不起。遷洛後。柳

退棲

聖希朱溫意詔圖入朝。陽墮笏。丐歸後。開哀宗。被弑。不食而卒。○表聖論詩。謂妙在酸鹹之外。○本朝王尚書正本此意。為唐賢三昧集。

宦遊蕭索為無能。移住中條最上層。得劍乍如添健僕。亡書久似憶良朋。燕昭不是空憐馬。支遁何妨亦愛鷹。自此致身繩檢外。肯教世路日兢兢。得劍一聯。當時藝林傳誦。

歸王官次年作

亂後燒殘滿架書。峯前猶自戀吾廬。忘機漸喜逢人少。攬鏡空憐待鶴疎。孤嶼池痕春漲滿。小欄花韻午晴初。佳景佳句。酣歌自適逃名久。不必門多長者車。

李羣玉

九子坂聞鷓鴣

落照蒼茫秋草明。鷓鴣啼處遠人行。正穿屈曲崎嶇路。九子坂又聽鈎轡格磔聲。鷓鴣曾泊桂江深岸雨。亦

於梅嶺阻歸程。此時爲爾腸千斷。乞放今宵白髮生。

黃陵廟

小姑洲北浦雲邊。二女明粧共儼然。野廟向江春寂寂。古碑無字草芊芊。東風近暮吹芳芷。落日深山哭杜鵑。猶似含顰望巡狩。九疑如黛隔湘川。舜葬九疑

送李裴評事

塞垣從事識兵機。只擬平戎不擬歸。入夜笳聲驚白髮。報秋榆葉落征衣。城臨戰壘黃雲晚。馬渡寒沙夕照微。此別不應書斷絕。滿天霜雪有鴻飛。

皮日休

館娃宮懷古

原注：在研石山。蓋以西施得名。

豔骨已成蘭麝土。宮牆依舊壓層崖。弩臺雨壞逢金鏃。香徑泥銷露玉釵。研沼只留谿鳥浴。屨廊空信野花埋。姑蘇麋鹿真閒事。須爲當時一愴懷。

劉滄字蘊靈，晉人，大中八年進士，官華陰令。

經煬帝行宮

此地曾經翠輦過，浮雲流水竟如何。香銷南國美人盡，怨入東風芳草多。煬帝後宮太多，終身不一見。殘有白經者三四，暗用此意。柳宮前空露葉，夕陽川上浩烟波。行人遙起廣陵思，古渡月明聞棹歌。懷古詩如咸陽鄴都長洲諸作，設色寫景，可以互相統易。詩品在許

用晦下，惟此首稍見典切，餘韻猶存。

崔珣字夢之，荊州人，大和中進士，為淇縣令，有惠政，遷官侍御。

和友人鴛鴦之什

翠鬢紅毛舞夕暉，水禽情似此禽稀。暫分煙島猶回首，只渡寒塘亦並飛。映霧盡迷珠殿瓦，逐梭齊上玉人機。採蓮無限蘭橈女，笑指中流羨爾歸。三四寫情，五六映襯，此次第法，不犯複也。以此詩得名稱，崔鴛鴦。

李頻

湘中送友人

中流欲暮見湘煙，岸葦無窮接楚天。去雁遠衝雲夢雪，離人獨上洞庭船。風波盡日依山轉，星漢通宵向水懸。零落梅花過殘臘，故園歸去又新年。猶近大歷十子。

李山甫字里未詳，咸通中數舉進士，被黜，依魏博幕府終。

公子家

唐代公子家之盛詩人往往言之如李義山之外戚平羌第一功七國三邊未到憂之類是也然郭令公宅未幾寥落馬北平宅爲奉誠園後人至爲乞丐矣此又不可概論

柳底花陰壓露塵。瑞烟輕罩一團春。鴛鴦占水能噴客。鸚鵡嫌籠解罵人。駿裏似龍隨日換。輕盈如燕逐年新。不知買盡長安笑。活得蒼生幾戶貧。

寒食

柳帶東風一向斜。春陰澹澹蔽人家。有時三點兩點雨。於不着力處見工到處十枝五枝花。萬井樓臺疑繡畫。九原珠翠似烟霞。不年年今日誰相問。獨臥長安泣歲華。

隋隄柳

會傍龍舟拂翠華。至今凝恨倚天涯。但經春色還秋色。不覺楊家是李家。背日古陰從北朽。逐波疎影向南斜。年年只有晴風便。遙爲雷塘送雪花。

李咸用

題王處士山居

雲木沉沉夏亦寒。此中幽隱幾經年。無多別業供王稅。太半生涯在釣船。蜀魄叫迴芳草色。鷺鷥飛破夕陽烟。干戈蟄起能高臥。眞個逍遙是謫仙。

方

干

字雄飛桐廬人爲人質野貌寢兔跌見人設三拜人呼爲方三拜不與科名見後宰臣張文蔚奏文人不第者十五人干與焉皆追賜及第門人私謔爲元英先生

自縉雲赴郡溪流百里輕棹一發曾不崇朝。敘事四韵寄獻段郎中。

激箭溪湍勢莫憑。飄然一葉若爲乘。仰瞻青壁開天罅。斗轉寒灣避石稜。形容峭壁與峽中相似。巢鳥夜驚離島樹。

啼猿晝怯下崑藤。此中明日尋知己。恐似龍門不易登。

旅次洋州寓居郝氏林亭

舉目縱然非我有。思量似在故山時。鶴盤遠勢投孤嶼。蟬曳殘聲過別枝。形與聲俱出。涼月照窗欹枕倦。澄泉

遶石泛觴遲。青雲未得平行去。夢到江南身旅羈。

來 鵬字未詳。豫章人。

宛陵送李明府罷任歸江州

菊花村晚雁來天。共把離杯向水邊。官滿便尋垂釣侶。家貧已用賣琴錢。浪生湓浦千層雪。雲起廬峯一

炷烟。倘見吾鄉舊知己。爲言憔悴過年年。

高 駢字千里。崇文之孫。折節爲文學。懿宗朝。歷官荆南節度觀察等使。廣明之亂。拜諸道兵馬都統。鎮揚州。懷二心。擁兵自固。好神仙。任呂用之諸人。政大亂。爲其將畢師鐸所殺。

和王昭符進士贈洞庭趙先生

爲愛君山景最靈。角冠秋禮一壇星。藥將雞犬雲間試。琴許魚龍月下聽。自要乘風隨羽客。誰同種玉驗

仙經。烟霞寂寞無人到。惟有漁翁過洞庭。

章 孝標子乾
符中進士

春別

擲下離觴指亂山。趨程不待鳳笙殘。花邊馬嚼金銜去。樓上人垂玉箸看。柳陌雖愁風嫋嫋。葱河猶自雪漫漫。殷勤莫厭貂裘重。恐犯三邊五月寒。結意
濃厚。

崔塗 字禮山。江南人。
光啓四年進士。

春夕旅懷

水流花謝兩無情。送盡東風過楚城。蝴蝶夢中家萬里。杜鵑枝上月三更。故園書動經年紀。華髮春催兩鬢生。自是不歸歸便得。五湖煙景有誰爭。

李郢 字楚望。大和中進士。爲藩鎮
從事。兼侍御史。後避亂嶺表。

江上逢羽林王將軍

虬鬚顛頰羽林郎。曾入甘泉侍武皇。鵬沒夜雲知御苑。承入馬隨仙仗識天香。五湖歸去孤舟月。六國平來兩鬢霜。承頰唯有桓伊江上笛。臥吹三弄送殘陽。未點江上途人。五湖句
比范蠡。六國句比王翦。

上裴晉公

四朝憂國鬢如絲。龍馬精神海鶴姿。天上玉書傳詔夜。陣前金甲受降時。曾經庾亮三秋月。下盡羊曇兩

路棋。惆悵。恨舊堂。局綠野。夕陽無限鳥飛遲。晉公後不得於君。故望其歸田。玩末二句可見。

江亭春霽

江籬漠漠荇田田。江上雲亭薺景鮮。蜀客帆檣背歸燕。楚山花木怨啼鵑。春風掩映千門柳。曉色淒涼萬井烟。金磬泠泠水南寺。上方僧室翠微連。

鄭谷

字若愚。袁州人。父與司空圖同官。幼年圖見而奇之。嘗撫其背曰。當為一代風騷主。光啓二年登第。歷都官郎中。詩名盛於時。人多傳諷號為鄭都官而弗名也。

漂泊

樅墜蓮疎池館清。日光風緒淡無情。鱸魚斫鱠輸張翰。橘樹呼奴羨李衡。十口飄零猶寄食。兩川消息未休兵。黃花催促重陽酒。何處登高望二京。

少華甘露寺

石門蘿逕與天鄰。兩檜風篁遠近聞。飲澗鹿喧雙派水。上樓僧踏一梯雲。名孤烟薄暮關城沒。遠色初晴渭曲分。長欲燃燈來此宿。北林猿鶴舊同羣。

鷓鴣

煖戲烟蕪錦翼齊。品流應得近山雞。雨昏青艸湖邊過。花落黃陵廟裏啼。遊子乍聞征袖濕。佳人纔唱翠眉低。相呼相喚湘江曲。苦竹叢深春日西。詠物詩。刻露不如神韻。三四語勝於鈎輪格。磔也。詩家稱鄭鷓鴣以此。

羅

隱字昭諫新登人本名橫十上不中第乃更名從事湖南歷淮潤皆不遇久之投錢鏐累官著佐郎奏授司勳郎時梁以錢鏐為吳之王隱說鏐詩梁曰來無成功猶可退保抗越奈何交臂事賊為終古之羞乎鏐始不隱不遇於唐必有怨心及聞其言雖不能用心甚義之

曲江春感

江頭日暖花又開江東行客心悠哉高陽酒徒半凋落終南山色空崔嵬聖代也知無棄物侯門未必用非才一船明月一竿竹家住五湖歸去來

憶九華故居

九華巉嵒廢柴扉長憶前時此息機黃菊倚風邨酒熟綠蒲低雨釣船歸江鄉景如續干戈已是三年別塵土邨堪萬事遶回首佳期恨多少夜闌霜露又沾衣

登夏州城樓

即今榆林郡地

寒城獵獵戍旗風獨倚危欄悵望中萬里山川唐土地千年魂魄晉英雄離心不忍聽邊馬往事應須問塞鴻好脫儒冠從校尉一枝長戟六鈞弓唐末昭諫詩猶稜稜有骨

緜谷迴寄蔡氏昆仲

一年兩度錦江遊前值東風後值秋芳艸有情皆礙馬好雲無處不遮樓山將別恨和心斷水帶離聲入夢流今日因君試回首澹煙喬木隔緜州

杏花

暖觸衣襟漠漠香。閒梅遮柳不勝芳。數枝艷拂文君酒。半里紅欹宋玉牆。盡日無人疑悵望。有時經雨乍淒涼。舊山山下還如此。迴首東風一斷腸。

牡丹

豔多煙重欲開難。紅燦當心一抹檀。公子醉歸燈下見。美人朝插鏡中看。當庭始覺春風貴。帶雨方知國色寒。日晚更將何所似。太真無力凭欄干。唐人牡丹詩每失之浮膩淺薄然如羅鄴之看到子孫能幾家又索然興盡矣獨存此篇尙近雅音

中元夜泊淮口

木葉迴飄水面平。偶停孤棹已三更。秋涼霧露侵燈下。夜盡魚龍逼岸行。欹枕正牽題柱思。隔樓誰轉遶梁聲。錦帆天子狂魂魄。應過揚州看月明。

崔峒

未詳

贈同官李明府

松堂寂寂對烟霞。五柳門前聚曉鴉。流水聲中視公事。寒山影裏見人家。觀風競美新爲政。計日還知舊觸邪。可惜陶潛無限酒。不逢籬菊正開花。

吳融

字子華越州山陰人龍紀初成進士韋昭度討蜀表掌書記昭宗反正羣臣稱賀融最先至於時左右驩三帝有指授疊十許稿融跪作詔語常意詳帝咨賞進戶部侍郎鳳翔劫

遷融不克從去客園鄉
俄召還遷翰林承旨卒

卽事

抵鵲山前雲掩扉。更甘終老脫朝衣。曉窺清鏡千峯入。暮倚長松獨鶴歸。雲裏引來泉脈細。雨中移得藥苗肥。何須一筴鱸魚膾。始挂孤帆問釣磯。

春歸次金陵

春陰漠漠覆江城。南國歸橈趁晚程。水上驛流初過雨。樹籠隄處不離鶯。跡疎冠蓋兼無夢。地近鄉園自有情。更被東風動離思。楊花千里雪中行。

韓

倜字致堯京兆萬年人龍紀元年進士累官中書舍人劉季述之變佐崔胤反正為功臣隨幸岐下遷兵部侍郎進承旨上欲用為相力辭薦趙崇自代忤朱全忠貶濮州司馬上與泣別倜曰是人非向來之比臣得貶死為幸不忍見篡弑之辱及昭宗被弑挈族依王審知以終○倜少歲喜為香奩詩後一歸節義得風雅之正焉

春盡

惜春連日醉昏昏。醒後衣裳見酒痕。細水浮花歸別浦。斷雲含雨入孤邨。人閑易得芳時恨。地勝難招自古魂。慚愧流鶯相厚意。清晨猶為到西園。

中秋禁直

星斗疎明禁漏殘。紫泥封後獨凭欄。露和玉屑金盤冷。月射珠光貝闕寒。天襯樓臺籠苑外。風吹歌管下

雲端長卿祗爲長門賦。未識君臣際會難。

安貧

手疲慵展八行書。眼暗休尋九局圖。窗裏日光飛野馬。案頭筠管長蒲盧。即虻謀身拙爲安。蠅足報國危。蝻曾捋虎鬚。舉世可能無默識。未知誰擬試齊竽。

韋莊

柳谷道中作卻寄

馬前紅葉正紛紛。馬上離情欲斷魂。曉發獨辭殘月店。暮程遙宿隔雲村。心如岳色留秦地。夢逐河聲出禹門。莫恠苦吟鞭拂地。有誰傾蓋待王孫。

贈邊將

曾因征遠向金微。馬出榆關一鳥飛。萬里只攜孤劍去。十年空逐塞鴻歸。手招都護新降虜。身著文皇舊賜衣。只待只待二字煙塵報天子。滿頭霜雪爲兵機。

綏州作州屬延安府即秦太子扶蘇監軍處。

雕陰無樹水難流。雉堞連雲古帝州。帶雨晚駝鳴遠戍。望鄉孤客倚高樓。明妃去日花應笑。蔡琰歸時鬢已秋。一曲單于暮烽起。扶蘇城上月如鉤。

思歸

暖絲無力自悠揚。牽引東風斷客腸。外地見花終寂寞。異鄉聞樂更淒涼。紅垂野岸櫻還熟。綠染汀草又芳。舊里若爲歸去好。子期凋謝呂安亡。

立春

青帝東來日駭遲。暖煙輕逐曉風吹。鬪袍公子樽前覺。以氣相感也。錦帳佳人夢裏知。雪圃乍開紅菜甲。綵幡新翦綠楊絲。殷勤爲作宜春曲。題向花牋帖繡楣。

長安清明

早是傷春夢雨天。可堪芳草更芊芊。內官初賜清明火。上相閒分白打錢。蹴鞠戲爲白打。紫陌亂嘶紅叱撥。綠楊高映晝秋千。遊人記得承平事。暗喜風光似昔年。

和同年韋學士華下途中見寄

綠楊城郭雨淒淒。過盡千輪與萬蹄。送我獨遊三蜀路。羨君新上九霄梯。馬驚門外山如活。花笑尊前客似泥。正是清和好時節。不堪離恨劍門西。

憶昔

昔年曾向五陵遊。子夜清歌月滿樓。銀燭樹前長似晝。露桃花下不知秋。西園公子名無忌。南國佳人字

莫愁今日亂離俱是夢。夕陽唯見水東流。此詩時遭亂離。追憶昔時而作。極風美流發。維第五語西園公。子或指陳思然與魏無忌。長孫無忌俱不相合。不免有湊句之病。

陪金陵府相中堂夜宴

滿耳笙歌滿眼花。滿樓珠翠勝吳娃。因知海上神仙窟。只似人間富貴家。繡戶夜攢紅燭市。舞衣晴曳碧天霞。却愁宴罷青蛾散。揚子江頭月半斜。只是說人間富貴。幾如海上神仙。一用倒說。頓然換境。

劉威詳未

遊東湖王處士園林

偶向東湖更向東。數聲雞犬翠微中。遙知楊柳是門處。似隔芙蓉無路通。樵客出來山帶雨。漁舟過去水生風。物情多與閒相稱。所恨求安計不同。

秦韜玉

字仲明。京兆人。爲田令孜神策判官。中和二年。得準敕及第。

貧女

蓬門未識綺羅香。擬托良媒益自傷。誰愛風流高格調。共憐時世儉梳粧。敢將十指誇纖巧。不把雙眉鬪畫長。每恨年年壓金線。爲他人作嫁衣裳。語語爲貧士寫照。

春雪

雲重寒空思寂寥。玉塵如糝滿春潮。片纔著地輕輕陷。力不禁風旋旋銷。惹砌任他香粉妒。縈叢自學小梅嬌。誰家醉卷珠簾看。弦管堂深暖易調。

曹

唐字堯賓。桂州人。初爲道士。後舉進士。不第。爲使府從事。

病馬

綠耳何年別渥洼。病來顏色半塵沙。四蹄不鑿金砧裂。雙眼慵開玉筯斜。墮月兔毛乾殼棘。失雲龍骨瘦。杳牙平原好放無人放。嘶向秋風苜蓿花。隴上沙葱葉正齊。騰黃猶自蹋羸蹄。尾蟠夜兩紅絲脆。頭掉秋風白練低。力憊未思金絡腦。影寒空望錦障泥。階前莫怪垂雙淚。不遇孫陽不敢嘶。

張 蠟

錢唐夜讌留別郡守

四方騷動一州安。錢氏不用兵。故錢唐獨安。夜列樽壘伴客歡。鶯築調高山。關迴蝦蟆更。促海濤寒。夜屏間珮響藏歌

妓。幕外刀光立從官。沉醉不愁歸棹遠。晚風吹上子陵灘。

夏日題老將林亭

百戰功成翻愛靜。侯門漸欲似仙家。牆頭細雨垂纖草。水面迴風聚落花。井放轆轤閒浸酒。籠開鸚鵡報

煎茶。幾人圖在凌烟閣。曾不交鋒向塞沙。晚唐佳句。如綠楊花撲一溪烟。如菱荷未雨撥鷺鷥。皆近小樣。惟水面迴風聚落花。歸於自然。宜王衍與徐后見其詩而欲官也。

譚用之字藏用。唐藝文志有譚藏用詩一卷。里居出處未詳。

秋宿湘江遇雨

江上陰雲鎖夢魂。江邊深夜舞劉琨。秋風萬里芙蓉國。暮雨千家薜荔村。鄉思不堪悲橘柚。旅遊誰肯重王孫。漁人相見不相問。長笛一聲歸島門。

張泌

秋晚過洞庭

征帆初挂酒初酣。暮景離情兩不堪。千里晚霞雲夢北。一洲霜橘洞庭南。溪風送雨過秋寺。礪石驚龍落夜潭。莫把羈魂吊湘魄。九疑愁絕鎖烟嵐。

洞庭阻風

空江浩蕩景蕭然。盡日菰蒲泊釣船。青艸浪高三月渡。綠楊花撲一溪烟。情多莫舉傷春日。愁極兼無買酒錢。猶有漁人數家住。不成邨落夕陽邊。夜泊洞庭湖邊港汊。故有綠楊花撲一溪。煙句否則風景全不合矣。玩末句自明。

王仁裕字德帶。天水人。歷仕后唐。晉漢三代。長樂老人之亞也。

放猿

原注：仁裕從事漢中，有獻小猿者，憐其黠慧，育之名曰野兵。經年壯大，跳躑頗為患繫，紅綃於頸，題詩送之。

放爾丁寧復故林，舊來行處好追尋。
月明巫峽堪憐靜，路隔巴山莫厭深。
棲宿免勞青嶂夢，躋攀應慚白雲心。
三秋松子纍纍熟，任抱高枝採不禁。

遇所放猿作

原注：仁裕罷職入蜀，行次漢江，攜蟠冢廟前，見一巨猿，舍羣而前，於道畔古木間垂身下顧，紅綃宛在，以野兵呼之，心聲如應，立馬移時不覺惻然，遂繼題一篇云：

蟠冢祠前漢水濱，飲猿連臂下嶙峋。
漸來子細窺行客，認得依稀是野賓。
月宿縱勞羈絆夢，松餐非復稻粱身。
數聲腸斷和雲叫，識是前時舊主人。

沈

彬字子文，高安人，宋懿文志有關居集十卷。

塞下

塞葉聲悲秋欲霜，寒山數點下牛羊。
映霞旅雁隨疎雨，向磧行人帶夕陽。
邊騎不來沙路失，國恩深後海城荒。
胡兒向化新成長，猶自千回問漢王。
塞下詩防其粗豪，此首最見品格。○下半說武備廢弛，胡人窺伺，而措語婉曲，於唐未得之，尤為僅見。

入塞

苦戰身輕刀箭痕，戍樓獨上望星文。
生希沙漠禽驕虜，死奪河源答聖君。
鳶覩敗兵橫白艸，馬驚邊鬼哭陰雲。
功多地遠無人紀，漢閣笙歌日又曛。

卷十七

五言長律

玄宗皇帝太宗高宗俱有長律然音節未能諧和故以明皇爲冠

早渡蒲津關

鐘鼓嚴更曙。山河野望通。鳴鑾下蒲坂。飛旆入秦中。地險關逾壯。天平鎮尙雄。春來津樹合。月落戍樓空。馬色分朝景。寫曉景無刻畫痕雞聲逐曉風。所希常道泰。非復棄繻同。詩之長律自顏謝諸公開出至唐始盛初只六韵後增至八韵少陵增至百韵又此

體中變體也而介甫選唐詩以此篇壓卷

早登太行山中言志

清蹕度河陽。疑筵上太行。以下六句火龍明鳥道。鐵騎遶羊腸。白霧埋陰壑。丹霞助曉光。澗泉含宿凍。山木帶餘霜。野老茅爲室。樵人薜作裳。宣風問耆艾。敦俗勸耕桑。涼德慚先哲。微猷慕昔皇。不因今展義。何以冒垂堂。

南出雀鼠谷倉張說

雷出應乾象。風行順國人。川途猶在晉。車馬漸歸秦。背陝關山險。橫汾鼓吹頻。草依陽谷變。花待北巖春。聞有鸛鸞客。清詞雅調新。求音思欲報。心跡竟難陳。

左丞相說右丞相環太子少傅乾曜同日上官命宴東堂賜詩

赤帝收三傑黃軒舉二臣風后力牧由來丞相重分掌國之鈞我有握中璧雙飛席上珍張子房推道要仲子

宋訝風神復輟台衡老源乾曜將為調護人太子少傅鶴鸞同拜日車騎擁行塵樂聚南宮宴觴連北斗醇俾余

成百揆總垂拱問彝倫

春晚宴兩相及禮官麗正殿學士探得風字

乾道運無窮恆將人代工陰陽調歷象兩相禮樂報玄穹禮官介冑清荒外陪衣冠佐域中學士言談延國輔詞

賦引文雄野霽伊川綠郊明鞏樹紅冕旒多暇景詩酒會春風

楊炯

送劉校書從軍

天將下三宮星門召五戎坐謀資廟略飛檄佇文雄赤土流星劍烏號明月弓秋陰生蜀道殺氣繞湟中

風雨何年別入送琴尊此日同離亭不可望溝水自西東

盧照鄰

西使兼送孟學士南遊

地道巴陵北學士南遊天山弱水東自己相看萬餘里共倚一征蓬零雨悲王粲清尊別孔融徘徊聞夜鶴悵

望待秋鴻。骨肉胡秦外。言不相關。風塵關塞中。唯餘劍鋒在。耿耿氣成虹。零雨被秋草。本孫楚詩。王粲無零雨句也。豈沈約有仲宣灞岸之篇。子荆

駱賓王

晚泊蒲類

二庭歸望斷。萬里客心愁。山路猶南屬。河源自北流。晚風連朔氣。新月照邊秋。竈火通軍壁。烽烟上戍樓。

龍庭但苦戰。燕頷會封侯。莫作蘭山下。李陵敗於此。即臯蘭山。復用龍庭亦病。空令漢國羞。

靈隱寺

此即今之韬光寺也。後移靈隱於山下。若今之靈隱能觀海日。對江湖乎。○此詩駱賓王宋之問集中皆載。好事者撰出宋賦起二句。下窘於才。有老僧續下二句。乃賓王也。愚意但取其詩。或駱或宋皆可。好事者說之。抵牾不足與辨。

鷲嶺鬱岩峽。龍宮鎖寂寥。樓觀滄海日。門封浙江潮。桂子月中落。天香雲外飄。捫蘿登塔遠。剝木取泉遙。

霜薄花更發。冰輕葉未凋。夙齡尚遐異。披對滌煩囂。待入天台路。看余度石橋。楊師道還山宅五韵。此篇七韵。初唐有之。後人用偶

不用奇。乃見正格。

宿温城望軍營

虜地寒膠折。邊城夜柝聞。兵符關帝闕。天策動將軍。寒靜胡笳徹。沙明楚練分。風旂翻翼影。霜劍轉龍文。白羽搖如月。青山斷若雲。煙疎疑卷幔。塵滅似銷氛。投筆懷班業。臨戎想顧勳。還應雪漢恥。持此報明君。

顧勳謂顧榮揮扇破
廣陵相陳敏軍事

盧 僎

上幸皇太子新院應制

佳氣曉葱葱。乾行入震宮。前星迎北極。少海被南風。視膳銅樓下。吹笙玉坐中。訓深家以政。義舉俗爲公。
父子成釗合。君臣禹啟同。仰天歌聖道。猶愧乏雕蟲。禹之傳子。即是傳賢。故云君臣。

陳子昂

白帝城懷古

日落滄江晚。停橈問土風。城臨巴子國。臺沒漢王宮。荒服仍周甸。深山尚禹功。巖懸青壁斷。地險碧流通。
古木生雲際。歸帆出霧中。川途去無限。客思坐何窮。

峴山懷古

秣馬臨荒甸。登高覽舊都。猶悲墮淚碣。尙想臥龍圖。城邑遙分楚。山川半入吳。邱陵徒自出。賢聖幾凋枯。
野樹蒼煙斷。津樓晚氣孤。誰知萬里客。懷古正踟躕。西王母白雲謠。白雲在天。邱陵自出。

杜審言

贈蘇味道

北地寒應苦。南庭戍不歸。邊聲亂羌笛。朔氣捲戎衣。雨雪關山暗。風霜草木稀。胡兵戰欲盡。漢卒尙重圍。雲淨妖星落。秋高塞馬肥。據鞍雄劍動。搖筆羽書飛。輿駕還京邑。朋遊滿帝畿。指乘輿還京。朋舊皆集。方期來獻凱。歌舞共春暉。

度石門山

石門千仞斷。迸水落遙空。道束懸崖半。橋欹絕澗中。仰攀人屢息。直下騎纔通。泥擁奔蛇徑。雲埋伏獸叢。星躔牛斗北。地脈象牙東。關塞隨行變。高深觸望同。江聲連驟雨。日氣抱殘虹。未改朱明律。先含白露風。堅貞深不憚。險澀諒難窮。有異登臨賞。徒爲造化功。

沈佺期

贈蘇員外味道夏晚寓直省中見贈

並命登仙閣。通宵直禮闈。大官供宿膳。侍史護朝衣。卷幔天河入。開窗月露微。小池殘暑退。省中應有小池。高樹早涼歸。冠劍無時釋。軒車待漏飛。明朝題漢柱。三署有光輝。

同韋舍人早朝

闔闔連雲起。巖廊拂霧開。玉珂龍影度。珠履雁行來。長樂宵鐘盡。明光曉奏催。一經傳舊德。五字擢英材。儼若神仙去。紛從霄漢回。千春奉休歷。分禁喜趨陪。司馬景王命虞松作表。再呈不可意。令松更定。竭思不能改。鍾會爲定五字。景王曰。王佐才也。

宋之問

奉和幸長安故城未央宮應制漢之故都

漢皇未息戰，蕭相乃營宮。壯麗一朝盡，威靈千載空。皇明愆前跡，置酒宴羣公。寒輕綵伏外，春發幔城中。

樂思迴斜日。魯陽揮戈事 歌詞繼大風。今朝天子貴，不假叔孫通。恰好作結。○不愁明月盡以巧思勝此以冠冕典切勝今人但尙巧思耳

奉和晦日幸昆明池應制

春豫靈池會，滄波帳殿開。舟凌石鯨度，槎拂斗牛迴。節晦莫全落，春遲柳暗催。合下句看是正月晦日 象溟看浴景。

燒劫辨沉灰，鑄飲周文樂。汾歌漢武才，不愁明月盡。自有夜珠來。巧思中宗於正月晦日幸昆明池集羣臣集樓下須臾落紙如飛惟沈宋二詩不下移時一紙飛墮乃沈詩也閱其評云二詩工力悉敵沈詩落句詞氣已竭宋猶健舉耳○漢武於昆明池放帶索銜釣之魚後得明珠一雙帝曰豈昔魚之報耶

臣集樓下須臾落紙如飛惟沈宋二詩不下移時一紙飛墮乃沈詩也閱其評云二詩工力悉敵沈詩落句詞氣已竭宋猶健舉耳○漢武於昆明池放帶索銜釣之魚後得明珠一雙帝曰豈昔魚之報耶

早發始興江口至虛氏村作

候曉踰閩嶂，乘春望越臺。宿雲鵬際落，殘月蚌中開。薜荔搖青氣，桄榔翳碧苔。桂香夕露裊，石響細泉回。

抱葉元猿嘯，銜花翡翠來。南中雖可悅，承上北思日悠哉。鬢髮俄成素，丹心已作灰。何當首歸路，行剪故

園菜。此應諫宦時作

登粵王臺南越王趙佗所築

江上粵王臺，登高望幾回。南溟天外合，北戶日邊開。地溼烟常起，山晴雨半來。冬花採盧橘，夏果摘楊梅。

跡類虞翻枉人非賈誼才歸心不可見白髮重相催。虞仲翔以直諫譎故云枉延清黨邪而斥豈可同日語耶。

蘇 頲

奉和聖製途次舊居

潞國臨淄邸天王別駕輿出潛離隱際小往大來初東陸行春典南陽卽舊居約川星罕駐扶道日旂舒雲覆連行在風回助掃除木行城邑望臯落土田疏昔試邦興后今過俗後予示威寧校獵崇讓不陳漁府吏趨宸扆鄉耆捧帝車帳傾三飲處閑整六飛餘盛業銘汾鼎昌期應洛書願陪歌賦末留比蜀相如

語語是帝王舊居點化經言冠冕正大

御箭連中雙兔試帖

宸遊經上苑羽獵向閑田狡兔初迷窟纖驪詎著鞭三驅仍百步一發遂雙連典切影射含霜草魂銷向月弦歡聲動寒木喜氣滿晴天那似陳王意空垂樂府篇

奉和聖製答張說出雀鼠谷

雨施巡方罷雲從訓俗迴密途汾水衛清蹕晉郊陪寒著山邊盡春當日下來御祠玄鳥應仙仗綠楊開作頌音傳雅觀文色動台更知西向樂宸藻協鹽梅

同餞楊將軍兼原州都督御史中丞

右地接龜沙。龜沙，中朝任虎牙。然明方改俗，去病不為家。將禮登壇盛，軍容出塞華。朔風搖漢鼓，邊月思胡笳。旗合無邀正，冠危有觸邪。當看勞旋日，及此御溝花。後漢張奐字然，明桓靈間三為大將，正身潔已，威化大行。○結用出車詩末章意。

張說

奉和聖製途經華山

西岳鎮皇京，中峯入太清。玉鑿重嶺應，緹騎薄雲迎。白日懸高掌，巨靈掌，華山。寒空類削成，軒遊會神處。漢幸望仙情。望仙臺在華陰縣。舊廟青林古，新碑綠字生。羣臣願封岱，迴駕勒鴻名。末言封禪泰山，後當勒銘於華山也。時說勸帝東封泰山故云。

奉和聖製暇日與兄弟同遊興慶宮作應制

漢武橫汾日，周王宴鎬年。何如造區夏，復此睦親賢。巢鳳新成闕，飛龍舊躍泉。棣華歌尚在，桐葉戲仍傳。禁籞氛埃隔，平臺景物連。聖慈良有裕，王道固無偏。問俗兆人阜，觀風五教宣。獻圖開益地，張樂奏鈞天。侍酒衢尊滿，詢芻諫鼓懸。永言形友愛，萬國共周旋。運題有法，立言得體。

將赴朔方軍應制

禮樂逢明主，莊重韜鈴用老臣。恭憑神武策，遠靜鬼方人。供帳恩榮餞，山川喜詔巡。天文日月麗，朝賦管絃新。幼志傳三略，衰材謝六鈞。膽猶忠作屏，心故道為隣。漢保河南地，胡清塞北塵。連年大軍後，不日小康辰。劍舞輕離別，歌酣忘苦辛。從來思博望，許國不謀身。以張鷟自比，立言有體。

張九齡

奉和聖製早度蒲關

魏武中流處，軒皇問道迴。長隄春樹發，高掌曙雲開。龍負王舟渡，人占仙氣來。喜知老子將過望氣知之河津會日月，天仗役風雷。東顧重關盡，西馳萬國陪。還聞股肱郡，元首咏康哉。

奉和聖製送尚書燕國公說赴朔方軍

宗臣事有征，按廟算在休兵。天與三台座，人當萬里城。朔南方偃革，河北暫揚旌。寵錫從仙禁，光華出漢京。山川勤遠略，原隰軫皇情。為奏薰琴唱，仍題寶即寶劍名。聞風六郡伏，計日五戎平。西方之戎有五山甫歸應疾，留侯功復成。歌鐘旋可望，枕席豈難行。四牡何時入，吾君聽履聲。漢書何參位冠軍后為一代之宗臣宗猶尊也

自始興谿夜上赴嶺

嘗蓄名山意，茲為世網牽。征途屢及此，初服已非然。日落青巖際，谿行綠篠邊。去舟乘月後，歸鳥息人前。數曲迷幽嶂，連圻觸暗泉。深林風緒結，遙夜客情懸。非梗胡為泛，無膏亦自煎。不知于役者，相樂在何年。

同綦母學士月夜聞鴈

棲宿豈無意，飛飛更遠尋。長途未及半，中夜有遺音。月思關山笛，風號流水琴。空聲兩相應，幽感一何深。避繳歸南浦，離羣叫北林。聯翩俱不定，憐爾越鄉心。

張子容

長安早春帖試

開國移東井。長安秦地是為東井。方城啟北辰。咸歡太平日。共樂建寅春。雪盡黃山樹。冰開黑水津。艸迎金埒馬。早

春妍麗。花待玉樓人。鴻漸看無數。鶯遷聽轉頻。何當桂枝擢。還及柳條新。

鄭 愔字文靖滄州人年十七成進士附張昌宗易之薦為殿中侍御史又附武三思遷吏部侍郎後預譴王重福謀伏誅

塞外二首

塞外蕭條望。征人此路賒。邊聲亂朔馬。秋引動胡笳。遙障侵歸日。長城帶晚霞。斷蓬飛古戍。連雁聚寒沙。海暗雲無葉。山春雪作花。丈夫期報主。萬里獨歸家。

陽鳥南飛夜。陰山北地寒。漢家征戍客。年歲在樓蘭。玉塞朔風起。金河秋月團。邊聲入鼓吹。霜氣下旌竿。海外歸書斷。天涯旅鬢殘。子卿猶奉使。恆向節旄看。知子卿奉使之忠而品偏移濁言之不足定人也

宋 璟邢州人耿介有大節成進士累遷鳳閣舍人武后敬禮之拜黃門侍郎睿宗時用中書門下三品開元中繼姚崇為相崇以才瑒以節封廣平公以右丞相致仕卒諡文正

奉和御製璟與張說源乾曜同日上官命宴都堂賜詩一首應制

丞相邦之重。非賢諒不居。老臣庸且憊。何德以當諸。長律中散行聯倍見力量厚秩先為忝。崇班復此除。太常陳禮樂。中掖降簪裾。聖酒江河潤。仙文象緯舒。冒恩懷寵錫。陳力省空虛。郭隗慚無駿。馮諼愧有魚。不知周勃者。

以厚重少榮。幸定何如。本傳開元十七年。環爲尙書右丞相。張說爲左丞相。源乾曜爲太子少傅。文自况。

徐堅字元固。湖州人。聖歷中爲東都留守判官。預脩三教珠英。遷司封員外郎。開元中爲集賢院學士。封東海郡公。

奉和聖製送張說巡邊

至德撫遐荒。神兵赴朔方。諫許曲江諸公入手無不高聳。元固亦然。帝思元帥重。爰擇股肱良。累相承安世。深籌協子房。寄崇

專斧鉞。禮備設壇場。鼙鼓喧雷電。戈爰凜雪霜。四驂將戒道。十乘啓先行。聖錫加恆數。聖製天文耀寵光。出

郊開帳飲。送寅餞盛離章。雨濯梅林潤。風清麥野涼。燕山應勒頌。麟閣佇名揚。

常理未詳

古別離

君御狐白裘。妾居緗綺幃。粟鈿金夾膝。花錯玉搔頭。離別生庭草。征衣斷戍樓。蠨蛸網清曙。茵菂落紅秋。

小膽空房怯。體貼至此長眉滿鏡愁。爲傳兒女意。不用遠封侯。比悔教夫婿覓封侯。溫厚比薛道衡空梁落燕泥之作。似又過之。

王維

奉和聖製上巳於望春亭觀禊飲應制

長樂青門外。宜春小苑東。樓開萬戶上。輦過百花中。畫鷁移仙仗。金貂列上公。清歌邀落日。妙舞向春風。

渭水明秦甸。黃山入漢宮。君王來祓禊。灞澹亦朝宗。宗借二冬韻

奉和聖製與太子諸王三月三日龍池春禊應制

故事脩春禊。新宮展豫遊。明君移鳳輦。太子出龍樓。賦掩陳王作。杯如洛水流。金人來捧劍。畫鷁去迴舟。苑樹浮宮闕。天池照冕旒。宸章在雲漢。垂象滿皇州。

奉和聖製暮春送朝集使歸郡應制

萬國抑宗周。衣冠拜冕旒。玉乘迎大客。叶平聲金節送諸侯。祖席傾三省。褰帷向九州。楊花飛上路。槐色蔭通溝。來預鈞天樂。歸分漢主憂。宸章類河漢。垂象滿中州。

春日直門下省早朝

騎省直明光。雞鳴謁建章。遙聞侍中珮。暗識令公香。一語見未辨色玉漏隨銅史。天書拜夕郎。旌旗映闔闔。歌吹滿昭陽。官舍梅初紫。宮門柳欲黃。願將遲日意。同與聖恩長。

送李太守赴上洛

商山包楚鄧。積翠藹沈沉。驛路飛泉灑。關門落照深。野花開古戍。行客響空林。板屋春多雨。山城晝欲陰。丹泉通號路。白羽抵荆岑。若見西山爽。應知黃綺心。似欲諷其歸意

曉行巴峽

際曉投巴峽。餘春憶帝京。晴江一女浣。朝日衆禽鳴。水國舟中市。山橋樹杪行。卽棧道登高萬井出。眺迥二

流明。成都有一江雙流。人作殊方語。鶯爲故國聲。賴多山水趣。稍解別離情。

送祕書晁監還日本

積水不可極。安知滄海東。九州何處遠。萬里若乘空。向國唯看日。歸帆但信風。鰲身映天黑。魚眼射波紅。鄉樹扶桑外。主人孤島中。別離方異域。音信若爲通。姚合極元集以此詩壓卷。

遊感化寺

翡翠香煙合。琉璃寶殿平。龍宮連棟宇。虎穴傍簷楹。谷靜唯松響。山深無鳥聲。瓊峯當戶拆。金澗透林明。郢路雲端迴。秦川雨外清。鴈王銜果獻。鹿女踏花行。抖擻辭貧里。以下說已之遊。歸依宿化城。遠籬生野蕨。空館發山櫻。香飯青菰米。嘉蔬綠筍羹。誓陪清梵末。端坐學無生。

過沈居士山居哭之

楊朱來此哭。桑扈返於真。獨白成千古。依然舊四鄰。閒簷喧鳥雀。故榻滿埃塵。曙月孤鶯囀。空山五柳春。野花愁對客。泉水咽迎人。善卷善卷本平聲亦可仄用。明時隱。黔婁在日貧。逝川嗟爾命。丘井歎吾身。前後徒言隔。相思詎幾晨。高士傳舜以天下讓善者。卷曰吾何以天下爲哉。丘井用佛語。猶言空井。

奉和聖製幸玉眞公主山莊因題石壁十韻之作應制

碧落風煙外。瑤臺道路賒。如何連帝苑。別自有仙家。比地迴鑾駕。易地上有水。比言相比。無間也。正本譌作此地。綠溪轉翠華。洞

中開日月窗裏發雲霞。庭養冲天鶴。溪留上漢槎。種田生白玉。泥竈化丹砂。谷靜泉逾響。山深日易斜。御羹和石髓。香飯進胡麻。大道今無外。長生詎有涯。還瞻九霄上。來往五雲車。公主辭王第而就山莊。應志在求仙者。

孟浩然

西山尋辛諤

漾舟尋水便。因訪故人居。落日清川裏。誰言獨羨魚。石潭窺洞徹。沙岸歷紆徐。竹嶼見垂釣。茆齋聞讀書。款言忘景夕。清興屬涼初。回也一瓢飲。賢哉常晏如。

高適

送柴司戶充劉卿判官之嶺外

嶺外資雄鎮。朝端寵節旄。月卿臨幕府。卿士惟月。指劉司戶。星使出詞曹。海對羊城闊。山連象郡高。風霜驅瘴癘。忠信涉波濤。別恨隨流水。交情脫寶刀。用李虔贈王祥佩刀事。有才無不適。行矣莫徒勞。

陪寶侍御遊靈雲池

白露時先降。清川思不窮。江湖仍塞上。舟楫在軍中。舞換臨津樹。歌饒向晚風。夕陽連積水。邊色滿秋空。乘興宜投轄。邀歡莫避驄。誰憐持弱羽。猶欲伴鷓鴣。

李頎

送劉主簿歸金壇

與子十年舊。其如離別何。宦遊鄰故國。歸夢是滄波。京口青山遠。金陵芳草多。雲帆曉容裔。江日晝清和。縣郭舟人飲。津亭漁者歌。茅山有仙洞。羨爾再經過。

岑參

早秋與諸子登號州西亭觀眺

亭高出鳥外。客到與雲齊。樹點千家小。天圍萬嶺低。殘虹挂陝北。寫景雄潤急雨過關西。酒榼緣青壁。瓜田傍綠溪。微官何足道。愛客且相攜。惟有鄉園處。依依望不迷。起手貴突兀。少陵有開筵對鳥巢句。此同一落想。

六月十三日水亭送華陰王少府還縣

亭晚人將別。池涼酒未酣。關門勞夕夢。仙掌引歸驂。荷葉藏魚艇。藤花罨客簷。殘雲收夏暑。新雨帶秋嵐。失路情無適。離懷思不堪。賴茲庭戶裏。別有小江潭。輕點水亭。岑在關外思長安。故夢爲之勞。王歸華陰。路從仙掌。若引歸驂也。三四極見用意。

送盧郎中除杭州之任

罷起郎官草。初分刺史符。海雲迎過楚。江月引歸吳。城底濤聲震。樓端蜃氣孤。千家窺驛舫。五馬飲春湖。柳色供詩用。鶯聲送酒須。句不穩而穩知君望鄉處。枉道上姑蘇。

送郭僕射節制劍南

鐵馬攢紅纓，幡旗出禁城。明王親授鉞，丞相欲專征。玉饌天廚送，金杯御酒傾。劍門承險過，閣道踏空行。山鳥驚吹笛，江猿看洗兵。曉雲隨去陣，夜月逐行營。南仲今時往，西戎計日平。將心感知己，萬里寄懸旌。

祖詠

清明宴司勳劉郎中別業

田家復近臣，行樂不違親。霽日園林好，清明烟火新。以文常會友，惟德自成鄰。池照窗陰晚，杯香藥味春。簷前花覆地，竹外鳥窺人。何必桃源裏，深居作隱淪。

張謂

同諸公遊雲公禪寺

共許尋雞足，山名誰能惜馬蹄。長空淨雲雨，斜日半虹霓。簷下千峯轉，窗前萬木低。看花尋徑遠，聽鳥入林迷。地與喧聞隔，人將物我齊。不知樵客意，何事武陵溪。

李白

送儲邕之武昌

黃鶴西樓月，長江萬里情。春風三十度，空憶武昌城。送爾難爲別，銜杯惜未傾。湖連張樂地，山逐汎舟行。諾謂楚人重，詩傳朶清。滄浪吾有曲，寄入棹歌聲。以古風起法，運作長律，太白天才，不拘繩墨，乃次。

送友人尋越中山水

聞道稽山去。偏宜謝客才。千巖泉灑落。萬壑樹縈迴。東海橫秦望。西陵遶越臺。湖清霜鏡曉。濤白雪山來。八月枚乘筆。三吳張翰杯。此中多逸興。早晚向天台。越中山水。獨數會稽。此時杭州屬吳。

秋日與張少府楚城韋公藏書高齋作

日下空亭暮。城荒古跡餘。地形連海盡。天影落江虛。舊賞人雖隔。新知樂未疎。彩雲思作賦。丹壁問藏書。楂擁隨流葉。萍開出水魚。夕來秋興滿。回首意何如。

秋日登揚州西靈塔

寶塔凌蒼蒼。登攀覽四荒。頂高元氣合。標出海雲長。萬象分空界。三天接畫梁。水搖金刹影。日動火珠光。鳥拂瓊簾度。霞連繡栱張。日隨征路斷。心逐去帆揚。露浴梧桐白。霜催橘柚黃。玉毫如可見。於此照迷方。入手高超。能以古筆爲律體。

中丞宋公以吳兵三千赴河南軍次尋陽脫余之困參謀幕府因贈之

獨坐清天下。專征出海隅。九江皆渡虎。三郡盡還珠。組練明秋浦。樓船入郢都。風高初選將。月滿欲平胡。言平胡之速。殺氣橫千里。軍聲動九區。白猿慚劍術。黃石借兵符。戎虜行當剪。鯨鯢立可誅。自憐非劇孟。何以佐良圖。史記吳楚反時。條侯至河南。得劇孟喜曰。吳楚不求孟。知其無能爲矣。詩中不多感謝。脫囚而第言已非劇孟。立言有體。

杜甫五言長律陳杜沈宋簡老為宗燕許曲江詣崇典碩老杜出而推

冬日洛城北謁元元皇帝廟原注廟有吳道子畫五聖圖

配極元都闕配壯極也憑高禁籞長禁苑之守祧嚴具禮史記不載於世掌節鎮非常碧瓦初寒外金莖一氣傍山河扶繡戶

日月近雕梁仙李盤根大猗蘭奕葉光世家遺舊史史記不載於世道德付今王畫手看前輩吳生遠擅

場森羅移地軸妙絕動宮牆五聖聯龍袞高祖太宗高宗中千官列鴈行冕旒俱秀發旌旆盡飛揚翠柏

深留景冬日紅梨迴得霜風箏吹玉柱晉鈴之類露井凍銀牀身退卑周室經傳拱漢皇河上遠漢文道德經與言谷神如

不死養拙更何鄉通體含諷未尤婉曲見老子之學以谷神不死為主如其果然方

投贈哥舒開府翰二十韻

今代麒麟閣領得起何人第一功君王自神武駕馭必英雄開府當朝傑論兵邁古風先鋒百勝在言隨右成

功略地兩隅空言息兵也言恢復河西青海無傳箭天山早挂弓廉頗仍走敵魏絳已和戎每惜河湟棄新兼節制

通智謀垂睿想出入冠諸公日月低秦樹乾坤繞漢宮胡人愁逐北宛馬又從東受命邊沙遠歸來御席

同軒墀會寵鶴指祿畋獵舊非熊指茅土加名數戶籍也山河誓始終策行遺戰伐言以計用兵不假戰伐契合動

昭融勳業青冥上交親氣概中二語承未為朱履客已見白頭翁以下敘入自己壯節初題柱生涯獨轉

蓬幾年春草歇今日暮途窮軍事留孫楚行間識呂蒙防身一長劍將欲倚崆峒有身分有氣象有神力

律以少陵爲至。元白動成百韻。頽然自放矣。

贈特進汝陽王二十韻名璿寧王長子

特進羣公表。天人夙德升。霜蹄千里駿。風翮九霄鵬。服禮求毫髮。惟忠忘寢興。聖情常有眷。朝退若無憑。
若無所憑藉。言不挾貴也。仙體來浮蟻。奇毛或賜鷹。清關塵不離。中使日相乘。晚節嬉遊簡。平居孝義稱。自多親棣萼。誰敢問山陵。
寧王薨。諡讓皇帝。葬地名惠陵。璿上表辭。學業醇儒富。詞華哲匠能。筆飛鸞聳立。章罷鳳騫騰。精理通談笑。忘形向友朋。寸長堪繾綣。一諾豈驕矜。
敘重文好士。接入。敘不見痕跡。已忝歸曹植。何如對李膺。招要恩屢至。崇重力難勝。披霧初歡夕。高秋爽氣澄。樽巒臨極浦。鳧雁宿張燈。花月窮遊宴。炎天避鬱蒸。硯寒金井水。簷動玉壺冰。瓢飲惟三徑。巖棲在百層。且持蠶測海。況挹酒如澠。鴻寶寧全祕。丹梯庶可凌。
淮南王有枕中鴻寶。淮王門有客。終不愧孫登。
嵇康有愧孫登。以所遇非時。見已達賢王不同康之有愧也。

敬贈鄭諫議十韻

諫官非不達。詩義早知名。破的由來事。先鋒孰敢爭。
比思飄雲物外。律中鬼神驚。毫髮無遺憾。波瀾獨老成。野人寧得所。
自敘天意薄浮生。多病休儒服。冥搜信客旌。築居仙縹緲。
行踪無定。意下居近宮觀。旅食歲崢嶸。使者求顏闔。諸公厭禰衡。
時羈而召試。試而不遇。將期一諾重。歛使寸心傾。君見途窮哭。宜憂阮步兵。
望鄭薦引。

上韋左相二十韻見

鳳歷軒轅紀。龍飛四十春。從朝廷用人說起。與投贈哥舒翰篇同。是高屋建瓴之勢。八荒開壽域。一氣轉洪鈞。霖雨思賢佐。丹青憶舊

臣。應圖求駿馬。驚代得麒麟。沙汰江河濁。調和鼎鼐新。十字。敘相業簡老。韋賢初相漢。范叔已歸秦。盛業今如此。

傳經固絕倫。豫章深出地。滄海闊無津。北斗司喉舌。東方領搢紳。持衡留藻鑑。聽履上星辰。獨步才超古。

餘波德照鄰。聰明過管輅。尺牘倒陳遵。豈是池中物。由來席上珍。廟堂知至理。風俗盡還淳。才傑俱登用。

愚蒙但隱淪。敘入自己。每用承上接下法。長卿多病久。子夏索居頻。回首驅流俗。為流俗所驅。生涯似衆人。巫咸不可問。鄒

魯莫容身。感激時將晚。蒼茫興有神。爲公歌此曲。涕淚在衣巾。

喜聞官軍已臨賊境二十韻

胡騎潛京縣。官軍擁賊壕。鼎魚猶假息。穴蟻欲何逃。帳殿羅元冕。公卿服。轅門照白袍。同紘衣。秦山當警蹕。漢

苑入旌旄。路失羊腸險。雲橫雉尾高。五原空壁壘。八水散風濤。今日看天意。遊魂貸爾曹。乞降那更得。尙

詐莫徒勞。元帥歸龍種。廣平王。司空握豹韜。郭子儀。前軍蘇武節。李嗣業。左將呂虔刀。僕固懷恩。兵氣回飛鳥。威聲沒

巨鼉。戈鋌開雪色。弓矢向秋毫。天步艱方盡。時和運更遭。誰云遺毒螫。已是沃腥臊。容想丹墀近。神行羽

衛牢。六花門騰絕漠。同紘。拓羯渡臨洮。安西募勇健者爲拓羯。猶華言戰士也。此輩感恩至。羸俘何足操。鋒先衣染血。騎突劍

吹毛。喜覺都城動。悲憐子女號。家家賣釵釧。只待獻春醪。

送蔡希魯都尉還隴右因寄高三十五書記原注。時哥舒入奏。勒蔡子先歸。

蔡子勇成癖，彎弓西射胡。健兒寧鬪死，壯士恥爲儒。官是先鋒得，材緣挑戰須。身輕一鳥過，句槍急萬人

呼。雲幕隨開府，指哥舒春城赴上都。馬頭金匱匣，駝背錦模糊。咫尺雪山路，歸飛青海隅。上公猶寵錫，指留京師

突將且前驅。希魯先歸漢使黃河遠，涼州白麥枯。因君問消息，好在阮元瑜。二句寄高書記

遣興於賊中遙憶幼子

驥子好男兒，前年學語時。問知人客姓，誦得老夫詩。世亂憐渠小，家貧仰母慈。鹿門攜有處，鳥道去無期。

天地軍麾滿，山河戰角悲。倘歸免相失，見日敢辭遲。

行次昭陵

舊俗疲庸主，羣維問獨夫。識歸龍鳳質，威定虎狼都。隋主昏庸羣維割據唐宗受命以四語了之天屬尊堯典，以高祖禪位言神功協

禹謨。風雲隨絕足，雲從龍風從虎意絕足馬名也日月繼高衢。文物多師古，朝廷半老儒。直詞寧戮辱，以受禪言賢路不崎嶇。

往者災猶降，蒼生喘未蘇。指麾安率土，盪滌撫洪鑪。言天寶之亂同於隋末安得如太宗神靈指麾盪滌之壯士悲陵邑，幽人拜鼎

湖。玉衣晨自舉，鐵馬汗常趨。二語猶騷所云神之來兮夾兩旗言神靈陞降也松柏瞻虛殿，塵沙立暝途。寂寥開國日，流恨滿山

隅。

重經昭陵

草昧英雄起，謳歌歷數歸。風塵三尺劍，社稷一戎衣。翼亮貞文德，丕承戢武威。聖圖天廣大，宗祀日光輝。

陵寢盤空曲。熊熊守翠微。再窺松柏路。還見五雲飛。前首傷亂。此望中興。以五雲飛作結。大旨顯然。

寄李十二白二十韻

昔年有狂客。賀知章號爾謫仙人。筆落驚風雨。詩成泣鬼神。聲名從此大。汨沒一朝伸。文彩承殊渥。指見知

流傳必絕倫。韻舟移棹晚。獸錦奪袍新。白日來深殿。青雲滿後塵。謂白辭歸後。兩乞歸優詔許。遇我宿心

親。未負幽棲志。兼全寵辱身。劇談憐野逸。嗜酒見天真。醉舞梁園夜。行歌泗水春。才高心不展。道屈善無

鄰。處士禰衡俊。諸生原憲貧。稻粱求未足。薏苡謗何頻。隱指永璘事五嶺炎蒸地。三危放逐臣。夜郎在南荒。故

比幾年遭鵬鳥。獨泣向麒麟。蘇武先還漢。黃公豈事秦。楚筵辭醴日。用穆生事梁獄上書辰。已用當時法。誰將

此義陳。太史公報任安書中意老吟秋月下。病起暮江濱。莫怪恩波隔。乘槎與問津。太白一生俱見於此。未負幽棲

之汗矣奉送嚴公入朝十韻

鼎湖瞻望遠。時肅宗晏駕象闕憲章新。四海猶多難。中原憶舊臣。與時安反側。自昔有經綸。感激張天步。從容

靜塞塵。南圖回羽翮。北極捧星辰。漏鼓還思晝。宮鶯罷轉春。空留玉帳術。愁殺錦城人。言嚴公入朝而蜀人失望閣道

通丹地。江潭隱白蘋。此生那老蜀。謂白不死會歸秦。公若登臺輔。臨危莫愛身。古直諫

傷春

日月還相鬪。星辰屢合圍。不成誅執法。焉得變危機。大角纏兵氣。鉤陳出帝畿。烟塵昏御道。耆舊把天衣。行在諸軍闕。來朝大將稀。賢多隱屠釣。王肯載同歸。

王閬州筵奉酬十一舅惜別之作

萬壑樹聲滿。要爭此千崖秋氣高。浮舟出郡郭。別酒寄江濤。良會不復久。此生何太勞。窮愁但有骨。羣盜尙如毛。吾舅惜分手。使君寒贈袍。沙頭暮黃鵠。失侶亦哀號。

春歸

苔徑臨江竹。茅簷覆地花。別來頻甲子。歸到忽春華。倚杖看孤石。傾壺就淺沙。遠鷗浮水靜。輕燕受風斜。鷗燕性情形態以靜字斜字傳出世路雖多梗。吾生亦有涯。此身醒復醉。乘興卽爲家。

奉觀嚴鄭公廳事岷山沱江畫圖十韻

沱水流中座。岷山到北堂。竟以爲真題畫要得此法白波吹粉壁。青嶂插雕梁。直訝杉松冷。兼疑菱荇香。以下皆山水對言雪雲虛點綴。沙草得微茫。嶺雁隨毫末。川霓飲練光。霏紅洲蕊亂。拂黛石蘿長。暗谷非關雨。丹楓不爲霜。秋城元圃外。景物洞庭傍。繪事功殊絕。幽襟興激昂。從來謝太傅。歸重邱壑道難忘。

謁先主廟

慘澹風雲會。乘時各有人。謂三分也力侔分社稷。志屈偃經綸。復漢留長策。中原仗老臣。指武侯雜耕心未已。嗷

血事酸辛。霸氣西南歇。言天命去蜀。雄圖歷數屯。錦江元過楚。劍閣復通秦。二句傷蜀之旋入於晉。舊俗存祠廟。空山泣

鬼神。虛簷交鳥道。枯木半龍鱗。竹送清溪月。苔移玉座春。閭閻兒女換。歌舞歲時新。絕域歸舟遠。荒城繫

馬頻。此謂先主而自抒懷抱。如何對搖落。况乃久風塵。孰與關張並。功臨耿鄧親。應天才不小。得士契無鄰。遲暮堪

帷幄。飄零且釣緝。向來憂國淚。寂寞灑衣巾。三分割據。君臣魚水。孔明之鞠躬盡瘁。後主之面縛出降。起

今風塵未靖。孰與關張並其忠勇。而其功可與耿鄧相親者乎。使有英主。應天而出。得士相契。則吾雖遲暮猶堪共謀帷幄。惟飄零不偶。所以憂國之淚不能自已也。若未段仍說向先主。不免前後重複。

東屯月夜

抱疾漂萍老。防邊舊穀屯。春農親異俗。歲月在衡門。青女霜楓重。黃牛峽水喧。泥留虎鬪跡。月挂客愁村。

俊。喬木澄稀影。輕雲倚細根。數驚聞雀噪。暫睡想猿蹲。日轉東方白。風來北斗昏。天寒不成寢。無夢寄歸

魂。

張巡

守睢陽詩

接戰春來苦。孤城日漸危。合圍侷月暈。分守若魚麗。屢厭黃塵起。時將白羽揮。裹瘡猶出陣。飲血更登陴。

忠信應難敵。堅貞諒不移。無人報天子。心計欲何施。

王季友

玉壺冰帖

玉壺知素潔。止水復中澄。堅白能虛受。玉清寒得自凝。冰分形同曉鏡。照物掩宵燈。壁映圓光徹。人驚爽氣凌。金巒何足貴。瑤席幾迴昇。正值求珪瓊。提攜共飲冰。

李

華字遐叔趙郡人開元中舉進士天寶中舉宏詞皆科首官右補闕祿山亂奉母逃為盜所得收京後謫杭州司戶上元中復召用以廢疾辭

尚書都堂瓦松帖

華省祕仙蹤。高堂露瓦松。葉因春後長。花為雨來濃。影混鴛鴦色。光含翡翠容。近天忻所寄。拔地歎無從。接棟凌雙闕。連薨蓋九重。寧知深澗底。霜雪歲兼封。不落纖巧結意脫祈請卑格

卷十八

五言長律

劉長卿

棲霞寺東峰尋南齊明徵君故居明僧紹字休烈捨宅為寺齊帝徵之不出

山人今不見。山鳥自相從。長笑思明主。終身臥此峯。泉源通石徑。澗戶掩塵容。古墓依寒草。前朝寄老松。片雲生斷壁。萬壑徧疎鐘。惆悵長空去。猶疑林下逢。

行營酌呂侍御

不敢淮南臥。來趨漢將營。受辭瞻左鉞。扶疾拜前旌。井稅鶉衣樂。壺漿鶴髮迎。水歸餘斷岸。水災後。烽至掩孤城。兵後。晚日歸千騎。秋風合五兵。孔璋才素健。早晚檄書成。

自道林寺西入石路至麓山寺過法崇師故居寺在長沙岳麓山下。

山僧候谷口。石路拂莓苔。深入泉源去。遙從樹杪回。香隨青靄散。鐘過白雲來。野雪空齋掩。山風古殿開。桂寒知自發。以下四語指故居言。松老問誰栽。惆悵湘江水。何人更渡杯。

送鄭說之歙州謁薛侍御時待御出守歙。

漂泊來千里。指鄭。謳歌滿百城。指薛。漢家尊太守。薛。魯國重諸生。鄭。俗變人難理。江傳水至清。船經危石住。路入亂山行。老得滄洲趣。春傷白髮情。嘗聞馬南郡。門下有康成。馬融爲南郡守。

謫居下越亭作在饒州府。

天南愁望絕。亭上柳條新。落日獨歸鳥。孤舟何處人。言鳥歸故處。人帶孤舟。作感興語。看愈有味。生涯投越徼。世業陷胡塵。杳杳鍾陵暮。悠悠鄱水春。秦臺悲白首。楚澤怨青蘋。草色迷征路。鶯聲傍逐臣。獨醒翻引笑。直道不容身。得罪風霜苦。全生天地仁。歸美君恩。風人之旨。青山數行淚。滄海一窮鱗。牢落機心盡。唯憐鷗鳥親。

送徐大夫赴廣州

上將壇場拜。南荒羽檄招。遠人來百粵。元老事三朝。霧繞龍川暗。山連象郡遙。路分江淼淼。軍動馬蕭蕭。畫角知秋氣。樓船逐暮潮。當令輸貢賦。不使外夷驕。

錢起

湘靈鼓瑟省

善鼓雲和瑟。常聞帝子靈。馮夸空自舞。楚客不堪聽。苦調淒金石。清音入杳冥。蒼梧來怨慕。白芷動芳馨。流水傳湘浦。悲風過洞庭。曲終人不見。江上數峯青。遠神不盡落句同好然亦詩人意中所有謂得自鬼語蓋謗之耳

題玉山村叟壁

谷口好泉石。居人能陸沉。人中隱者如無水而沉牛羊下山小。烟火隔雲深。一徑入溪色。數家連竹陰。藏虹辭晚雨。驚隼落殘禽。涉趣皆流目。將歸羨在林。卻思黃綬事。孤負紫芝心。

送王使君赴太原行營

太白明無象。皇威未戢戈。諸侯持節鉞。千里控山河。漢驛雙旌度。胡沙七騎過。驚蓬連鴈起。牧馬入雲多。不賣盧龍塞。能消瀚海波。須傳出師頌。莫奏式微歌。

奉和宣城張太守南亭秋夕懷友

池館蟪蛄聲。梧桐秋露晴。月臨朱戟靜。河近畫樓明。寫秋夕妍麗捲幔浮涼入。聞鐘永夜清。片雲懸曙斗。數雁

過秋城。羽扇揚風暇。瑤琴悵別情。見懷友意。江山飛麗藻。謝朓讓詩名。

皇甫冉

送歸中丞使新羅

詔使殊方遠。朝儀舊典行。浮天無盡處。望日計前程。顰喜孤山出。長愁積水平。野風飄疊鼓。海雨溼危旌。異俗知文教。通儒有令名。還將大戴禮。方外授諸生。

河南鄭少尹城南亭送鄭判官還河東

使臣懷餞席。鄭判官。亞尹有前溪。少尹。客是仙舟裏。塗從御苑西。泉聲喧暗竹。草色引長隄。故絳青山在。新田綠樹齊。天秋聞別鶴。關曉候鳴雞。應歎沉冥者。謂自。年年津路迷。

李嘉祐

和袁郎中破賊後經剡中山水

授律仙郎貴。長驅下會稽。鳴笳山月曉。搖旆野雲低。剪寇人皆賀。回軍馬自嘶。地閒春草綠。城靜夜烏啼。破竹清閩嶺。看花入剡溪。元戎催獻捷。莫道事攀躋。寫景俱帶定破賊後下筆謹嚴

韓翃

奉送王相公赴幽州

黃閣開帷幄。丹墀侍冕旒。位高湯左相。權總漢諸侯。不改周南化。仍分趙北憂。雙旌過易水。千騎入幽州。塞草連天暮。邊聲動地秋。無因隨遠道。結束佩吳鉤。

盧綸

從軍行

二十在邊城。軍中得勇名。卷旗收敗馬。占磧擁殘兵。覆陣烏鳶起。燒山草木鳴。塞閒思遠獵。師老厭分營。雪嶺無人跡。冰河有雁聲。李陵甘此沒。惆悵漢公卿。孫武子云。鳥起者覆也。覆同伏。

逢南中使因寄嶺外故人

見說南來處。蒼梧接桂林。過秋天更暖。邊海日長陰。巴路緣雲出。蠻鄉入洞深。信迴人自老。夢到月應沉。苦心得之。碧水通春色。青山寄遠心。炎方難久客。爲爾一沾襟。

韓

澹

字未詳。江東人。大歷九年進士。以下多試帖。此體凡六韻。起聯點題。次聯寫題意。不用說盡三四聯。正寫發揮明透。五聯題後推開六聯收束。略似後代帖括體式。合格者入彀。當時才士。每細心揣摩。降格爲之。李杜二公。不能降格。終不遇也。唐人中佳者寥寥。茲取氣骨近高辭章近雅者。爲學詩人導以先路。一切祈請卑屈者。斥之。至於增加多韻變化方板巧心。濬發者自能之。無煩覘縷爲也。

清明日賜百僚新火試帖

朱騎傳紅燭。天廚賜近臣。火隨黃道見。煙遶白榆新。切新火不脫清明。榮曜分他室。恩光共此辰。更調金鼎味。還

暖玉堂人不脫灼灼千門曉輝輝萬井春應憐螢聚者瞻望及東隣以車胤自况

冷朝陽字未詳金陵人大歷中進士為薛嵩從事

立春帖試帖

玉律傳佳節青陽應北辰土牛呈歲稔彩燕表年春臘盡星迴次寒餘月建寅風光行處好雲物望中新
流水初銷凍潛魚欲振鱗梅花將柳色偏思越鄉人

于尹躬字里未詳大歷中進士元和中為中書舍人左除揚州刺史

南至日太史登臺書雲物帖試帖

至日行時令登臺約禮文官稱伯趙氏伯趙氏司至者也色辨五方雲書漏聽初發陽光望漸分司天為歲俛持簡出人羣惠愛周微物生靈荷聖君長當有嘉瑞郁郁復紛紛天官書中語

獨孤綬字里未詳大歷十年進士又舉宏辭試馴象賦德宗奇之特書第三

藏珠於淵試帖○謂不取也與沉珠意各別

至道歸淳樸明珠被棄捐失貞來照乘成性卻沈泉不是靈蛇吐猶疑合浦旋岸旁隨月落波底共星懸
致遠終無脛懷貪豈比肩欲知恭儉德所寶在唯賢結意正大

羅讓字景先迴之子舉進士宏詞賢良方正皆高第歷尚書郎散騎常侍終江西觀察使

閏月定四時帖

月閏隨寒暑疇咨定職司餘分將考日閏積算自成時時定律候行宜表陰陽運不欺氣薰灰琯驗數劫卦

辭推六歷文明序三年步暗移常知歲功立唯是奉無私易繫辭歸奇于扚以象閏六歷蔡邕議曰黃帝顓頊夏殷周魯凡六家

陸復禮字里未詳貞元八年宏詞第一

中和節詔賜公卿尺宏詞試○唐德宗朝以二月朔為中和節

春仲今初吉歡娛樂大中中和與人皇恩貞百度寶尺賜羣公欲使方隅法還令規矩同正捧觀珍寶麗

拜受聖心崇如荷丘山重思酌分寸功從茲度天地與國慶無窮

王損之字里未詳貞元十四年進士

濁水求珠帖

積水非澄澈明珠不易求依稀沈極浦想像在中流瞪目思清淺褰裳恨暗投徒看川色媚空愛夜光浮

月入疑龍吐星歸似蚌遊終希識珍者採掇在冥搜見求之不以道也不正寫

杜元穎字未詳杜陵人貞元十六年進士又舉宏詞累官司勳員外郎穆宗時為相後貶循州司馬

玉水記方流試帖○淮南子水之方折者有玉圓折者有珠

重泉生美玉積水異常流如見清堪賞因知寶在幽斗迴虹氣見上寫磬折紫光浮中矩諧明德方寫同方

叶至柔類圭才有角。寫月讓成鈎。川反異寶雖無脛。逢時願俯收。

李行敏 字里未詳貞元中宏詞科登第

觀慶雲圖 省試

縑素傳休祉。丹青狀慶雲。非煙凝漠漠。似蓋乍紛紛。尚駐從龍意。全舒捧日文。光從五色起。影向九霄分。裂素留嘉瑞。披圖賀聖君。寧同窺汗漫。方此睹氛氲。

李虞中 字見之。端之子。元和中進士。累官中書舍人。知制誥。終吏部侍郎。

初日照鳳樓 帖試

旭景開宸極。朝陽燭帝居。斷霞生峻宇。通閣麗晴虛。流彩連朱檻。騰輝照綺疏。寅賓趨陛後。初日鳳樓並見義駕奉車初。黃道龍光合。丹輦鳥翼舒。倘蒙迴一顧。願上十輝書。周禮春官。既禋進十輝之法。以觀妖祥。辨吉凶。既禋官名。輝。日旁氣數也。

沈亞之 字下賢。吳興人。元和進士。歷殿中侍御史。後謫南康尉。

春色滿皇州 帖試

何處春暉好。偏宜在雍州。花明夾城道。柳暗曲江頭。風軟游絲重。光融瑞氣浮。鬪雞憐短草。乳燕傍高樓。繡轂盈香陌。新泉溢御溝。行看日近處。進騎似川流。

裴夷直 字禮卿。河東人。登進士第。文宗時官中書舍人。歷任刺史。終散騎常侍。

觀淬龍泉劍帖

歐冶將成器。風胡幸見逢。發礪思剗玉。投水化為龍。是詎肯藏深匣。終期用剗鐘。白帖干將之劍。剗鐘

劉得仁字里未詳。係貴主之子。長慶中。即以詩名。後卒未遇。

蓮花峯試

太華萬餘重。峯堯最上峯。當秋倚寥泬。人望似芙蓉。翠拔千尋直。青危一朵穠。琢句氣分毛女秀。靈有羽人蹤。倒影侵官路。流香激廟松。藕如船十丈。望裏豁心胸。

願况

送從兄使新羅

六氣銅渾轉。三光玉律調。何宮清奉賚。海岳宴來朝。地絕提封入。天平錫貢饒。揚威輕破虜。柔服恥征遼。
曙色黃金闕。寒聲白鷺潮。樓船非習戰。入奉使驄馬是嘉招。帝女飛銜石。以下一路經行海島鮫人賣淚綃。管寧雖不偶。徐市倘相邀。獨島懸空翠。孤霞上沆寥。蟾蜍同漢月。蠓螬異秦橋。水豹橫吹浪。花鷹迥拂霄。晨裝凌莽渺。夜泊記招搖。幾路通圓嶠。何山是沃焦。颯風晴汨起。陰火暝潛燒。鬢髮成新髻。人參長舊苗。扶桑銜日近。析木帶津遙。夢向愁中積。魂當別處銷。臨川思結網。見彈欲求鶚。共散羲和歷。以到新羅。頑朔誰差甲子朝。滄

浪伏忠信譯語辨謳謠。疊鼓鯨鱗隱。陰帆鷁首飄。南溟隨大翼。西海飲文鰲。指景尋靈草。排雲聽洞簫。封侯萬里外。未肯後班超。結得有力風骨未高才情煥發

殷 寅 字未詳陳郡人。事母以孝。聞。應宏。詞科。為永寧尉。

玄元皇帝應見賀聖祚無疆八 韻

應歷生周日。修祠表漢年。復茲秦嶺上。更似霍山前。昔贊神功啓。武德年今符聖祚延。天寶年已題金簡字。仍

訪玉堂仙。容祖光元始。曾孫體又玄。言因六夢接。周禮春官占夢以日。月星占夢之吉凶。慶叶九齡傳。北闕心超矣。南山壽

固然。無由同拜慶。竊忭賀陶甄。舊唐書開元二十年四月。田同秀稱於京師。永昌街空中見玄元皇帝。以天觀之。側天寶元年正月。田同秀稱於京師。永昌街空中見玄元皇帝。以天

下太平聖壽無疆八言傳於今上。又云桃林縣故關令尹喜宅旁有靈寶符。發使求而得之。獻於含元殿。高祖武德三年。吉善行於羊角山。見白衣老父。曰。為我語。唐天子。吾是老君。即汝祖也。高祖即遣使致祭。立廟於其地。

陸 贄 字敬輿。嘉興人。年十八登進士第。又中博學宏詞科。德宗立。召為翰林學士。朱泚反。帝如入相事之。不可者。力爭之。或規其太過。贄曰。吾上不負天子。下不負所學。違他恤乎。裴延齡搆之。貶忠州別駕。卒。後贈兵部侍郎。諡曰宣。

禁中春松帖

陰陰清禁裏。蒼翠滿春松。雨露恩偏近。陽和色更濃。高枝分曉日。虛吹雜宵鐘。香助鑪煙遠。形疑蓋影重。願符千載壽。不羨五株封。倘得迴天眷。全勝老碧峯。秦王封泰山逢疾風暴雨得松樹庇之封為五大夫非五株也。然唐人誤認者多。

白居易

微之整集舊詩及文筆為百軸以七言長句寄樂天樂天次韻酬之餘思未盡加為六韻重寄

七言長律不另列附五言中

海內聲華併在身。篋中文字絕無倫。遙知獨對封章草。忽憶同為獻納臣。走筆往來盈卷軸。自注予與微之前後寄和詩數百篇近代無如此多者也除官遞互掌絲綸。予除中書舍人微之撰制詞制從長慶辭高古微之高古始繼俗體繼者效之詩到元和體變新。衆稱元白為千字或號元和格各有文姬才稚齒。蔡邕無兒有女瑛字文姬俱無通子繼餘塵陶潛小兒琴書何必求王粲與女猶勝與外人

泛太湖書事寄微之

煙渚雲帆處處通。飄然舟似入虛空。玉杯殘酌巡初匝。金管徐吹曲未終。黃夾纈林寒有葉。碧琉璃水淨無風。避旗飛鷺翻翻白。驚鼓跳魚跋刺紅。澗雪壓多松偃蹇。巖泉滴久石玲瓏。自注所見勝景多記在湖中石上吟作新詩寄浙東。軍府威容從道盛。江山氣色定知同。報君一事君應羨。五宿澄波皓月中。

元稹

賦得數萼試帖。○堯時有草夾階而生。每月朔日一莢生。至十五日而足。十六日一莢落。至晦而盡。月小一莢厭而不落。

將課司天歷。先觀近砌萼。一句開應月。五日數從星。桂滿叢初合。蟾虧影漸零。辨時長有素。數閏或餘青。

墜葉推前事。新芽察未形。堯年始今歲。方欲瑞千齡。

徐嶷

送日本使還

絕國將無外。扶桑更有東。來朝逢聖日。歸去及秋風。夜汎潮迴際。晨征莽蒼^上聲。中。鯨波騰水府。蜃氣狀仙宮。天眷何期遠。王文久已同。相望杳不見。離思托飛鴻。獨有盛唐數家數。

張繼

送判官往陳留

齊宋分巡地。頻年此用兵。女停襄邑杼。農廢汝陽耕。使者乘軺去。諸藩擁節迎。深仁佐君子。薄賦恤黎甿。火燎原猶熱。風搖海未平。應將否泰理。一問魯諸生。兵荒之後。以深仁薄賦。期之得贈人以言之意。

武元衡

途次近蜀驛蒙恩賜寶刀及飛龍廐馬使還因寄李鄭二中書

草草事行役。遲遲出故關。碧幢遙隱霧。紅旆漸依山。感激酬恩淚。風霜去國顏。捧刀金錯字。歸馬玉連環。威鳳翔雙闕。征夫護百蠻。應憐宣室召。溫樹不同攀。

裴度

中書郎事

有意効承平。無功答聖明。灰心緣忍事。霜鬢爲論兵。道直身還在。大臣器恩深命轉輕。鹽梅虛擬議。葵藿是平生。白日常懸照。蒼蠅謾發聲。言君鑒其誠。諷人亦不得逞其技也。高陽舊田里。終使謝歸耕。

中和節詔賜公卿尺帖試帖

陽和行慶賜。尺度爲臣工。寵賚乘佳節。傾心立大中。短長思合製。遠近貴攸同。共荷裁成德。將酌分寸功。作程施有用。垂範播無窮。願續延洪壽。千春奉聖躬。尙書天降割于我家。不少延。洪惟我幼冲人。孔傳以延洪作句釋云。延長也。洪大也。借尺意以祝聖壽。最

有關係。後人改南山遂成套語。

韓愈

送鄭尙書赴南海

番禺軍府盛。欲說暫停盃。蓋海旗幟出。連天觀閣開。銜時龍戶集。上日馬人來。風靜鷄鶻去。官廉蚌蛤迴。貨通師子國。樂奏武王臺。事事皆殊異。無嫌屈大才。龍戶。採珠戶也。○馬人。因馬授留南蠻。去後。有不去者。十三戶。隋末。衍至三百戶。皆姓馬。俗以爲馬留人。

學諸進士作精衛銜石填海

鳥有償冤者。終年抱寸誠。口銜山石細。心望海波平。渺渺功難見。區區命已輕。人皆譏造次。我獨賞專精。豈計休無日。惟應畢此生。何慚刺客傳。不著報讎名。清空揮灑。本非試場中作。自然脫去卑靡。

柳宗元

酬婁秀才寓居開元寺早秋月夜病中見寄

客有故園思。瀟湘生夜愁。病依居士室。夢繞羽人邱。味道憐知止。遺名得自求。壁空殘月曙。門掩候蟲秋。 繆委雙金重。難徵雜佩酬。碧霄無枉路。徒此助離憂。

賈島

別徐明府

抱琴非本意。生事偶相縈。口尙袁安節。身無子賤名。地寒春雪盛。山淺夕風輕。百戰餘荒野。千夫漸偶耕。 一杯宜獨夜。孤客戀交情。明日疲驂去。蕭條過古城。

李商隱

戲贈張書記

別館君孤枕。空庭我閉關。池光不受月。野氣欲沈山。星漢秋方會。關河夢幾還。危絃傷遠道。明鏡惜紅顏。
四句言張之室家相念。 古木含風久。平蕪盡日閒。心知兩愁絕。不斷若連環。
足相念意。戲意在言外。

武侯廟古柏

蜀相階前柏。龍蛇捧闕宮。陰成外江畔。老向惠陵東。大樹思馮異。甘棠憶召公。葉彫湘燕雨。枝折海鷗風。

玉壘經綸遠，金刀歷數終。誰將出師表，一爲報昭融。

月照冰池省試

皎月方離海，分堅冰正滿池。金波雙激射，二句璧彩對參差。影占徘徊處，四句光含的皪時。高低連素色，

上下接清規。顧兔飛難定，潛魚躍末期。鵲驚俱欲繞，狐聽始無疑。似鏡將盈手，如霜恐透肌。復合寫獨憐

游翫意，達曉不知疲。

有感爲甘露之變而作，前一首恨李訓鄭注之淺謀，後一首告文宗之誤任非人也。

九服歸元化，三靈叶睿圖。如何本初輩，自取屈釐誅。訓法欲學袁紹之誅宦官，自取劉屈釐之腰斬也。有甚當車泣，因勞下殿趨。

何成奏雲物，指奏日露直是滅萑苻。比王涯諸臣爲萑苻之盜，諛矣。證逮符書密，辭連性命俱。竟緣尊漢相，不早辨胡雛。上衍謂石

勒有異志，鬼籙分朝部。軍烽照上都，敢云堪慟哭。未免怨洪爐，清平之世，橫戮大臣，由訓注淺謀自取也。至使天子下殿無辜，證逮不亦可哀之甚哉。

丹陛猶敷奏，彤廷歛戰爭。臨危對盧植，始悔用龐萌。董卓欲廢主另立，盧植不從，龐萌御仗收前殿，兵徒光武素親信，後萌反，帝始有悔心。

劇背城，蒼黃五色棒。掩遏一陽生，事在十月古有清君側。今非乏老成，素心雖未易。此舉太無名，誰暝銜冤

目。寧吞欲絕聲。近聞開壽讌，不廢用咸英。變起倉卒，方悔信任之誤。君側非不可清，寔不得老成之人共謀也。一時死者銜冤，生者飲恨，而開成元年上元賜百寮讌飲。

何樂而爲此耶。

大庾平後移家到永樂縣居書懷十韵寄劉韋二前輩二公嘗於此縣寄居

驅馬遼河干。家山照露寒。依然五柳在。况值百花殘。昔去驚投筆。今來分挂冠。不憂懸磬乏。乍喜覆盂安。甌破寧迴顧。孟敏事舟沉豈暇看。聶友事脫身離虎口。移疾就豬肝。閔仲事髻入新年白。顏非舊日丹。自悲秋穫少。誰懼夏畦難。逸志忘鴻鵠。清香披蕙蘭。還持一杯酒。坐想二公權。

杜牧

題永崇西平王宅太尉愬院六韻

天下無雙將。關西第一雄。授符黃石老。學劍白猿翁。矯矯雲長勇。恂恂卻縠風。家呼小太尉。國號大梁公。半夜龍驤去。雪夜擒吳元濟事中原虎穴空。隴山兵十萬。嗣子握瑠弓。

公乘億字壽仙。魏人。咸通中進士。為魏博節度使。樂彥禎從事。後加授侍郎。

郎官上應列宿帖試

北極佇文昌。南宮早拜郎。紫泥乘帝澤。銀印佩天光。緯結三臺側。鈎連四輔傍。寫列宿亦雙闕郎官佐商依傳說。列宿仕漢笑馮唐。郎官委佩搖秋色。峨冠帶曉霜。唐制郎官每兼御史自然符列象。千古耀巖廊。

馬戴

水始冰府試

南池寒色動。北陸歲陰生。薄薄流澌聚。灘灘翠激平。暗霑霜稍厚。迴照日還輕。是始冰乳竇懸殘滴。湘流減

恨聲句巧。那堪金井貯。會映玉壺清。潔白心誰識。空期飲此明。

張喬

月中桂州試

與月轉洪濛。扶踈萬古同。根非生下土。葉不墮秋風。密葉圓時足。二語低枝缺處空。影高羣木外。二語自然香滿一輪中。未種丹霄日。應虛白兔宮。何當因羽化。細得問元功。

杜荀鶴

御溝新柳帖試

律到九重春。溝連柳色新。細籠穿禁水。輕拂入朝人。口近韶光早。天低聖澤勻。谷鶯栖欲穩。宮女畫難真。楚國空搖浪。隋隄暗惹塵。何如帝城裏。先得覆龍津。

焦郁一作周存

賦得白雲向空盡帖試

白雲生遠岫。搖曳入晴空。乘花隨舒卷。無心任始終。欲銷仍帶日。將斷不因風。勢薄飛難見。天高色易窮。影收元氣表。光滅太虛中。倘若乘龍去。還施潤物功。刻畫無痕。試帖中名作。

李景隴字未詳。西人。

都堂試士日慶春雪帖

密雪分天路。羣才坐粉廊。一起全意已見。萬空迷晝景。臨宇借寒光。似暖花融地。雪無聲。玉滿堂。灑詞偏誤曲。留

硯或因方。二句從試幾處曹風比。何人誦賦長。春暉早相照。莫滯九衢芳。曲有誤。周郎顧句從試士自謙。曲名白雪。亦可牽入因方謝惠

逆雪賦或因方而為珪。着留硯二字亦與試士關。合也。曹風麻衣如雪。唐時士子入試俱穿白衣。

梁 鈇詳未

天門街觀榮王聘妃帖

帝子乘龍夜。三星照戶前。兩行宮出火。十里道鋪筵。羅綺明中識。簫韶暗裏傳。燈攢九華扇。帳撒五銖錢。

交翼文鴛合。和鳴彩鳳連。欲知來日美。雙拜紫微天。王與妃雙收。

黃 滔字文江。莆田人。乾寧二年進士。光化中官監察御史。襄行王審知據閩。中州人避地者多主於滔。

內出白鹿宣示百官省試

上瑞何曾乏。毛羣表色難。珍於四靈外。宣示百僚觀。形奪場駒潔。光交月兔寒。以白駒白兔作觀。已馴瑤草列。孤

立雪花團。戴豸慚端士。抽毫躍史官。貴臣歌咏日。皆作白麟看。

徐 夔字昭夢。莆田人。乾寧中進士。授秘書省正字。依王審知不合。歸隱延壽溪。

東風解凍帖

暖氣發蘋末。二句凍痕銷水中。扇冰初覺泮。吹海旋成空。二句入律三春變。又一句朝宗萬里通。岸分天影閣。四句渾寫後景。色照日光融。波起輕搖綠。鱗游乍躍紅。殷勤拂弱羽。飛翥趁和風。

僕陽瓘

出籠鶴京兆府試

玉鏃分花裏。金鈴出彩籠。搖心長捧日。逸翮鎮生風。一點青霄裏。千聲碧落中。英字星眸隨狡兔。霜爪落飛鴻。每念提攜力。嘗懷搏擊功。以君能惠好。不敢沒遙空。

無名氏

霜隼下晴臯帖試

九臯霜氣勁。翔隼下初晴。風動閒雲卷。星馳白草平。稜稜方厲疾。肅肅自縱橫。中有霜字在掠地秋毫迴。投身逸翮輕。高墉全失影。逐雀作飛聲。薄暮寒郊外。悠悠萬里清。

無名氏

古鏡府試

舊是秦時鏡。今藏古匣中。龍盤初挂月。鳳舞欲生風。硯滴方諸水。庭懸軒帝銅。應祥知道泰。鑑物覺神通。肝膽誠難隱。妍媸豈易窮。幸依君子室。長得免塵蒙。

卷十九

五言絕句

文宗皇帝

宮中題

太和元年殺王涯鄭注後仇士良專權上遊幸往往獨語左右莫敢進因賦此

輦路生秋草。上林花滿枝。憑高何限意。無復侍臣知。

虞世南

詠蟬

垂緜飲清露。流響出疎桐。居高聲自遠。非是藉秋風。詠蟬者每詠其聲此獨尊其品格

王勃

江亭月夜送別

江送巴南水。山橫塞北雲。津亭秋夜月。誰見泣離羣。意雖未深却爲正聲之始

盧照隣

曲池荷

浮香繞曲岸。圓影覆華池。常恐秋風早。飄零君不知。言外有抱才不遇。早年零落之感。

章承慶

南行別弟

萬里人南去。三春鴈北飛。未知何歲月。得與爾同歸。斷句以自然爲宗。此種最是難到。

宋之問

送杜審言

臥病人事絕。嗟君萬里行。河橋不相送。江樹遠含情。

渡漢江

嶺外音書斷。經冬復歷春。近鄉情更怯。不敢問來人。卽老杜反畏消息來。寸心亦何有意。

張說

蜀道後期

客心爭日月。來往預期程。秋風不相待。先到洛陽城。以秋風先到形出。已之後期。巧心潛發。

蘇頲

汾上驚秋

北風吹白雲。萬里渡河汾。心緒逢搖落。秋聲不可聞。

將赴益州題小園壁

歲窮將益老。春至卻辭家。可惜東園樹。無人也作花。

張九齡

自君之出矣

自君之出矣。不復理殘機。思君如滿月。夜夜減清輝。巧思全在滿字出。

照鏡見白髮

宿昔青雲志。蹉跎白髮年。誰知明鏡裏。形影自相憐。曲江抱伯仲伊呂之志。而令其蹉跎以老。唐室所以衰也。中藏得任用匪人之意。

王

適幽州人。武后時。糊名考選入。第二等官。至雍州司功參軍。

江上梅

忽見寒梅樹。花開漢水濱。不知春色早。疑是弄珠人。

盧

僕中宗時人。自聞喜尉入。爲學士。終吏部員外郎。

南樓望

去國三巴遠。登樓萬里春。傷心江上客。不是故鄉人。

崔國輔

魏宮詞

朝日照紅粧。擬上銅雀臺。畫眉猶未了。魏帝使人催。魏帝指曹丕。見父死而彰。穰也。卞后顯言之。此詩婉言之。

怨詞

妾有羅衣裳。秦王在時作。爲舞春風多。秋來不堪著。

崔曙

雨中送客

別愁復兼雨。別淚還如霰。寄言海上雲。千里長相見。

崔顥

長干曲二首

長干里在
上元縣

君家住何處。妾住在橫塘。停舟暫借問。或恐是同鄉。不必作桑濮看。○橫塘在應天府。近長干。

家臨九江水。來去九江側。同是長干人。生小不相識。此答前問詞。

儲光羲

江南曲

日暮長江裏。相邀歸渡頭。落花如有意。來去逐船流。艷而不襲。

王維

臨高臺送黎拾遺

古樂府有臨高臺曲。

相送臨高臺。川原杳無極。日暮飛鳥還。行人去不息。寫離情能

鳥鳴澗

人閑桂花落。夜靜春山空。月出驚山鳥。時鳴春澗中。諸咏聲息臭味迥出常格之外。任後人摹仿不到其故難知。

鷓鴣堰

乍向江蓮沒。復出青蒲颺。獨立何欒褱。銜魚古壘上。

孟城坳

新家孟城口。古木餘衰柳。來者復爲誰。空悲昔人有。言後我而來者不知何人。又何必悲昔人之所有耶。達人每作是想。

鹿柴

空山不見人。但聞人語響。返景入深林。復照青苔上。佳處不在語言。與陶公采菊東籬下。悠然見南山同。

竹里館

獨坐幽篁裏。彈琴復長嘯。深林人不知。明月來相照。

辛旻塢

木末芙蓉花。山中發紅萼。澗戶寂無人。紛紛開且落。幽極。○借用楚詞。因顏色相似也。

山中送別

山中相送罷。日暮掩柴扉。春草年年綠。王孫歸不歸。

雜咏

已見寒梅發。復聞啼鳥聲。心視春草長。畏向玉階生。君自故鄉來。應知故鄉事。來日綺窗前。寒梅著花未。

答裴迪輞口遇雨憶終南山之作

淼淼寒流廣。蒼蒼秋雨晦。君問終南山。心知白雲外。

息夫人寧王取竇餅者妻。問曰。汝憶餅師否。默。不對。維時在坐。卽席吟詩。王因還之。

莫以今時寵。難忘舊日恩。看花滿眼淚。不共楚王言。

相思子

紅豆生南國。春來發幾枝。勸君休採擷。此物最相思。

田園樂

六言不能更列。一體附五言後。

采菱渡頭風急，策杖林西日斜。
杏樹壇邊漁父，桃花源裏人家。
山下孤煙遠邨，天邊獨樹高元。
一瓢顏回陋巷，五柳先生對門。
桃紅復含宿雨，柳綠更帶朝煙。
花落家僮未掃，鳥啼山客猶眠。

孟浩然

宿建德江

移舟泊煙渚，日暮客愁新。
野曠天低樹，江清月近人。
下半寫景面客愁自見。

祖詠

望終南殘雪

紀事云：有司以此題試士，詠成四句，納於有司，問之曰：意盡而止。

終南陰嶺秀，積雪浮雲端。
林表明霽色，城中增暮寒。

王昌齡

題僧房

棕櫚花滿院，苔蘚入閒房。
彼此名言絕，空中聞異香。

朝來曲

日昃鳴珂動，花連繡戶春。
盤龍玉臺鏡，唯待畫眉人。

高適

哭單父梁少府

開篋淚沾臆。見君前日書。夜臺今寂寞。猶是子雲居。

岑參

見渭水思秦川

渭水東流去。何時到雍州。憑添兩行淚。寄向故園流。

題平陽郡汾橋邊柳樹

此地曾居住。今來宛似歸。可憐汾上柳。相見也依依。

九日思長安故園

強欲登高去。無人送酒來。遙憐故園菊。應傍戰場開。可悲在戰場二字。

王之渙

之渙并州人。兄之咸。皆能詩。之渙與王昌齡高適倡和名重於時。

登鸛雀樓

白日依山盡。黃河入海流。欲窮千里目。更上一層樓。四語皆對。讀去不嫌其排。骨高故也。

送別

楊柳東門樹。青青夾御河。近來攀折苦。應爲別離多。

邱 爲

左掖梨花

此亦奉詔作

冷豔全欺雪。餘香乍入衣。春風且莫定。吹向玉階飛。

李

字遐叔。趙郡人。開元二十三年進士。天寶二年。博學宏詞。皆爲科首。官右補闕。以風痺廢。嘗爲元德秀墓碑。顏真卿書。李陽冰篆額。時稱三絕。

奉寄彭城公

公子三千客。人人願報恩。應憐抱關者。貧病老夷門。

薛奇童

吳聲子夜歌

淨掃黃金階。飛霜皎如雪。下簾彈箜篌。不忍見秋月。

李 白

玉階怨

玉階生白露。夜久侵羅襪。却下水晶簾。玲瓏望秋月。妙在不明說怨。

夜思

牀前明月光，疑是地上霜。舉頭望山月，低頭思故鄉。旅中情思，雖說明却不說盡。

敬亭獨坐

衆鳥高飛盡，孤雲獨去閒。相看兩不厭，只有敬亭山。傳獨坐之神，與前一首同。

青溪半夜聞笛

羌笛梅花引，吳溪隴水清。寒山秋浦月，腸斷玉關情。

勞勞亭古送別之所，在江寧縣南。

天下傷心處，勞勞送客亭。春風知別苦，不遣柳條青。

杜甫

復愁

萬國尙防寇，故園今若何。昔歸相識少，早已戰場多。先言今，追言昔，早已二字無限傷情。

歸鴈

東來萬里客，亂定幾年歸。腸斷江城雁，高高向北飛。

八陣圖在魚復平沙之上，陣勢有八，天地風雲龍虎鳥蛇也。

功蓋三分國，名成八陣圖。江流石不轉，遺恨失吞吳。吳蜀唇齒，不應相讎，失吞吳，失策於吞吳，非謂恨未會吞吳也。隆中初見時已云：東連孫權，北拒曹操矣。

劉長卿

逢雪宿芙蓉山

日暮蒼山遠。天寒白屋貧。柴門聞犬吠。風雪夜歸人。

送上人

孤雲將野鶴。豈向人間住。莫買沃洲山。時人已知處。有三宿桑下已嫌其遲意蓋飄之也。

送靈澈上人

蒼蒼竹林寺。杳杳鐘聲晚。荷笠帶斜陽。青山獨歸遠。

錢起

江行無題

咫尺愁風雨。匡廬不可登。祇疑雲霧裏。猶有六朝僧。

逢俠者

燕趙悲歌士。相逢劇孟家。寸心言不盡。前路日將斜。

韋應物

宿永陽寄璨師

遙知郡齋夜。凍雪封松竹。時有山僧來。懸燈獨自宿。

秋夜寄邱員外

懷君屬秋夜。散步詠涼天。山空松子落。幽人應未眠。絕幽

登樓

茲樓日登眺。流歲暗蹉跎。坐厭淮南守。秋山紅樹多。

聞鴈

故園渺何處。歸思方悠哉。淮南秋雨夜。高齋聞鴈來。歸思後說聞鴈其情自深一倒轉說則近人能之矣

劉方平

長信宮

夢裏君王近。宮中河漢高。秋風能再熱。團扇不辭勞。翻用古意見其敦厚

采蓮曲

落日清江裏。荆歌豔楚腰。采蓮從小慣。十五卽乘朝。

春雪

飛雪帶春風。徘徊亂繞空。君看似花處。偏在洛城中。天寒風雪獨宜於富貴之家卻說來蘊藉

唐詩別裁 四 五言絕句

暢 當河東人初從軍大曆中成進士官果州刺史

登鶴雀樓

迥臨飛鳥上。高出世塵間。天勢圍平野。河流入斷山。不減王

耿

漳河東人寶應中進士官左拾遺

秋日

返照入閭巷。憂來誰與語。古道無人行。秋風動禾黍。

顧况

憶舊遊

悠悠南國思。夜向江南泊。楚客斷腸時。月明楓子落。

盧綸

塞下曲二首

林暗草驚風。將軍夜引弓。平明尋白羽。沒在石稜中。

月黑鴈飛高。單于遠遁逃。欲將輕騎逐。大雪滿弓刀。雄

贈李果毅

向日磨金鏃。當風著錦衣。上城邀賊語。走馬截鵬飛。

李端

聽箏

鳴箏金粟柱。素手玉房前。欲得周郎顧。時時誤拂絃。吳綏眉謂因病致妍語妙。

拜新月

開簾見新月。即便下階拜。細語人不聞。北風吹裙帶。對月訴情人自不聞語也。近子夜歌。

溪行遇雨寄柳中庸

日落衆山昏。瀟瀟風雨繁。那堪兩處宿。共聽一聲猿。

皇甫曾

送王司直

西塞雲山遠。東風道路長。人心勝潮水。相送過潯陽。潮水過潯陽。

淮口寄趙員外

欲逐淮潮上。暫停魚子溝。相望知不見。終是屢回頭。

司空曙

金陵懷古

輦路江楓暗。宮庭野草春。傷心庾開府。老作北朝臣。庾信聘於北周。遂留之官。開府儀同三司。時陳氏通好。南北之士各選故國。而周獨不遣信。此哀江南賦

所以作也。

送盧秦卿

知有前期在。難分此夜中。無將故人酒。不及石尤風。石尤風。打頭逆風。宋武帝詩。願作石尤風。因而斷行旅。送人時致留人意。

金昌緒臨安人。

春怨一作無名氏伊州歌。

打起黃鶯兒。莫教枝上啼。啼時驚妾夢。不得到遼西。語音一何脆。○一氣蟬聯而下者。以此爲法。

柳淡字中庸。京兆人。官洪府戶曹。

江行

繁陰乍隱洲。落葉初飛浦。蕭蕭楚客帆。暮入寒江雨。

李益

鷓鴣詞

湘江斑竹枝。錦翅鷓鴣飛。處處湘雲合。郎從何處歸。

戴叔倫

題三閭大夫廟

沅湘流不盡。屈子怨何深。日暮秋風起。蕭蕭楓樹林。憂愁幽思。筆端繚繞。○屈子之

嚴

維字正文。山陰人。至德中擢辭藻宏麗科。官終祕書郎。

送人往金華

明月雙溪水。清風八詠樓。少年爲客處。今日送君遊。

朱

放字長通。襄州人。貞元中召爲拾遺。不就。

題竹林寺

歲月人間促。烟霞此地多。殷勤竹林寺。更得幾回過。

權德輿

嶺上逢久別者又別

十年曾一別。征旆此相逢。馬首向何處。夕陽千萬峯。

柳宗元

長沙驛

海鶴一爲別，存亡三十秋。今來數行淚，獨上驛南樓。

入黃溪聞猿

溪路千里曲，哀猿何處鳴。孤臣淚已盡，虛作斷腸聲。翻出新意愈苦

春懷故園

九扈鳴已晚，楚鄉農事春。悠悠故池水，空待灌園人。

江雪

千山鳥飛絕，萬徑人蹤滅。孤舟簑笠翁，獨釣寒江雪。清峭已絕。王阮亭尙書獨貶此詩何也。

劉禹錫

經檀道濟故壘

萬里長城壞，荒營野草秋。秣陵多士女，猶唱白符鳩。當時人歌曰：可憐白符鳩，枉殺檀江州。見南史。

視刀環

常恨言語淺，不如人意深。着意視字今朝兩相視，脈脈萬重心。

秋風引

何處秋風至，蕭蕭送鴈羣。朝來入庭樹，孤客最先聞。若說不堪聞便淺。

孟郊

古別離

欲別牽郎衣。郎今向何處。不恨歸來遲。莫向臨邛去。

賈島

尋隱者不遇

松下問童子。言師採藥去。只在此山中。雲深不知處。

王建

新嫁娘

三日入廚下。洗手作羹湯。未諳姑食性。先遣小姑嘗。詩到真處。一字不可移易。

行宮一作元稹詩

寥落古行宮。宮花寂寞紅。白頭宮女在。閒坐說玄宗。說玄宗不說玄宗長短佳絕。只四語已抵一篇長恨歌矣。

王涯

字廣津太原人貞元中進士舉宏詞為翰林學士元和知制誥為相尋出鎮文宗立復為相甘露之變為宦官仇士良族誅

閨人贈遠四首

花明綺陌春。柳拂御溝新。為報遼陽客。流光不待人。

鸚啼綠樹深。燕語雕梁晚。不省出門行。沙場知遠近。然如云不省出門而夢中時到沙場若知其遠近者
遠成功名薄。幽閨年貌傷。妝成對春樹。不語淚千行。
形影一朝別。煙波千里分。君看望君處。祇是起行雲。

張仲素 字繪之。河間人。官司勳員外郎。與王涯。令狐楚。同為舍人。同長五七言絕句。編三舍人集。

春閨思

鼻鼻城邊柳。青青陌上桑。提籠忘采葉。昨夜夢漁陽。楊用修謂從卷耳首章翻出。

李賀

馬詩

催榜渡烏江。神駢泣向風。君王今解劍。何處逐英雄。項羽雖以馬贈亭長。然羽既刎死。神駢必不受人騎也。十餘首中。此首寫得神駿。

張祜

宮詞

故國三千里。深宮二十年。一聲何滿子。雙淚落君前。樂府雜錄云。何滿子。開元中歌者。臨刑。歌樂府以贖死。竟不得免。曲即名何滿子。○文宗時。宮人沈阿翹

為帝舞此曲。亦舞曲也。

令狐楚 字慤。士德。棗之後。成進士。累遷至中書侍郎。同平章事。敬宗逐李紳。楚自宣武節度徙天平。入為左僕射。

從軍行

胡風千里驚。漢月五更明。縱有還家夢。猶聞出塞聲。

楊凝

柳絮

河畔多楊柳。追遊盡狹邪。春風一回送。亂入莫愁家。

施肩吾

字希聖。睦州人。元和。中。進士。慕仙跡。隱豫章西山。

湘竹詞

萬古湘江竹。無窮奈怨何。年年長春筍。只是淚痕多。

幼女詞

幼女纔六歲。未知巧與拙。向夜在堂前。學人拜新月。是幼女與細語人。不聞情事各別。

雍陶

送陳標

滿酌勸僮僕。好隨郎馬蹄。春風慎行李。莫上白銅鞮。

杜牧

江樓

獨酌芳春酒。登樓已半曛。
誰驚一行雁。衝斷過江雲。

李商隱

嘲桃

無賴天桃面。平明露井東。
春風爲開了。卻擬笑春風。
似爲負恩人寫照。

登樂遊原

向晚意不適。驅車登古原。
夕陽無限好。只是近黃昏。

許渾

塞下曲

夜戰桑乾雪。秦兵半不歸。
朝來有鄉信。猶自寄寒衣。
可與陳陶證。

于武陵

勸酒

勸君金屈卮。滿酌不須辭。
花發多風雨。人生是別離。

趙嘏

寒塘

曉髮梳臨水。寒塘坐見秋。鄉心正無限。一雁過南樓。

崔道融

班婕妤好

寵極辭同輦。恩深棄後宮。自題秋扇後。不敢怨春風。

沈如筠傳宗時
進士

閨怨

雁盡書難寄。愁多夢不成。願隨孤月影。流照伏波營。與可憐閨裏月。偏照漢家營。同妙。

雍裕之未詳

江上聞猿

楓岸月斜明。猿啼旅夢驚。愁多腸易斷。不待第三聲。

荆叔未詳

題慈恩寺塔

漢國山河在。秦陵草木深。暮雲千里色。無處不傷心。暗合少陵春望起法。

七歲女子

以下閨中及無名氏詩

送兄

如意中有七歲女子能詩武后命賦別兄應聲而成云

別路雲初起。離亭葉正飛。所嗟人異鴈。不作一行歸。

王韞秀

元載妻也。載爲相后。媿此婦人。

借夫遊秦

路掃饑寒迹。天哀志氣人。休零離別淚。攜手入西秦。作丈夫語

宮人韓氏

題紅葉

流水何太急。深宮盡日閒。殷勤謝紅葉。好去到人間。僖宗時于祐步禁衢得紅葉詩亦題一葉云曾聞葉上題詩寄阿誰後娶宮人韓氏見葉驚

曰此妾所作妾于水中亦得一葉驗之相合

張文姬

鮑參軍妻

沙上鷺

沙頭一水禽。鼓翼揚清音。只待高風便。非無雲漢心。

溪口雲

溶溶溪口雲，纔向溪中吐。不復歸溪中，還作溪中雨。音節竟是古詩。

安邑坊女子

幽恨詩

卜得上峽日，秋江風浪多。江陵一夜雨，腸斷木蘭歌。

劉采春

囉噴曲三首

不喜秦淮水，生憎江上船。載兒夫婿去，經歲又經年。不喜，生憎，是兒女子口角。

那年離別日，只道住桐廬。桐廬人不見，今得廣州書。言無定踪也。

莫作商人婦，金釵當卜錢。朝朝江上望，錯認幾人船。

薛濤

高駢席上作

聞說邊城苦，如今到始知。羞將筵上曲，唱與隴頭兒。

西鄙人

哥舒歌

北斗七星高。哥舒夜帶刀。至今窺牧馬。不敢過臨洮。與敕勤歌同是天籟。不可以工拙求之。

太上隱者

答人

偶來松樹下。高枕石頭眠。山中無曆日。寒盡不知年。語有太古風。

七言絕句

王勃

九日登高勃既廢客劍南時作

九月九日望鄉臺。他席他鄉送客杯。人今已厭南中苦。鴻雁那從北地來。似對不對。初唐標格。不得認作律詩之半。

杜審言

贈蘇書記

知君書記本翩翩。爲許從戎赴朔邊。紅粉樓中應計日。燕支山下莫經年。燕支紅粉。略見欲帶。

渡湘江此遭貶峯州而作

遲日園林悲昔遊。今春花鳥作邊愁。獨憐京國人南竄。不似湘江水北流。北人南竄。歸日無期。惟湘流向北。爲可羨也。

張說

送梁六

巴陵一望洞庭秋。日見孤峯水上浮。聞道神仙不可接。心隨湖水共悠悠。比洞庭為神仙窟宅。然身不至。惟送人之心與湖水俱遠耳。

張敬忠 開元中平盧節使使

邊詞

五原春色舊來遲。二月垂楊未挂絲。即今河畔冰開日。正是長安花落時。

王翰

涼州詞

蒲桃美酒夜光杯。欲飲琵琶馬上催。醉臥沙場君莫笑。古來征戰幾人回。故作豪飲之詞。然悲感已極。主

而第四句發之。盛唐多與此合。

王維

送元二使安西

渭城朝雨裊輕塵。客舍青青柳色新。勸君更盡一杯酒。西出陽關無故人。相傳曲調最高。倚歌者笛為之。陽關在中國外安西更在

陽關外。言陽關已無故人矣。况安西乎。此意須微參。

少年行

新豐美酒斗十千。咸陽遊俠多少年。相逢意氣爲君飲。繫馬高樓垂柳邊。

九月九日憶山東兄弟

獨在異鄉爲異客。每逢佳節倍思親。遙知兄弟登高處。遍插茱萸少一人。即陟岵詩意誰謂唐人不少近三百篇耶

送沈子福之江東

楊柳渡頭行客稀。罟師蕩槳向臨圻。唯有相思似春色。江南江北送君歸。春光無處不到送人之心猶春光也

孟浩然

送杜十四之江南

荆吳相接水爲鄉。君去春江正淼茫。日暮孤帆泊何處。天涯一望斷人腸。

王之渙

涼州詞

黃河遠上白雲間。一片孤城萬仞山。羌笛何須怨楊柳。春光不度玉門關。集異記云之渙與王昌齡高適共詣旗亭有梨園伶官十數人會

飲三人擁鑪以觀俄有妙妓四輩奏樂皆當時名部二人私相語曰我輩各擅詩名不定甲乙今諸伶所誦以詩多者爲優初謳昌齡詩次謳適詩又次復謳昌齡詩之渙指諸妓中最佳者曰待此子所唱

如非我詩終身避席矣次至雙鬢發聲果謳黃河遠上云云因大諧笑諸伶詣問因語之乃競拜乞就筵席●季千麟推王昌齡秦時明月爲壓卷王元美推王翰葡萄美酒爲壓卷王漁洋則云必求壓卷

出四章之右者矣愚謂李益之回樂峯前劉禹錫之山圍故國杜牧之烟籠寒水鄭谷之揚子江頭亦無

象雖殊亦
堪接武

常建

塞下曲

玉帛朝回望帝鄉。烏孫歸去不稱王。天涯靜處無征戰。兵氣銷爲日月光。句亦吐光

三日尋李九莊

雨歇楊林東渡頭。永和三日蕩輕舟。故人家在桃花岸。直到門前溪水流。

高適

除夜

旅館寒燈獨不眠。客心何事轉淒然。故鄉今夜思千里。霜鬢明朝又一年。作故鄉親友。思千里外人。愈有意味。

營州歌

營州少年厭原野。狐裘蒙茸獵城下。虜酒千鍾不醉人。胡兒十歲能騎馬。

別董大

千里黃雲白日曛。北風吹雁雪紛紛。莫愁前路無知己。天下何人不識君。

岑

參嘉州邊塞詩尤爲獨步

酒泉太守席上醉後歌

酒泉太守能劍舞。高堂置酒夜擊鼓。胡笳一曲斷人腸。座上相看淚如雨。

武威送劉判官赴磧西行軍

火山五月行人少。看君馬去疾如鳥。都護行營太白西。角聲一動胡天曉。

赴北庭度隴思家

西向輪臺萬里餘。也知鄉信日應疎。隴山鸚鵡能言語。爲報家人數寄書。欲鸚鵡報家人寄書思曲而苦。

磧中作

走馬西來欲到天。辭家見月兩回圓。今夜不知何處宿。平沙萬里絕人煙。投宿無所則磧中無人可知矣。

虢州後亭送李判官

西原驛路挂城頭。客散江亭雨未休。君去試看汾水上。白雲猶似漢時秋。

山房春事

梁園日暮亂飛鴉。極目蕭條三兩家。庭樹不知人去盡。春來還發舊時花。後人襲用者多。然嘉州寔爲絕調。

逢入京使

故園東望路漫漫。雙袖龍鍾淚不乾。馬上相逢無紙筆。憑君傳語報平安。人人胸臆中語。却成絕唱。

封大夫破播仙凱歌

名常清

漢將承恩西破戎。捷書先奏未央宮。天子預開麟閣待。祇今誰數貳師功。日落轅門鼓角鳴。千羣面縛出蕃城。洗兵魚海雲迎陣。秣馬龍堆月照營。

賈至

送李侍郎赴常州

雪晴雲散北風寒。楚水吳山道路難。今日送君須盡醉。明朝相憶路漫漫。

西亭春望

日長風煖柳青青。北鴈歸飛入窅冥。岳陽樓上聞吹笛。能使春心滿洞庭。

巴陵與李十二裴九汎洞庭

楓岸紛紛落葉多。洞庭秋水晚來波。乘興輕舟無近遠。白雲明月弔湘娥。前人謂末句翻太白案。試思白

翻案耶

賀知章

回鄉偶書

少小離家老大回。鄉音無改鬢毛摧。兒童相見不相識。笑問客從何處來。原本鬢毛衰。衰入四支。音司。十

正啟

離別家鄉歲月多。近來人事半銷磨。惟有門前鏡湖水。春風不改舊時波。

王昌齡

龍標絕句。深情幽怨。意旨微茫。令人測之無端。玩之無盡。謂之唐人騷語可。

憶友人水調子

孤舟微月對欄杆。分付鳴箏與客心。嶺色千重萬重雨。斷絃收與淚痕深。

芙蓉樓送辛漸

樓在潤州。

寒雨連江夜入吳。平明送客楚山孤。洛陽親友如相問。一片冰心在玉壺。言己之不奉於宦情也。

送狄宗亨

秋在水清山暮蟬。洛陽樹色鳴皋烟。送君歸去愁不盡。又惜空度涼風天。生趣。

殿前曲

昨夜風開露井桃。未央前殿月輪高。平陽歌舞新承寵。簾外春寒賜錦袍。只說他人之承寵而已之失。寵悠然而會此風之體也。

長信秋詞

牽帶平明金殿開。且將團扇共徘徊。玉顏不及寒鴉色。猶帶昭陽日影來。昭陽宮趙昭儀所居宮在東方。寒鴉帶東方日影而來見已之

不如鴉也。優柔婉麗含蘊無窮。使人一唱而三嘆。

真成薄命久尋思。夢見君王覺後疑。火照西宮知夜飲。分明複道奉恩時。下分明二字。寫夢境入微。

西宮春怨

西宮夜靜百花香。欲卷珠簾春恨長。斜抱雲和深見月。朦朧樹色隱昭陽。

從軍行四首

烽火城西百尺樓。黃昏獨坐海風秋。更吹羌笛關山月。無那金閨萬里愁。萬里之外。念及金閨能無愁乎。

青海長雲暗雪山。孤城遙望玉門關。黃沙百戰穿金甲。不破樓蘭終不還。作豪語看亦可。然作歸期無日看倍有意味。

秦時明月漢時關。萬里長征人未還。但使龍城飛將在。不教胡馬渡陰山。備胡築城起于秦漢。明月屬秦。關屬漢。互文也。○師勞力竭而

功不成。由將非其人。之故。故思飛將軍云。

大漠風塵日色昏。紅旗半卷出轅門。前軍夜戰洮河北。已報生禽吐谷渾。

張謂

送盧舉人使河源。西域傳。河有兩源。一出葱嶺。一出于闐。

故人行役向邊州。匹馬今朝不少留。長路關山何日盡。滿堂絲竹爲君愁。絲竹本以娛情。然送人萬里。之遠。則絲竹皆愁音也。警絕。

張旭 蘇州人

山中留客

山光物態弄春暉。莫爲輕陰便擬歸。縱使晴明無雨色。入雲深處亦沾衣。

卷二十

七言絕句

李

白五言絕右丞供奉。七言絕龍標供奉。絕妙古今。別有天地。○七言絕句以語近情遙。含吐不露爲貴。只眼前景。口頭語。而有絃外音。使人神遠。太白有焉。

越中懷古

越王勾殘破吳歸。戰士還家盡錦衣。宮女如花滿春殿。祇今惟有鷓鴣飛。三句說盛。一句說衰。其格獨創。

送孟浩然之廣陵

故人西辭黃鶴樓。烟花三月下揚州。孤帆遠影碧空盡。惟見長江天際流。

春夜雜陽聞笛

誰家玉笛暗飛聲。散入東風滿洛城。此夜曲中聞折柳。何人不起故園情。

峨眉山月歌

峨眉山月半輪秋。影入平羌江水流。夜發清溪向三峽。思君不見下渝州。月在清溪三峽之間。半輪亦不復見矣。君字卽指月。

橫江詞

橫江館前津吏迎。向余東指海雲生。郎今欲渡緣何事。如此風波不可行。

上皇西巡南京歌上皇歸後以蜀郡為南京

誰道君王行路難。六龍西幸萬人歡。地轉錦江成渭水。天迴玉壘作長安。

劍閣重關蜀北門。上皇歸馬若雲屯。少帝長安開紫極。雙懸日月照乾坤。二句上皇三句少帝而

黃鶴樓聞笛

一為遷客去長沙。西望長安不見家。黃鶴樓中吹玉笛。江城五月落梅花。梅花落笛中曲名

下江陵

朝辭白帝彩雲間。千里江陵一日還。兩岸猿聲啼不住。輕舟已過萬重山。寫出瞬息千里若有神助。○入猿聲一句文勢不傷於直畫家

布景設色每於此處用意

客中作

蘭陵美酒鬱金香。玉斝盛來琥珀光。但使主人能醉客。不知何處是他鄉。強作寬解之詞

秋下荆門

霜落荆門江樹空。布帆無恙挂秋風。此行不為鱸魚膾。自愛名山入剡中。明明說天下將亂。子身歸隱。卻又推開解說。此古人身分不可

及處

與賈舍人汎洞庭

洞庭西望楚江分，水盡南天不見雲。日落長沙秋色遠，不知何處弔湘君。

巴陵贈賈舍人

賈生西望憶京華，湘浦南遷莫怨嗟。聖主恩深漢文帝，憐君不遣到長沙。

望天門山

天門中斷楚江開，碧水東流至北迴。兩岸青山相對出，孤帆一片日邊來。

蘇臺覽古

舊苑荒臺楊柳新，菱歌清唱不勝春。只今惟有西江月，曾照吳王宮裏人。

贈汪倫

李白乘舟將欲行，忽聞岸上踏歌聲。桃花潭水深千尺，不及汪倫送我情。若說汪倫之情，比於潭水，只在一轉換間。

清平調

天寶中，沉香亭牡丹盛開，上曰：賞名花對妃子，焉用舊樂？宣李白進清平調三章。
白帶醉立賦，上命樂工，運其聲以媚之。清平調，清調平調，本房中樂，此合用之也。

章詠花三章合，詠殊近執滯。

一、枝紅豔露凝香，雲雨巫山枉斷腸。借問漢宮誰得似，可憐飛燕倚新粧。初太真持七寶盃，酌葡萄酒笑領歌，意後高力士謂飛燕比擬。

輕薄太真譖於上因而遣之

名花傾國兩相歡。常得君王帶笑看。解釋春風無限恨。沉香亭北倚闌干。本言釋天子之愁恨。託以春風措詞委婉。

聞王昌齡左遷龍標遙有此寄

楊花落盡子規啼。聞道龍標過五溪。我寄愁心與明月。隨風直到夜郎西。即將心寄明月。流影入君懷。意出以搖曳之筆語。意一新。

杜

甫少陵絕句直抒胸臆。自是大家氣度。然以為正聲。則未也。宋人不善學之。往往流於粗率。楊廉夫謂學杜須從絕句入。真欺人語。

贈花卿集註花卿名敬定劍南節度使

錦城絲管日紛紛。半入江風半入雲。此曲祇應天上有人間。能得幾回聞。楊用修謂花卿在蜀。僭用天子禮樂。子美作此諷之。而意在言外。

書堂欲既夜復邀李尚書下馬月下賦

湖月林風相與清。殘尊下馬復同傾。久拚野鶴如雙鬢。說以便與下句相對遮莫鄰雞下五更。

江南逢李龜年

岐王宅裏尋常見。崔九堂前幾度聞。正是江南好風景。落花時節又逢君。含意未伸。有案無斷。

嚴

武字季鷹。挺之子。哥舒翰奏充判官。累為劍南東川節度使。尋遷黃門侍郎。復為劍南節度等使。遷吏部尚書。封鄭國公。

軍城早秋

昨夜秋風入漢關，朔雲邊月滿西山。
更催飛將追驕虜，莫遣沙場匹馬還。
英爽與少陵作魯衛。

孟雲卿

寒食

二月江南花滿枝，他鄉寒食遠堪悲。
貧居往往無烟火，不獨明朝爲子推。

劉長卿

送李判官之潤州行營

萬里辭家事鼓鼙，金陵驛路楚雲西。
江春不肯留行客，草色青青送馬蹄。

重送裴郎中貶吉州

猿啼客散暮江頭，人自傷心水自流。
同作逐臣君更遠，青山萬里一孤舟。
時文房亦貶爲南巴尉，吉州去京師更遠於南巴。

酬李穆見寄

孤舟相訪至天涯，萬里雲山路更賒。
欲掃柴門迎遠客，青苔黃葉滿貧家。
劉后村謂魏瑩林逋俱不能及。

七里灘送嚴維

秋江渺渺水空波，越客孤舟欲榜歌。
手折衰楊悲老大，故人零落已無多。

錢起

歸雁

瀟湘何事等閒回。作呼起語三四相應水碧沙明兩岸苔。二十五弦彈夜月。不勝清怨卻飛來。琴中有歸雁操故從操中落想

暮春歸故山草堂

谷口春殘黃鳥稀。辛夷花盡杏花飛。始憐幽竹山窗下。不改清陰待我歸。

秋夜送趙冽歸襄陽

斗酒忘言良夜深。紅萱露滴鵲驚林。夜景欲知別後思今夕。漢水東流是寸心。漢通襄陽

韋應物

登樓寄王卿

踏閣攀林恨不同。楚雲滄海思無窮。數家砧杵秋山下。一郡荆榛寒雨中。

寒食寄諸弟

雨中禁火空齋冷。江上流鶯獨坐聽。把酒看花想諸弟。杜陵寒食草青青。

休日訪人不遇

九日驅馳一日閒。尋君不遇又空還。恁來詩思清人骨。門對寒流雪滿山。

滁州西澗

獨憐幽草澗邊生。上有黃鸝深樹鳴。春潮帶雨晚來急。野渡無人舟自橫。起二句與下半無關。○下半小人在上。此輩難與言詩。○何良俊曰。大清樓帖中刻有章公手書。澗邊行。非生也。尚有非上也。其為傳刻之譌無疑。稱勝于生字上字。

張朝潤州人。

江南行

茨菰葉爛別西灣。蓮子花開不見還。妾夢不離江上水。人傳即在鳳凰山。總以行踪无定言。在水在山俱難實指。

張繼字懿孫。襄州人。天寶末進士。大曆末授祠部員外郎。

楓橋夜泊

月落烏啼霜滿天。江楓漁火對愁眠。姑蘇城外寒山寺。夜半鐘聲到客船。塵市喧闐之處。只聞鐘聲。荒涼寥寂。可知。

閩門卽事

耕夫召募逐樓船。春草青青萬頃田。試上吳門窺郡郭。清明幾處有新煙。

韓翃

送客之鄂州

江口千家帶楚雲。江花亂點雪紛紛。春風落日誰相見。青翰舟中有鄂君。鄂君。楚王母弟也。見越人歌。總形其孤行之寂。

寒食燭以傳火。清明日取榆柳之火。賜近臣。此唐制也。

春城無處不飛花。寒食東風御柳斜。日暮漢宮傳蠟燭。輕烟散入五侯家。
五侯或指王氏五侯。或指宦官與梁冀之五侯。總之先及貴近也。

少年行

千點斑斕噴玉驄。青絲結尾繡纏鬃。鳴鞭曉出章臺路。葉葉春衣楊柳風。

皇甫冉

答張繼

悵望南徐登北固。迢遙西塞阻東關。落日臨川問音信。寒潮惟帶夕陽還。

送魏十六

秋夜沉沉此送君。陰蟲切切不堪聞。歸舟明日毘陵道。回首姑蘇是白雲。

司空曙

峽口送友

峽口花飛欲盡春。天涯去住淚沾巾。來時萬里同爲客。今日翻成送故人。
客中送客。自難爲情。况又萬里之遠。耶。况又同爲客耶。

江村卽事

釣罷歸來不繫船。江村月落正堪眠。縱然一夜風吹去。只在蘆花淺水邊。
三四語全從不繫生出。

唐詩別裁 四 七言絕句

于鵠貞元間詩人隱居漢陽不出

江南曲

偶向江邊採白蘋，還隨女伴賽江神。
衆中不敢分明語，暗擲金錢卜遠人。

李涉

宿武關

遠別秦城萬里遊，亂山高下入商州。
關門不鎖寒溪水，一夜潺湲送客愁。

李益七言絕句中唐以李庶子劉賓客爲最音節神韻可追逐龍標供奉

夜上受降城聞笛

回樂峯前沙似雪，受降城外月如霜。
不知何處吹蘆管，一夜征人盡望鄉。絕唱

從軍北征

天山雪後海風寒，橫笛偏吹行路難。
碛裏征人三十萬，一時回首月中看。

拂雲堆

漢將新從虜地來，旌旗半上拂雲堆。
單于每向沙場獵，南望陰山哭幾回。

春夜聞笛

寒山吹笛喚春歸。遷客相逢淚滿衣。洞庭一夜無窮雁。不待天明向北飛。

聽曉角

邊霜昨夜墮關榆。吹角當城片月孤。無限塞鴻飛不度。秋風吹入小單于。樂府唐大角曲有大單于小單于。○塞鴻聞角聲尙不能飛度。

况小單曲吹入征人耳。乎與受降城一首相印。

汴河曲

汴水東流無限春。隋家宮闕已成塵。行人莫上長堤望。風起楊花愁殺人。

臨滹沱見蕃使列名

漠南春色到滹沱。邊柳青青塞馬多。萬里江山今不閉。漢家頻許郅支和。

上汝州郡樓

黃昏鼓角似邊州。三十年前上此樓。今日山川對垂淚。傷心不獨爲悲秋。

寶

車字貽周扶風人貞元中進士長慶中國子司業

奉誠園聞笛馬燧子暢以宅中大杏餉寶文場文場以進德宗命使封杏樹暢懼進宅改爲奉誠園

曾絕朱纓吐錦茵。楚莊王事丙吉欲披荒草訪遺塵。秋風忽灑西園淚。滿目山陽笛裏人。傷馬氏以見德宗之薄

戴叔倫

湘南卽事

盧橘花開楓葉衰。出門何處望京師。沅湘日夜東流去。不爲愁人住少時。此留滯楚南見君无期而咎沅湘東流不爲少住亦无聊之思也。

顧况

宿昭應

武帝祈靈太乙壇。新豐樹色遶千官。那知今夜長生殿。獨閉空山月影寒。刺祈禱之无益也。

權德輿

贈天竺靈隱二寺主

石路泉流兩寺分。尋常鐘磬隔山聞。山僧半在中峯住。共占青巒與白雲。

武元衡

題嘉陵驛

悠悠風旆繞山川。山驛空濛雨似煙。路半嘉陵頭已白。蜀門西更上青天。卽蜀道難意。

韓愈

次潼關先寄張十二閣老

荆山已去華山來。日照潼關四扇開。刺史莫辭迎候遠。相公新破蔡州迴。沒石飲羽之法。不必以尋常絕句法求之。

柳宗元

柳州二月榕葉落盡偶題

宦情羈思共悽悽。春半如秋意轉迷。山城過雨百花盡。榕葉滿庭鶯亂啼。

夏晝偶作

南州溽暑醉如酒。隱几熟眠開北牖。日午獨覺無餘聲。山童隔竹敲茶臼。

酬曹侍御過象縣見寄

破額山前碧玉流。騷人遙駐木蘭舟。春風無限瀟湘意。欲採蘋花不自由。欲採蘋花相贈。尚牽制不能自由。何以爲情乎。言外有欲以

心獻之於君而未由。意與上蕭翰林書同意。而詞特微婉。

與浩初上人同看山寄京華親故

海畔尖山似劍鋸。秋來處處割愁腸。若爲化得身千億。散作峯頭望故鄉。

劉禹錫

石頭城

山圍故國周遭在。潮打空城寂寞回。淮水東邊舊時月。夜深還過女牆來。只爲山水明月。而六代繁華。俱歸烏有。令人於言外思之。樂天

謂後之詩人不能復措詞矣。

烏衣巷

朱雀橋邊野草花，烏衣巷口夕陽斜。舊時王謝堂前燕，飛入尋常百姓家。
言王謝家成名居耳，用筆巧妙，此唐人三昧也。

聽舊宮人穆氏唱歌

曾隨織女渡天河，記得雲間第一歌。休唱貞元供奉曲，當時朝士已無多。
貞元尚多君子，元和已少其人，前人謂有西方美人之思。

與歌者何戡

二十餘年別帝京，重聞天樂不勝情。舊人惟有何戡在，更與殷勤唱渭城。
王維渭城詩，唐人以為送別之曲，夢得重來京師，舊人惟一樂

工為唱渭城送別，何以為情也。○當時餅師亦唱渭城，此只取其三疊之工。

楊柳枝詞

煬帝行宮汴水濱，數株殘柳不勝春。晚來風起花如雪，飄入宮牆不見人。
以勝李君虞汴河曲。

和令狐相公牡丹

平章宅裏一欄花，臨到開時不在家。莫道兩京非遠別，春明門外即天涯。
吳梅村拙政園山茶歌胎源於此。

張 籍

送蜀客

蜀客南行祭碧雞。木棉花發錦江西。山橋日晚行人少。時有猩猩樹上啼。

哭孟寂

曲江院裏題名處。十九人中最少年。今日春光君不見。杏花零落寺門前。高郢典試其年進士十七人。宏詞二人。故云十九人。

秋思

洛陽城裏見秋風。欲作家書意萬重。復恐匆匆說不盡。行人臨發又開封。亦復人人胸臆語。與馬上相逢無紙筆。一首同妙。

王建

江陵使至汝州

回看巴路在雲間。寒食離家麥熟還。日暮數峯青似染。商人說是汝州山。

十五夜望月

中庭地白樹棲鴉。冷露無聲濕桂花。今夜月明人盡望。不知秋思在誰家。不說明己之感。秋故妙。

賈島

渡桑乾

客舍并州已十霜。歸心日夜憶咸陽。無端更渡桑乾水。卻望并州是故鄉。謂并州且不得久住。况咸陽乎。仍是思咸陽。非不忘并州也。王

敬美駁謝註甚允。

白居易

魏王堤

花寒懶發鳥慵啼。信馬閑行到日西。何處未春先有思。柳條無力魏王堤。

邯鄲至夜思親

邯鄲驛裏逢冬至。抱膝燈前影伴身。想得家中夜深坐。還應說着遠遊人。只得有真字

憶江柳

曾栽楊柳江南岸。一別江南兩度春。遙憶青青江岸上。不知攀折是何人。

種荔支

紅顛珍珠誠可愛。白鬚太守亦何癡。十年結子知誰在。自向庭中種荔支。達甚亦多情甚

白雲泉

太平山上白雲泉。雲自無心水自閒。何必奔衝山下去。更添波浪向人間。

趙村杏花

趙村紅杏每年開。十五年中看幾回。七十三人難再到。今春來是別花來。

元稹

亞枝紅

平陽地上亞枝紅，悵望山郵是事同。還向萬竿深竹裏，一枝渾臥碧流中。

聞樂天左降江州司馬

古人尙右，以降爲左。

殘燈無焰影幢幢，此夕聞君謫九江。垂死病中驚坐起，暗風吹雨入寒窗。樂天云：化人尙不可聞况僕哉。

重贈樂天

莫遣玲瓏唱我詩，我詩多是別君辭。明朝又向江頭別，月落潮平是去時。

李賀

南園

男兒何不帶吳鉤，收取關山五十州。諸君暫上凌烟閣，若箇書生萬戶侯。如文洛公之破貝州，王文成之擒宸濠，平八寨，何不可萬戶侯耶。

尋章摘句老雕蟲，曉月當簾挂玉弓。不見年年遼海上，文章何處哭秋風。

柳淡

征人怨

歲歲金河復玉關，朝朝馬策與刀環。三春白雪歸青塚，萬里黃河遶黑山。

陳羽 江東人貞元中進士

吳中覽古

吳王舊國水煙空。香徑無人蘭葉紅。春色似憐歌舞地。年年先發館娃宮。

呂

溫字和叔河中人貞元末進士王叔文引爲侍御史元和中歷刑部郎中坐構宰相李吉甫貶道州刺史轉衡州卒

劉郎浦口號

吳蜀成婚此水濶。明珠步障屋黃金。誰將一女輕天下。欲換劉郎鼎峙心。

李德裕

長安秋夜

內官傳詔問戎機。載筆金鑾夜始歸。萬戶千門皆寂寂。月中清露點朝衣。

令狐楚

少年行

弓背霞明劍照霜。秋風走馬出咸陽。未收天子河湟地。不擬回頭望故鄉。

張仲素

塞下曲

朔雪飄飄開雁門。平沙歷亂卷蓬根。功名恥計擒生數。直斬樓蘭報國恩。

秋夜曲

丁丁漏永夜何常。漫漫輕雲露月光。秋逼暗蟲通夕響。征衣未寄莫飛霜。

秋閨思二首

碧牕斜日藹深暉。愁聽寒蟬淚溼衣。夢裏分明見關塞。不知何路向金微。即王涯所云不省出門行沙場知近遠意。

秋天一夜靜無雲。斷續鴻聲到曉聞。欲寄征人問消息。居延城外又移軍。

涼州詞

鳳林關裏水東流。白草黃榆六十秋。邊將皆承主恩澤。無人解道取涼州。高常侍亦云豈無安邊書。諸將已承恩高說得憤。此說得婉。

施肩吾

望夫詞

手爇寒燈向影頻。迴文機上暗生塵。自家夫婿無消息。卻恨橋頭賣卜人。

折楊柳

傷見路傍楊柳春。一株折盡一重新。今年還折去年處。不送去年離別人。情思回折。

王涯

塞下曲

年少辭家從冠軍，金鞍寶劍去邀勳。不知馬骨傷寒水，惟見龍城起暮雲。

羊士諤泰山人貞元中進士元和中以省郎貶資州刺史

臺中寓直覽壁畫山水

蟲思庭莎白露天，微風吹竹曉淒然。今來始悟朝回客，暗寫歸心向石泉。隨所感觸無非歸興不必作畫者果有此心

楊凝

送客入蜀

劍閣迢迢夢想間，行人歸路遶梁山。明朝騎馬搖鞭去，秋雨槐花子午關。

張祜

雨霖鈴上皇幸蜀棧道中遇雨聞鈴製雨霖鈴曲以授張徵洎至德中復幸華清從官嬪御無一舊人上於望東樓令徵復奏此曲不覺愴然

雨霖鈴值却歸秦，猶是張徽一曲新。長說上皇和淚教，月明南內更無人。情韻雙絕○祜又有集靈臺朝

至尊諷刺輕薄絕無詩品後人雜入杜集衆口交贊真不可解○王維之白眼看他世上人張謂之世人結交須黃金曹松之一將功成萬骨枯章竭之劉項原來不讀書此粗詩之派也朱慶餘之鸚鵡前頭不敢言此纖小詩之派也李商隱之薛王沉醉壽王醜此輕薄詩之派也因論張祜詩而及之

鮑溶

贈楊鍊師

道士夜誦藥珠經。白鶴下繞香煙聽。但移經盡人上鶴。天風吹入青冥冥。

杜

牧之絕句。遠韻。達神。然如赤壁詩。東風不與周郎便。銅雀春深鎖二喬。近輕。薄。少年語。而詩家盛稱之。何也。

過華清宮

長安回望繡成堆。山頂千門次第開。一騎紅塵妃子笑。無人知是荔枝來。

登樂遊原

長空澹澹孤鳥沒。萬古銷沉向此中。看取漢家何事業。五陵無樹起秋風。樹起秋風。已不。回首。况於無樹耶。

江南春

千里鶯啼綠映紅。水村山郭酒旗風。南朝四百八十寺。多少樓臺烟雨中。

醉後題僧院

觥船一擢百分空。十載青春不負公。今日鬢絲禪榻畔。茶煙輕颺落花風。

泊秦淮

烟籠寒水月籠沙。夜泊秦淮近酒家。商女不知亡國恨。隔江猶唱後庭花。絕唱。

題桃花夫人廟

細腰宮裏露桃新。脈脈無言度幾春。至竟息亡緣底事。可憐金谷墮樓人。不言而生子。此何意耶。綠珠之墮樓。不可及矣。

寄楊州韓綽判官

青山隱隱水迢迢。秋盡江南草木凋。二十四橋明月夜。玉人何處教吹簫。

邊上聞笳

何處吹笳薄暮天。塞垣高鳥沒狼烟。遊人一聽頭堪白。蘇武爭禁十九年。爭禁妙。俗本作曾禁。

山行

遠上寒山石徑斜。白雲生處有人家。停車坐愛楓林晚。霜葉紅於二月花。

李商隱義山長於風諭。工於徵引。唐人中另開一境。顧其中諷刺太深。往往失之輕薄。此俱取其大雅者。

夜雨寄北

君問歸期未有期。巴山夜雨漲秋池。何當共剪西窗燭。卻話巴山夜雨時。此寄閨中之詩。雲間唐氏謂寄私暱之人。詩中有何私暱意耶。

寄令狐郎中

嵩雲秦樹久離居。雙鯉迢迢一紙書。休問梁園舊賓客。茂陵秋雨病相如。

漢宮詞

青雀西飛竟未回。君王長在集靈臺。侍臣最有相如渴。不賜金莖露一杯。言求仙無益也。或謂刺好神仙而疎賢才。或謂天子求仙宮闈

必曠。故以宮詞名篇。以相如比宮女。穿鑿可笑。

宮妓

珠箔輕明拂玉墀。披香新殿鬪腰支。不須看盡魚龍戲。終遣君王怒偃師。
列子：穆王西巡，道有獻工人名偃師，偃師所造，能倡者，領其頤則歌，合律，捧其手則舞，應節。技將終，瞬其目而招王之侍妾，王怒，欲誅偃師。偃師立剖散倡者以示王，肝膽支節等皆假物也。

齊宮詞

永壽殿兵來。蕭衍兵入。夜不扃。金蓮無復印中庭。梁臺歌管三更罷。猶自風搖九子鈴。
不著議論。可憐夜半虛遊殿寺有九子鈴。此篇

前席。竟著議論。異體而各極其致。

賈生

宣室求賢訪逐臣。賈生才調更無倫。可憐夜半虛前席。不問蒼生問鬼神。
錢牧齋：絳灌但知讒賈誼。可思流汗媿陳平。全學此種。

北齊二首

一笑相傾國便亡。何勞荆棘始堪傷。小憐玉體橫陳夜。已報周師入晉陽。
後主馬淑妃名小憐。

巧笑知堪敵萬幾。傾城最在著戎衣。晉陽已陷休回顧。更請君王獵一圍。
北齊書：周師取平陽，帝獵於三堆。晉州告急，帝將反。淑妃請更

殺一圍從之。

舊將軍

雲臺高議正紛紛，誰定當時蕩寇勳。
日暮灞陵原上獵，李將軍是故將軍。

常娥

雲母屏風燭影深，長河漸落曉星沉。
常娥應悔偷靈藥，碧海青天夜夜心。
孤寂之現，以夜夜心二字盡之，士有爭先得路而自悔者，亦作。

如是觀

溫庭筠

贈彈箏人

天寶年中事玉皇，曾將新曲教寧王。
鈿蟬金雁皆零落，一曲伊州淚萬行。
與白頭宮女說元宗同意。

瑤瑟怨

冰簟銀床夢不成，碧天如水夜雲輕。
雁聲遠過瀟湘去，十二樓中月自明。

渭上題

呂公榮達子陵歸，萬古烟波繞釣磯。
橋上一通名利迹，至今江鳥背人飛。

許渾

謝亭送別

勞歌一曲解行舟，紅葉青山水急流。
日暮酒醒人已遠，滿天風雨下西樓。
黯然銷魂。

學仙

心期仙訣意無窮。采畫雲車起壽宮。聞有三山未知處。茂陵松柏滿西風。

雍陶

和孫明府懷舊山

五柳先生本在山。偶然爲客落人間。秋來見月多歸思。自起開籠放白鸞。動物歸思而放鸞。見物我同情。

天津橋春望

津橋春水浸紅霞。煙柳風絲拂岸斜。翠輦不來金殿閉。宮鶯銜出上陽花。

趙嘏

經汾陽舊宅

門前不改舊山河。破虜曾經馬伏波。今日獨經歌舞地。古槐疎冷夕陽多。見山河如故。而恢復山河者已不堪憑弔矣。可感全在起句。

陸龜蒙

懷宛陵舊遊

陵陽佳地昔年遊。謝朓青山李白樓。惟有日斜溪上思。酒旗風影落春流。佳句詩中畫本。

白蓮

素鶻多蒙別豔欺。此花端合在瑤池。無情有恨何人覺。月曉風清欲墮時。取神之作。

鄭谷

淮上與友人別

揚子江頭楊柳春。楊花愁殺渡江人。數聲風笛離亭晚。君向瀟湘我向秦。落句不言離情。却從言外領取。與韋左司聞雁詩同一法也。謝

茂秦向不得其旨而欲顛倒其文。安問悠悠流俗。

席上贈歌者

花月樓臺近九衢。清歌一曲倒金壺。坐中亦有江南客。莫向春風唱鷓鴣。

杜荀鶴

溪興

山雨溪風卷釣絲。瓦鷗蓬底獨斟時。醉來睡著無人喚。流下前灘也不知。

高駢

步虛詞

清谿道士人不識。上天下天鶴一隻。洞門深鎖碧窗寒。滴露研朱點周易。

羅隱

贈妓雲英

鍾陵醉別十餘春，重見雲英掌上身。我未成名君未嫁，可能俱是不如人。隱下第見舊妓雲英，英曰：羅秀才尚未脫白，因贈以詩。

柳

灞岸晴來送別頻，相偎相倚不勝春。自家飛絮猶無定，爭把長條絆得人。自出新意。

李 洞

山居喜友人見訪

入雲晴斷茯苓還，日暮逢迎水石間。看待詩人無別物，半潭秋水一房山。

繡嶺宮詞

春日遲遲百草綠，野棠開盡飄香玉。繡嶺宮前鶴髮翁，猶唱開元太平曲。

高 蟾字里未詳，乾符中進士。

下第後上永崇高侍郎

天上碧桃和露種，日邊紅杏倚雲栽。芙蓉生在秋江上，不向東風怨未開。存得此心，化悲憤為和平矣。

盧 弼未詳。

塞上四時詞

春風昨夜到榆關。故國煙花想已殘。少婦不知歸未得。朝朝應上望夫山。亦恐己之家入。亦將化石。

盧龍塞外州。初肥鴈乳平蕪曉不飛。鄉國近來音信斷。至今猶自著寒衣。

八月霜飛柳變黃。蓬根吹斷雁南翔。隴頭流水關山月。泣上龍堆望故鄉。

朔風吹雪透刀瘢。飲馬長城窟更寒。半夜火來知有敵。一時齊保賀蘭山。冰凍恐胡馬踏冰而來。所以急於防守。

陳陶字嵩伯。嶺南人。隱居洪州西山。種柑橙。令賣之。自給。妻子亦知讀書。自號三教布衣。

隴西行

誓掃匈奴不顧身。五千貂錦喪胡塵。可憐無定河邊骨。猶是春閨夢裏人。作苦語無過此者。然使王之漢王昌齡為之。更有餘韻。此時代

使然。作者亦不知其然而然也。

韋莊

古別離

晴煙漠漠柳毵毵。不那離情酒半酣。更把玉鞭雲外指。斷腸春色在江南。

金陵圖

江雨霏霏江草齊。六朝如夢鳥空啼。無情最是臺城柳。依舊煙籠十里隄。

唐彥謙字茂業。并州人。咸通中進士。

仲山 漢高祖兄
劉仲所葬

千載遺蹤寄薜蘿。沛中鄉里舊山河。長陵亦是閑丘壘。異日誰知與仲多。漢書高祖置酒奉玉卮為太上

治產業不如仲
力今與仲孰多

李拯 字昌時未詳里居咸通中進士累
遷考功郎中僖宗召為翰林學士

退朝望終南山 黃巢亂後車
駕還京作

紫宸朝罷綴鸞鸞。丹鳳樓前駐馬看。唯有終南山色在。晴明依舊滿長安。杜老王侯第宅文武衣冠之
感然以蘊藉出之得絕句體

杜常 字里未詳唐末
人已見宋詩中

華清宮

行盡江南數十程。曉風殘月入華清。朝元閣上西風急。都向長楊作雨聲。末二句寫荒涼
之狀不求甚解

王駕

社日

鵝湖山下稻梁肥。豚柵雞棲半掩扉。桑柘影斜春社散。家家扶得醉人歸。極村社中傳
出太平風景

王韞秀 以下閨中及方
外無名氏詩

寄姨妹

相國已隨麟閣貴。家風第一右丞詩。笄年解笑鳴機婦。恥見蘇秦富貴時。

陳玉蘭

吳人。王駕妻。

寄外征衣

一作王駕古意詩。

夫戍邊關妾在吳。西風吹妾妾憂夫。一行書寄千行淚。寒到君邊衣到無。

葛亞兒

懷良人

蓬鬢荆釵世所稀。布裙猶是嫁時衣。胡麻好種無人種。正是歸時不見歸。
以耕鑿望夫之歸。比較正。夫壻覓封侯較切較正。

劉瑗

長門怨

雨滴梧桐秋夜長。愁心和雨到昭陽。淚痕不學君恩斷。拭卻千行更萬行。

杜秋孃

李錡妾。

金縷詞

勸君莫惜金縷衣。勸君須惜少年時。有花堪折直須折。莫待無花空折枝。

武昌妓

續韋蟾句

悲莫悲兮生別離。登山臨水送將歸。武昌無限新栽柳。不見楊花撲面飛。上二句集得好。下二句續得好。

僧法振

送友人之上都

玉帛徵賢楚客稀。猿啼相送武陵歸。潮頭望入桃花去。一片春帆帶雨飛。

樂府辭蓋嘉運進

涼州歌

朔風吹葉雁門秋。萬里煙塵昏戍樓。征馬長嘶青海北。胡笳夜聽隴山頭。

無名氏

雜詩

無定河邊暮笛聲。赫連臺畔旅人情。函關歸路千餘里。一夕秋風白髮生。

無名氏

胡笳曲

月明星稀霜滿野。氈車夜宿陰山下。漢家自失李將軍。單于公然來牧馬。

唐詩別裁 四 七言絕句

無名氏

初渡漢江

襄陽好向峴亭看。人物蕭條屬歲闌。爲報習家多置酒。夜來風雪過江寒。

一百四十八

中華民國二十五年一月初版
中華民國二十五年十月三版

(80063·1)

國學基本叢書簡編
唐詩別裁二冊

每部實價國幣肆角伍分

外埠酌加運費匯費

選註者 沈 德 潛

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

上海图书馆藏书



A541 212 0006 2205B

